

Xi³ Ni³ na¹ qui³ si³ c⁷ a³ tsen³-le⁴ Juan

Xi³ Ni³ na¹ qui³ si³ c⁷ a³ tsen³-le⁴ Jesucristo

¹ Ni³ na¹ qui³ si³ c⁷ a³ tsen³-le⁴ Jesucristo, jme¹-ni³ nca³ coa⁴ co²-si¹ ni³ le⁴ cho⁴⁷ nta³-le⁴ je² cjoa⁴ xi³ coan⁴ nti⁴ ton⁴. C⁷ oa⁴-s⁷ in² qui³ si³ qui² xi⁴ ya³ qui³ si³ ca³ sen¹ cao⁴ jnco³ a² ncje⁴. Qui³ si³ ca³ sen¹-le⁴ je² Juan cho⁴⁷ nta³-le⁴. ² Je² Juan qui³ tsjoa³ en¹-le⁴ xi³ t⁷ a³ ts⁷ e⁴ en¹-le⁴ Ni³ na¹, c⁷ oa⁴ xi³ t⁷ a³ ts⁷ e⁴ en¹-le⁴ Jesucristo, c⁷ oa⁴ xi³ t⁷ a³ ts⁷ e⁴ nca³ yi³ je³ cjoa⁴ xi³ tsa³ ve³. ³ Jo¹ to⁴ nta³-le⁴ je² xi³ v⁷ e¹ xquia⁴, c⁷ oa⁴ je² xi³ nch⁷ oe¹ en¹-vi⁴ xi³ c⁷ oa⁴-s⁷ in² va¹ ya³ con³, c⁷ oa⁴ xi³ si¹ tjo³ son²-le⁴ en¹ xi³ tjio¹ t⁷ a³-vi⁴, nca³ je² ni⁴ čhjin³-le⁴ cji³ ma³ čhian³.

Juan si¹ ti²⁷ nta³ xi³ ña³ to³ na⁴ xi⁴ na³ nta¹-le⁴ Cristo

⁴ An³ xi³ Juan ⁷ mi²-na³ ti² cji³-no³ nca³ jon² xi³ ña³ to³ na⁴ xi⁴ na³ nta¹-le⁴ Cristo xi³ ti³ yo³ ya⁴ Asia: Cjoa⁴ nta³ ca² ta³ s⁷ e³-no³, ca² ta³ si¹ qui³ njen³ nch⁷ an¹ jin³ ni⁴ ma⁴-no³ je² xi³ ti¹ jna³, xi³ tsa³ c⁷ e² jna³, c⁷ oa⁴ xi³ cjoa⁴⁷ ai¹-ni³, c⁷ oa⁴ je² ña³ to³ espíritu xi³ tjio¹ ngui³ xcon⁴ ya¹ xi² le⁴-le⁴ Ni³ na¹, ⁵ c⁷ oa⁴ Jesucristo je² testigonta³, je² xi³ ti¹ tjon² ja³⁷ a² ya³ jin³-ni³ le⁴ c⁷ en³, je² xi³ nca³ jco⁴-le⁴ cho⁴ ta⁴ ti¹ tjon² xi³ i⁴ tjio¹ son³⁷ nte³-vi⁴. Je² xi³ coan³ tsjoa³ que³-na¹. Je² xi³ tsa³ ca³ ne¹ ya³-ni³ cao⁴ njin¹-le⁴ je² je¹-na¹. ⁶ C⁷ oa⁴-s⁷ in² qui³ tsjoa³-na¹ nca³ cho⁴ ta⁴ ti¹ tjon² coan³², c⁷ oa⁴ na⁴⁷ mi³

xi³ t'a³ts'e⁴ Ni³na¹, Nai³-le⁴. Je² ca²tji³tjo³je³ya³, c'oa⁴ je² ca²ta³va³te¹xo³ma³ nca³ntsjai² ni⁴čhjin³. C'oa⁴ ca²ta³ma³. 7 Coe⁴-ni³ yo³jvi³ cjo⁴nčhoa³j³in³, c'oa⁴ scoe⁴-ni³ xcon⁴ cho⁴ta⁴ nca³ts'i³, cao⁴ xi³ qui³si³qui²aon³-le⁴. Nca³ts'i³ cho⁴ta⁴ xi³ jnco¹jnco¹ ntje⁴-le⁴ xi³ i⁴ tjio¹ son³nte³-vi⁴ squi¹'nta¹t'ain³ nca³ je². C'oa⁴-s'in² ca²ta³s'e³. C'oa⁴ ca²ta³ma³. 8 An³ nia¹³ je² Alfa c'oa⁴ je² Omega, xi³ ti¹tjon² c'oa⁴ xi³ fe³t'a³, tso² je² Nai³-na¹. Je² xi³ ti¹jna³, c'oa⁴ je² xi³ tsa³c'e²jna³, c'oa⁴ je² xi³ cjoa⁴ai¹-ni³. Je² xi³ va³te¹xo³ma³ nca³yi³je³.

Juan tsa³ve³je² nti¹-le⁴ cho⁴ta⁴

9 An³ xi³ Juan 'mi²-na³, xi³ nts'ao³. To⁴jnco³ ti³chja³a³² cjoa⁴n'ain³, c'oa⁴ ti²jna⁴cao⁴-no³ ya⁴ cjoa⁴te¹xo³ma³-le⁴ cao⁴ cjoa⁴tse³jta³-le⁴ Jesucristo. An³ tsa³ca²te⁴jna³ ya⁴ 'nte³ xi³ ti¹jna³j³in³ nta¹chi³con³, ya⁴ jña³ nca³ isla Patmos 'mi², xi³ t'a³ts'e⁴ en¹-le⁴ Ni³na¹, c'oa⁴ xi³ t'a³ts'e⁴ en¹-le⁴ Jesucristo. 10 An³ c'oa⁴-s'in² ti²jna⁴coa⁴ je² Espíritu Santo nca³ je² ni⁴čhjin³-le⁴ Nai³-na¹, c'oa⁴ ya¹nts'ian³ qui³nčh'oe³-le⁴ jnco³ jta⁴ jo³-ni³ tsa² čhjao³ xi³ fa³ne³, 11 xi³ qui³tso²: An³ nia¹³ je² Alfa c'oa⁴ je² Omega, je² xi³ ti¹tjon² c'oa⁴ je² xi³ fe³t'a³. Chji¹t'a³jncoi³ xon⁴ je² xi³ ti³ya³, c'oa⁴ ti⁴ca³sen¹-lai⁴ je² ña³to³ na⁴xi⁴na³nta¹-le⁴ Cristo xi³ tj¹in¹ ya⁴ Asia: ya⁴ Éfeso, c'oa⁴ ya⁴ Esmirna, c'oa⁴ ya⁴ Pérgamo, c'oa⁴ ya⁴ Tiatira, c'oa⁴ ya⁴ Sardis, c'oa⁴ ya⁴ Filadelfia, c'oa⁴ ya⁴ Laodicea. 12 Qui³si³c'o¹fa³ya³ nca³ me³-na³ scoe³'ya³-ni³ xi³ tsa³cja¹cao⁴-na³. C'ia⁴ nca³ qui³si³c'o¹fa³ya³ tsa³ve³ ña³to³ xi³ si³ncha²ya³ se²ra⁴ xi³ taon⁴si³ne². 13 C'oa⁴ 'ncho²va³sen³-le⁴

xi³ ña³to³ xi³ si³ncha²ya³ se²ra⁴ ti¹jna³ jnco³ xi³
c⁷oa⁴cji³ jo³ cji³ je² ?nti¹-le⁴ cho⁴ta⁴. Y⁷a³cja¹ jnco³
na³jño³jñcho³, tji¹cja¹nc⁷a³-le⁴ jnco³ n⁷o¹pa²ño⁴ xi³
taon⁴si³ne². 14 Je² jco⁴ c⁷oa⁴ je² ntsja⁴jco⁴ čhoa³
cjoan³ jo³-ni³ tsa² ntsja⁴-le⁴ va³re², jo³-ni³ tsa²
nch⁷an¹, c⁷oa⁴ je² xcon⁴ jo³-ni³ tsa² ni⁴jen⁴l⁷i¹ cji³.
15 Ntso⁴co⁴ c⁷oa⁴cjoan³ jo³-ni³ xo⁴qui⁴cha⁴si³ne²
xi³ nta³ cjoan³, xi³ fa³te³ jo³-ni³ tsa² nca⁴ja¹ l⁷i¹,
c⁷oa⁴ jta⁴-le⁴ jo³-ni³ tsa² na³nta¹ xi³ n⁷ion¹ fa³ne³.
16 Ntsja³ nca³qui²xi⁴ ña³to³ ni³ño³ tjio¹ya³, c⁷oa⁴
ts⁷oa³ ji³tjo³-ni³ jnco³ qui⁴cha⁴ xi³ n⁷ion¹ yao³
nca³ jao² ncoa³. Sen¹-le⁴ c⁷oa⁴cji³ jo³ ts⁷oi¹ cji³
c⁷ia⁴ nca³ n⁷ion¹ ma³fa³te³. 17 C⁷ia⁴ nca³ tsa³ve³,
qui³sca³nquia³ nqui³ntso⁴co⁴ jo³-ni³ tsa² jnco³ c⁷en³.
Tsa³ca²jna³son²-na³ ntsja³ nca³qui²xi⁴, qui³tso²-na³:
A³li² vi³jcon³-jin²³. An³ nia¹³ je² xi³ ti¹tjon², c⁷oa⁴
je² xi³ fe³t⁷a³. 18 An³ nia¹³ xi³ ti²jna⁴coan³, c⁷oa⁴
an³ nia¹³ tsa³ca²te⁴jna³c⁷en³. Coe⁴-ni³ ti²jna⁴coan³
nca³ntsja². C⁷oa⁴ ca²ta³ma³. Tjin¹-na³ yo²vi⁴ xi³
ts⁷e⁴ cjoa⁴vi³ya³, c⁷oa⁴ xi³ ts⁷e⁴ ?nte³ jña³ nca³ ti¹ti².
19 Chji¹³ cjoa⁴ xi³ tsa³yai³, c⁷oa⁴ xi³ cji³ma³, c⁷oa⁴
jo³ coan⁴ xi³ coan⁴-ni³. 20 Je² cjoa⁴ma³ xi³ t⁷a³ts⁷e⁴
ña³to³ ni³ño³ xi³ tsa³yai³ ntsa⁴qui²xia⁴, c⁷oa⁴ xi³
t⁷a³ts⁷e⁴ ña³to³ xi³ si³ncha²ya³ se²ra⁴ xi³ taon⁴si³ne²,
coi³ xi³ tso²-ni³: Xi³ ña³to³ ni³ño³ a²ncje⁴ xi³ ts⁷e⁴
ña³to³ na⁴xi⁴na³nta¹-le⁴ Cristo, c⁷oa⁴ xi³ ña³to³ xi³
si³ncha²ya³ se²ra⁴ xi³ tsa³yai³, coi³ na⁴xi⁴na³nta¹-le⁴
Cristo xi³ ña³to³ ma³-ni³.

2

Cjoa⁴ xi³ tsa³c⁷in²-le⁴ na⁴xi⁴na³nta¹-le⁴ Cristo ya⁴

Efeso

1 Chji¹-lai⁴ je² a²ncje⁴ xi³ ts⁷e⁴ na⁴xi⁴na³nta¹-le⁴ Cristo ya⁴ Éfeso: Je² xi³ tjin¹-le⁴ je² ña³to³ ni³ño³ ntsja³ nca³qui²xi⁴, je² xi³ tso²⁷va³ nca³va³sen³-le⁴ ña³to³ xi³ si³ncha²ya³ se²ra⁴ xi³ taon⁴si³ne², tso² cjoa⁴ je²-vi⁴: 2 An³ ve³nia¹³ xa¹-no³, jo³-s⁷in² n⁷ion¹ ni²xao¹³, cao⁴ cjoa⁴tse³jta³-no³, c⁷oa⁴ li²coi³ jcho¹cjoa⁴cao⁴-no³ cho⁴ta⁴ts⁷en⁴. Je³qui³cho²t⁷ao³ je² xi³ pa²stro⁴ tso²-le⁴ yao³-le⁴, c⁷oa⁴ li²coi³-ni³ coan³. Je³coan³sjai³-no³ nca³ cho⁴ta⁴nti³so³. 3 Qui³chja³⁷ao²³ cjoa⁴ñ⁷ain³, c⁷oa⁴ qui³s⁷e³-no³ cjoa⁴tse³jta³, c⁷oa⁴ n⁷ion¹ qui³ni²xao¹³ xi³ to⁴t⁷a³ts⁷e⁴ jan³⁷ain¹-na⁴, c⁷oa⁴ li²coi³ ji³jtao³. 4 To⁴nca³ tjin¹-na³ cjoa⁴ co²ntran⁴-no³ nca³ qui³ni²c⁷e¹yo³ cjoa⁴tjao²cha³ xi³ ti¹tjon². 5 Ti⁴cja³⁷ai³tsjaon³ jña³ni³ve⁴ nca³ qui³tsao³, c⁷oa⁴ ti⁴c⁷a³ntjai²yao³ cjoa⁴fa³⁷ai³tsjen³-no³, c⁷oa⁴t⁷iaon⁴³ xa¹ jo³-s⁷in² nca³ ti¹tjon². C⁷oa⁴ tsa² mai³-ni¹, cjoe²⁷e⁴ nch⁷oe²nti⁴ton⁴-no³, c⁷oa⁴ cjoa³⁷a²xin²-nia¹³ nte³-le⁴ xi³ vi³ncha³yao³ se²ra⁴-no³, c⁷ia⁴ tsa² cje³ ni²c⁷a³ntjai²ya³-jion²³ cjoa⁴fa³⁷ai³tsjen³-no³. 6 To⁴nca³ tjin¹-no³ jon² nca³ ch⁷ao³chao³ je² cjoa⁴-le⁴ cho⁴ta⁴ nicolaítas. C⁷oa⁴-ti⁴ an³ ch⁷ao³que⁴. 7 Je² xi³ tjin¹ xo⁴ño³, ca²ti³ncha²ño³-le⁴ jo³ tso²-le⁴ je² na⁴xi⁴na³nta¹-le⁴ Cristo je² Espíritu Santo. Je² xi³ si⁴qui³njen³, an³ tsjoa³-le⁴ nca³ squi⁴ne⁴ je² to³-le⁴ ya¹ xi³ ts⁷e⁴ cjoa⁴vi³jna³chon³, xi³ se¹jna³ nca³va³sen³-le⁴ nte³ xi³ na³sca¹chon³ xi³ ts⁷e⁴ Ni³na¹.

Cjoa⁴ xi³ tsa³c⁷in²-le⁴ na⁴xi⁴na³nta¹-le⁴ Cristo ya⁴ Esmirna

8 Chji¹-lai⁴ je² a²ncje⁴ xi³ ts⁷e⁴ na⁴xi⁴na³nta¹-le⁴ Cristo ya⁴ Esmirna: Je² xi³ ti¹tjon² c⁷oa⁴ je² xi³ fe³t⁷a³, je² xi³ c⁷en³ c⁷oa⁴ xi³ ja³ ⁷a²ya³-le⁴, tso² cjoa⁴ je²-vi⁴. 9 An³ ⁷ve³nia¹³ xa¹-no³, c⁷oa⁴ cjoa⁴ñ⁷ain³-no³, c⁷oa⁴ cjoa⁴yo⁴ma⁴-no³ (to⁴nca³ jon² nchi⁴nao¹³), c⁷oa⁴ jo³-s⁷in² nca³ nchja⁴⁷aon³ je² cho⁴ta⁴ xi³ judío tso²-le⁴ yao³-le⁴, c⁷oa⁴ li²coi³ coan³-ni³, to⁴nca³ nt⁷ia³ sinagoga xi³ ts⁷e⁴ Satanás coan³. 10 A³li²jme³-jin² xi³ vi³jcon³-lao⁴³ je² cjoa⁴ñ⁷ain³ xi³ chja⁴⁷ao²³. Coe⁴-ni³, je² nai⁴² sca⁴ni²c⁷a³-no³ nto⁴ya¹, jme¹-ni³ nca³ c⁷oa⁴-s⁷in² cho¹t⁷a³-si¹ni³no³, c⁷oa⁴ te³ ni⁴čhjin³ s⁷e⁴-no³ cjoa⁴ñ⁷ain³. N⁷ion¹ t⁷iaon⁴³ta³con²³ jo³ sa³⁷nta³ nca³ coi⁴yao¹³, c⁷oa⁴ an³ tsjoa³no³ cjoa⁴vi³jna³chon³ xi³ jo³-ni³ jnco³ corona. 11 Je² xi³ tjin¹ xo⁴ño³, ca²ti³ncha²ño³-le⁴ jo³ tso²-le⁴ je² na⁴xi⁴na³nta¹-le⁴ Cristo je² Espíritu Santo. Je² xi³ si⁴²qui³njen³, li²jme³ xi³ coan⁴-le⁴ je² cjoa⁴vi³ya³ xi³ ma³jao²-ni³.

Cjoa⁴ xi³ tsa³c⁷in²-le⁴ na⁴xi⁴na³nta¹-le⁴ Cristo ya⁴ Pérgamo

12 Chji¹-lai⁴ je² a²ncje⁴ xi³ ts⁷e⁴ na⁴xi⁴na³nta¹-le⁴ Cristo ya⁴ Pérgamo: Je² xi³ tjin¹-le⁴ qui⁴cha⁴ xi³ yao³ nca³ jao² ncoa³, tso² cjoa⁴ je²-vi⁴: 13 An³ ⁷ve³nia¹³ xa¹-no³, c⁷oa⁴ jña³ nca³ ti³yo³, jña³ nca³ ti¹jna³ ya¹xi²le⁴-le⁴ je² Satanás. Li²coi³ ni²cha³jion³ jan³⁷ain¹-na⁴, c⁷oa⁴ li²coi³ tsa³c⁷e²⁷mao³ xi³ ma³cjain¹-no³ t⁷a³ts⁷an⁴, nta³ tsa² je² ni⁴čhjin³-le⁴ je² Antipas je² testigonta³-na⁴, je² xi³ c⁷en³jín³-no³ nca³ jon², jña³ nca³ ti¹jna³ Satanás. 14 To⁴nca³ tjin¹choa³-na³ cjoa⁴ co²ntran⁴-no³, nca³ c⁷oa⁴-s⁷in² tjin¹-no³ ya⁴-ve⁴ cho⁴ta⁴ xi³ ma³cjain¹-le⁴ je² cjoa⁴ xi³

t^{sa}ca³co¹ya³ Balaam, jña³-ni³le⁴ xi³ t^{sa}ca³co¹ya³-le⁴ Balac, nca³ c^ooa⁴-s^oin² qui³si³qui³tson¹ xti³-le⁴ Israel, nca³ qui³squi³ne³ je² tso³jmi² xi³ t^{sa}c^oai²t^oa³-le⁴ xco¹son², nca³ qui³si³cha³jnqui³t^oa³. 15 C^ooa⁴-ti⁴s^oin² jon² tjin¹-no³ je² cho⁴ta⁴ xi³ ma³cjain¹-le⁴ je² cjoa⁴ xi³ va³co¹ya³ cho⁴ta⁴ nicolaítas, jña³-ni³le⁴ve⁴ xi³ ch^oao³que⁴. 16 Ti⁴c^oa³ntjai²yao³ cjoa⁴fa³ai³tsjen³-no³. Tsa² mai³, cjoe²e⁴ nch^oe²nti⁴ton⁴-no³, c^ooa⁴ scan³coa⁴ co²ntran⁴-le⁴ cao⁴ qui⁴cha⁴-le⁴ ntso⁴va³. 17 Je² xi³ tjin¹ xo⁴ño³, ca²ti³ncha²ño³-le⁴ jo³ tso²-le⁴ je² na⁴xi⁴na³nta¹-le⁴ Cristo je² Espíritu Santo. Je² xi³ si⁴qui³njen³, si³cjen²3 nio⁴xti²la⁴ maná xi³ ti¹jna³ma³, c^ooa⁴ tsjoa³-le⁴ jnco³ la⁴jao⁴nti¹ xi³ čhoa³ cji³. C^ooa⁴ tji¹t^oa³ jnco³ jan³ain¹ la⁴jao⁴-ve⁴, jña³-le⁴ xi³ ni⁴ya³-jin² xi³ ve³, to⁴je² xi³ cjoe¹.

Cjoa⁴ xi³ tsa³c^oin²-le⁴ na⁴xi⁴na³nta¹-le⁴ Cristo ya⁴ Tiatira

18 Chji¹-lai⁴ je² a²ncje⁴ xi³ ts^oe⁴ na⁴xi⁴na³nta¹-le⁴ Cristo ya⁴ Tiatira: Je² nti¹-le⁴ Ni³na¹ xi³ tjin¹ xcon⁴ xi³ c^ooa⁴cji³ ni⁴jen⁴l^oi¹ cji³, c^ooa⁴ ntso⁴co⁴ c^ooa⁴cjoan³ jo³ xo⁴qui⁴cha⁴-si³ne² xi³ nta³ cjoan³, tso² cjoa⁴ je²-vi⁴: 19 An³ ve³-nia¹³ xa¹-no³, c^ooa⁴ cjoa⁴tjao²cha³-no³, c^ooa⁴ jo³-s^oin² nca³ ma³cjain¹-no³, c^ooa⁴ jo³-s^oin² ni²xao¹³, c^ooa⁴ je² cjoa⁴tse³jta³-no³. ve³-nia¹³ nca³ je² xa¹-no³ xi³ je³t^oa³-ni³ nqui²sa⁴ tse³ cao⁴-ni³ xi³ ti¹tjon². 20 To⁴nca³ tjin¹-na³ cjoa⁴ co²ntran⁴-no³, nca³ v^oai²nte³-lao⁴³ je² chjon⁴² xi³ Jezabel mi², je² xi³ tso²-le⁴ yao³-le⁴ nca³ ma³-le⁴ va¹ya³con³. V^oai²nte³-lao⁴³ nca³ va³co¹ya³, c^ooa⁴ nca³ v^oa³na⁴cha⁴-le⁴ cho⁴nta³-na⁴, jme¹-ni³ nca³ si⁴cha³jnqui³t^oa³-si¹ni³, c^ooa⁴

nca³ squi⁴ne⁴-si¹ni³ je² tso³jmi² xi³ v⁷ai²t⁷a³-le⁴ xco¹son². 21 An³ qui³tsjoa³⁷nte²-le⁴ Jezabel, jme¹-ni³ nca³ si⁴²c⁷a³ntjai²ya³-si¹ni³ cjoa⁴fa³⁷ai³tsjen³-le⁴ xi³ t⁷a³ts⁷e⁴ cjoa⁴cha³jnqui³-le⁴, c⁷oa⁴ coan³cai³-le⁴ si¹c⁷a³ntjai²ya³ cjoa⁴fa³⁷ai³tsjen³-le⁴. 22 Coe⁴-ni³ an³ si³ca¹jna³soan³² na⁴chan³ Jezabel, c⁷oa⁴ n⁷ion¹ tse³ cjoa⁴ñ⁷ain³ tsjoa³-le⁴ je² xi³ to⁴nco¹son² s⁷in¹ cjoa⁴cha³jnqui³ cao⁴ je², tsa² tsi² si⁴²c⁷a³ntjai²ya³ cjoa⁴fa³⁷ai³tsjen³-le⁴ xi³ t⁷a³ts⁷e⁴ cjoa⁴ xi³ qui³s⁷in³. 23 Si³c⁷en²-nia¹³ n⁷ti¹xti³-le⁴ cao⁴ cjoa⁴vi³ya³. Nca³ts⁷i³ na⁴xi⁴na³nta¹-le⁴ Cristo scoe⁴ nca³ an³ xi³ va³sja³jian³ cjoa⁴fa³⁷ai³tsjen³-le⁴ cao⁴ ni⁴ma⁴-le⁴. Tsjoa³-le⁴ nca³ jnco¹jnco¹ nca³ jon² jo³-s⁷in² xa¹ xi³ qui³n⁷iaon²³. 24 To⁴nca³ an³ xin³-no³ nca³ jon² cao⁴ xi³c⁷a³-sa³ xi³ ti³yo³ ya⁴ Tiatira, to⁴⁷ya³-ni³ve⁴ xi³ tsi² tsa² qui³sco²t⁷a³ya³ je² cjoa⁴-vi⁴, c⁷oa⁴ xi³ tsi² tsa³ve³ je² cjoa⁴ xi³ ñ⁷ain³ ma³ xi³ ts⁷e⁴ Satanás, jo³ tso² c⁷a³, an³ li²coi³ si³ca³sen¹³-no³ xi³ cja⁴²ai¹ ch⁷a¹. 25 To⁴nca³ je² ch⁷a¹ xi³ je³tjin¹-no³, c⁷oa⁴-s⁷in² ca²ta³s⁷e³jna³-no³ sa³⁷nta³ nca³ an³ xi³ cjoe²⁷e⁴. 26 Je² xi³ si⁴²qui³njen³, c⁷oa⁴ xi³ si⁴²tjo³son² je² xa¹-na⁴ sa³⁷nta³ nca³ cjoe⁴t⁷a³, an³ tsjoa³-le⁴ n⁷te³ nca³ coa⁴te²xo³ma³ na⁴xi⁴na³nta¹-le⁴ son³⁷nte³. 27 Coa⁴te²xo³ma³-le⁴ cao⁴ ya¹jti³qui⁴cha⁴-le⁴. Coa⁴cjan³jⁱⁿ³-le⁴ jo³-ni³ tsa² jnco³ ti⁴². Ti⁴c⁷oa⁴-s⁷in²ni³ jo³-s⁷in² nca³ N⁷ai³-na⁴ qui³tsjoa³-na³ cjoa⁴te¹xo³ma³. 28 C⁷oa⁴ tsjoa³-le⁴ je² ni³ño³tse³. 29 Je² xi³ tjin¹ xo⁴ño³, ca²ti³ncha²ño³-le⁴ jo³ tso²-le⁴ je² na⁴xi⁴na³nta¹-le⁴ Cristo je² Espíritu Santo.

Cjoa⁴ xi³ tsa³c⁷in²-le⁴ na⁴xi⁴na³nta¹-le⁴ Cristo ya⁴ Sardis

1 Chji¹-lai⁴ je² a²ncje⁴ xi³ ts⁷e⁴ na⁴xi⁴na³nta¹-le⁴ Cristo ya⁴ Sardis: Je² xi³ tjin¹-le⁴ je² ña³to³ espíritu xi³ ts⁷e⁴ Ni³na¹, c⁷oa⁴ je² ña³to³ ni³ño³, tso² cjoa⁴ je²-vi⁴: An³ ʔve³-nia¹³ xa¹-no³, nca³ tjin¹-no³ jan³⁷ain¹ nca³ ti³yo³chon³, to⁴nca³ ti³yo³c⁷en³-nio¹³. 2 Jon² ti⁴coi²ntao⁴³, c⁷oa⁴ t⁷ai²-lao⁴³ nca³n⁷ion¹ je² xi³c⁷a³ cjoa⁴ xi³ me³ coi⁴ya², nca³ an³ coan³sjai³-na³ nca³ je² xa¹-no³ li²coi³ tjin¹qui²xi⁴ nqui³xcon⁴ Ni³na¹. 3 Ti⁴cja³⁷ai³tsjen³jion³ je² xi³ qui³chjoa¹³ c⁷oa⁴ xi³ qui³no²⁷yao²³. Ti⁴tjo³son²-lao⁴³, c⁷oa⁴ ti⁴c⁷a³ntjai²yao³ cjoa⁴fa³⁷ai³tsjen³-no³. Tsa² tsi² si⁴coi²ntao⁴³, cjoa²⁷ai⁴con³-no³ jo³-ni³ tsa² jnco³ che¹, c⁷oa⁴ li²coi³ jchao⁴³ jme³ hora-ni³ cjoa²⁷ai⁴con³-no³. 4 To⁴nca³ tjin¹jnco³jao²-no³ cho⁴ta⁴ ya⁴ Sardis xi³ cje³ si¹jnti¹-jin² yao³-le⁴. An³ c⁷oe¹ma³cao⁴-na³ nca³ y⁷a³cja¹ na³jño³çhoa³, nca³ c⁷oa⁴-s⁷in² va³quin²-le⁴. 5 Je² xi³ si⁴²qui³njen³, na³jño³çhoa³ coa¹yo³, c⁷oa⁴ li²coi³ si³cha²joan³ je² jan³⁷ain¹-le⁴ ya⁴t⁷a³ xon⁴ xi³ ts⁷e⁴ cjoa⁴vi³jna³chon³. C⁷oa⁴ an³ si³qui²xi⁴ya³nta³ jan³⁷ain¹-le⁴ nqui³xcon⁴ N⁷ai³-na⁴, c⁷oa⁴ nqui³xcon⁴ a²ncje⁴-le⁴. 6 Je² xi³ tjin¹ xo⁴ño³, ca²ti³ncha²ño³-le⁴ jo³ tso²-le⁴ na⁴xi⁴na³nta¹-le⁴ Cristo je² Espíritu Santo.

Cjoa⁴ xi³ tsa³c⁷in²-le⁴ na⁴xi⁴na³nta¹-le⁴ Cristo ya⁴ Filadelfia

7 Chji¹-lai⁴ je² a²ncje⁴ xi³ ts⁷e⁴ na⁴xi⁴na³nta¹-le⁴ Cristo ya⁴ Filadelfia: Tso² cjoa⁴ je²-vi⁴ je² xi³ tsje³, je² xi³ ña³qui³ cjoa⁴qui²xi⁴, c⁷oa⁴ je² xi³ tjin¹-le⁴ yo²vi⁴-le⁴ David, je² xi³ cjo³⁷ai² c⁷oa⁴

li²⁷ya³ xi³ ma³-le⁴ v⁷e¹chjoa², c⁷oa⁴ v⁷e¹chjoa² c⁷oa⁴ li²⁷ya³ xi³ ma³-le⁴ cjo³⁷ai². 8 An³ v⁷e³-nia¹³ xa¹-no³. (Coe⁴-ni³ je³qui³tsjoa³jnc³-no³ xo⁴ntjoa⁴ xi³ ti⁴x⁷a⁴ nqui³xcon³, jña³-ni³ nca³ ni⁴⁷ya³-jin² xi³ ma³-le⁴ v⁷e¹chjoa².) Tjin¹⁷i⁴tse¹-no³ nca³n⁷ion¹, c⁷oa⁴ qui³ni²tjo³son²³ je² en¹-na⁴, c⁷oa⁴ li²coi³ tsa³c⁷e²⁷mao³ jan³⁷ain¹-na⁴. 9 Coe⁴-ni³, an³ cjoa⁴n⁷ion¹ s⁷in³-le⁴ je² cho⁴ta⁴ xi³ ma³ña³ ya⁴ nt⁷ia³sinagoga xi³ ts⁷e⁴ Satanás, je² xi³ judío tso²-le⁴ yao³-le⁴, c⁷oa⁴ li²coi³ coan³-ni³, to⁴xo⁴c⁷oa⁴²qui³tso². An³ cjoa⁴n⁷ion¹ s⁷in³-le⁴ nca³ cjo⁴n⁷choa³ c⁷oa⁴ nca³ scoe⁴xcon¹ coi⁴ncha³xco¹nch⁷in³t⁷a³-le⁴ ntso⁴co³, c⁷oa⁴ nca³ scoe⁴ nca³ an³ coan³tsjoa³que⁴-no³. 10 Coi³ nca³ qui³ni²tjo³son²³ je² en¹ xi³ ts⁷e⁴ cjoa⁴tse³jta³-na⁴, c⁷oa⁴-ti⁴ an³ c⁷oa³sje³ntjai²-no³ c⁷ia⁴ nca³ coi⁴cho²-ca³ hora nca³ cho¹t⁷a³-no³. Je² hora cjoa⁴⁷ai¹-le⁴ nca³qui³jnta² son³⁷nte³-vi⁴, nca³ c⁷oa⁴-s⁷in² cho¹t⁷a³ je² xi³ tjio¹ i⁴ son³⁷nte³-vi⁴. 11 Coe⁴-ni³, cjoe²⁷e⁴nti⁴ton⁴-nia¹³. Nta³ t⁷e²j³ta³con²³ jme³-ni³ xi³ tjin¹-no³, jme¹-ni³ nca³ ni⁴⁷ya³-jin² xi³ cjoa⁴⁷a³-ni³no³ corona-no³. 12 Je² xi³ si⁴²qui³njen³, an³ coi³ncha³nta³ ya⁴ nt⁷ia³-le⁴ Ni³na¹-na⁴, c⁷oa⁴ ni⁴nqui²jnc³-jin² ni⁴čhjin³ coi⁴tjo³ nti³tsin³. C⁷oa⁴ an³ squi³joan²³ je² jan³⁷ain¹-le⁴ Ni³na¹-na⁴, c⁷oa⁴ jan³⁷ain¹-le⁴ je² na⁴xi⁴na³nta¹ xi³ ts⁷e⁴ Ni³na¹-na⁴, je² Jerusalén cho⁴tse⁴, jña³-le⁴ xi³ fa³⁷ai³jen³-ni³ nc⁷a³jmi³ ts⁷e⁴ Ni³na¹-na⁴, c⁷oa⁴ jan³⁷ain¹ cho⁴tse⁴-na⁴. 13 Je² xi³ tjin¹ xo⁴ño³, ca²ti³ncha²ño³-le⁴ jo³ tso²-le⁴ na⁴xi⁴na³nta¹-le⁴ Cristo je² Espiritu Santo.

Cjoa⁴ xi³ tsa³c⁷in²-le⁴ na⁴xi⁴na³nta¹-le⁴ Cristo ya⁴ Laodicea

14 Chji¹-lai⁴ je² a²ncje⁴ xi³ ts⁷e⁴ na⁴xi⁴na³nta¹-le⁴ Cristo ya⁴ Laodicea: Coe⁴-ni³, c⁷oi⁴tso² je² Amén, je² testigonta³ xi³ ña³qui³ cjoa⁴qui²xi⁴, je² xi³ tsa³c⁷e¹to²ts⁷in³-le⁴ cjoa⁴ xi³ Ni³na¹ qui³si³nta³. 15 An³ ʔve³-nia¹³ xa¹-no³, nca³ ni⁴nch⁷an¹-jion²³, c⁷oa⁴ ni⁴sjoe²-jion²³. Jo¹ to⁴nta³ tsa² nch⁷aon¹³, c⁷oa⁴ tsa² sjoao²³. 16 Coi³ nca³ to⁴so³yao³, c⁷oa⁴ li²coi³ nch⁷aon¹³, ni⁴sjoe²-jion²³, an³ c⁷oe³cha¹³-ni³no³ ntso⁴va³. 17 Nca³ jon² c⁷oi⁴coi⁴xon¹³: Ña¹ nchi⁴na¹-nia¹, c⁷oa⁴ li² c⁷oa⁴cji³ chji¹-na¹, c⁷oa⁴ ni⁴jme³-jin² xi³ cha³-na¹. Li²coi³ ʔyao³ nca³ ñ⁷ain³ ti³yo³, c⁷oa⁴ nca³ ch⁷oao³, c⁷oa⁴ nca³ yo⁴mao⁴³, c⁷oa⁴ nca³ xcao⁴³, c⁷oa⁴ nca³ ti³so³yo³jtio³. 18 An³ coi³ncha³⁷a²-no³ nca³ an³ ti⁴nta¹t⁷a³-nao¹³ taon⁴si³-ne² xi³ l⁷i¹ qui³chjan¹jin³, jme¹-ni³ nca³ nchi⁴na¹ ca²ta³ma³-si¹nio³ nca³ jon². Ch⁷a⁴cjao¹³ na³jño³ xi³ čhoa³ cjoan³, jme¹-ni³ nca³ tsi² jcha⁴-si¹ni³le⁴ je² cjoa⁴soa³-no³ nca³ ti³so³yo³jtio³. C⁷oa⁴ ti⁴no¹jon³ xcon³ jme¹-ni³ nca³ coan⁴tsen³-si¹ni³no³. 19 An³ nchja²ti³coa⁴, tsjoa³-le⁴ cjoa⁴ñ⁷ain³ nca³ts⁷i³ xi³ an³ tsjoa³que⁴: Ti⁴sin³-sao³ c⁷oa⁴ ti⁴c⁷a³ntjai²yao³ cjoa⁴fa³⁷ai³tsjen³-no³. 20 Coe⁴-ni³, an³ ti²jna⁴jčhoa³ xo⁴ntjoa⁴, c⁷oa⁴ nchja²³. Tsa² ʔya³ni³ve⁴ xi³ nčh⁷oe¹-le⁴ jta⁴-na⁴, c⁷oa⁴ tsa² sco¹⁷ai² xo⁴ntjoa⁴, cjoa²⁷a⁴s⁷en³con³-le⁴, c⁷oa⁴ coa²cjen⁴coa⁴, c⁷oa⁴-ti⁴ je² coa⁴cjen⁴cao⁴-na³. 21 Je² xi³ si⁴²qui³njen³, an³ tsjoa³-le⁴ nca³ c⁷oe¹jna³t⁷a³-na³ ya⁴ ya¹xi²le⁴-na⁴, c⁷oa⁴-s⁷in²jo³-s⁷in² nca³ je³qui³si³qui³njen³ nca³ an³, c⁷oa⁴ je³tsa³ca²te⁴jna³t⁷a³-le⁴ N⁷ai³-na⁴ ya⁴ ya¹xi²le⁴-le⁴. 22 Je² xi³ tjin¹ xo⁴ño³, ca²ti³ncha²ño³-le⁴ jo³ tso²-le⁴ na⁴xi⁴na³nta¹-le⁴ Cristo je² Espiritu Santo.

4

Jo³-s[?]in² nca³ ya³xcon³ Nai³-na¹ ya⁴ nc[?]a³jmi³

¹ Coan³scan³-ni³ cjoa⁴ je²-vi⁴, qui³sco²tsen³, c[?]oa⁴ coe⁴-ni³ jnco³ xo⁴ntjoa⁴ xi³ ti⁴x[?]a⁴ ya⁴ nc[?]a³jmi³. Je² ti¹tjon² jta⁴ xi³ qui³nch[?]oe³ jo³-ni³ tsa² jta⁴-le⁴ čhjao³ xi³ tsa³cja¹cao⁴-na³: Nčhoa¹mi³ i⁴-vi⁴, coa³co³-le²³ je² cjoa⁴ xi³ coan⁴ coan⁴scan³-ni³ je²-vi⁴. ² Nti⁴ton⁴ tsa³ca²te⁴jna³coa⁴ je² Espiritu Santo. Coe⁴-ni³ jnco³ ya¹xi²le⁴ xi³ ti¹jna³ ya⁴ nc[?]a³jmi³, c[?]oa⁴ jnco³ xi³ ya⁴ ti¹jna³ne² je² ya¹xi²le⁴. ³ C[?]oa⁴ je² xi³ ti¹jna³ne², c[?]oa⁴cji³ jo³-ni³ tsa² jnco³ la⁴jao⁴ xi³ jaspe [?]mi², c[?]oa⁴ xi³ cornalina [?]mi². C[?]oa⁴ jnco³ [?]ya⁴ xi³ ya⁴ se¹jna³ntai³-le⁴ je² ya¹xi²le⁴, xi³ c[?]oa⁴cji³ jo³-ni³ tsa² sen¹-le⁴ la⁴jao⁴ xi³ esmeralda [?]mi². ⁴ C[?]oa⁴ ya⁴ ntai³-le⁴ je² ya¹xi²le⁴ti¹tjon² tjio¹ can³ño³ ya¹xi²le⁴. Tsa³ve³ ya⁴son² ya¹xi²le⁴-ve⁴ can³ño³ cho⁴ta⁴jchi¹nca³ xi³ ya⁴ tjio¹ne², xi³ y[?]a³cja¹ na³jño³čhoa³. C[?]oa⁴ tjio¹son² jco⁴ corona xi³ taon⁴si³ne². ⁵ Ya⁴ je² ya¹xi²le⁴ti¹tjon²-ve⁴ l[?]i¹ch[?]aon⁴ ji³tjo³, c[?]oa⁴ qui³tsin³ ch[?]aon⁴ cao⁴ jta⁴. Ña³to³ lámpara tjio¹ti² ya⁴ nqui³xcon⁴ ya¹xi²le⁴, jña³-le⁴ xi³ coi³ ña³to³ espíritu xi³ ts[?]e⁴ Ni³na¹. ⁶ C[?]oa⁴ ya⁴ nqui³xcon⁴ je² ya¹xi²le⁴ ti¹qui³jna³ jnco³ nta¹chi³con³ xi³ c[?]oa⁴cji³ cho⁴tsin¹ cji³, jo³-ni³ cho⁴tsin¹ xi³ n[?]ion¹ fa³te³. C[?]oa⁴ ya⁴t[?]a³-le⁴ je² ya¹xi²le⁴, c[?]oa⁴ ya⁴ntai³-le⁴ je² ya¹xi²le⁴, ño³ ma³-ni³ xi³ tjio¹con³ xi³ qui³tse³jon² xcon⁴ ts[?]oa⁴ cao⁴ jton⁴ ya¹ts[?]in⁴. ⁷ Je² xi³ ti¹tjon²-le⁴ xi³ tjio¹con³ c[?]oa⁴cji³ xa³ cji³. Je² xi³ ma³jao²-ni³le⁴ xi³ tjio¹con³ c[?]oa⁴cji³ nčha⁴ja⁴?nti¹ cji³. Je² xi³ ma³jan²-ni³le⁴ xi³ tjio¹con³ c[?]oa⁴cji³ ncjain¹ cho⁴ta⁴ cji³. Je² xi³ ma³ño³-ni³le⁴ xi³

tjio¹con³ c⁷oa⁴cji³ ja⁴ xi³ ti¹fi²tjen⁴ cji³. 8 Je² xi³ ño³ ma³-ni³ xi³ tjio¹con³ tjin¹-le⁴ nca³ jnco¹jnco¹ jaon³ jnca³ jnco³tjo³ntai³-le⁴, c⁷oa⁴ ya⁴ya³-le⁴ ncjin² xcon⁴ tjin¹. Li²coi³ qui³si³cja¹ya³ nca³ njion² ni⁴nca³ ni⁴čhjin³, nca³ tso²: Tsje³, tsje³, tsje³ je² Nai³-na¹ Ni³na¹ xi³ va³te¹xo³ma³ nca³yi³je³, xi³ tsa³c⁷e²jna³, xi³ ti¹jna³, c⁷oa⁴ xi³ cjoa⁴ai¹-ni³. 9 To⁴c⁷ia⁴2-ni³ nca³ je² xo⁴cjoan³-ve⁴ xi³ tjio¹con³ ts⁷a³sje³je³ya³ tsa³ve³xcon¹ qui³se³t⁷ain³-le⁴ je² xi³ ti¹jna³ne² ya¹xi²le⁴-ve⁴, je² xi³ ti¹jna³con³ nca³ntsja² ni⁴čhjin³, 10 c⁷ia⁴ je² can³ño³ cho⁴ta⁴jchi¹nca³ tsa³cja³yo³nia²t⁷a³-le⁴ je² xi³ ti¹jna³ne² ya¹xi²le⁴-ve⁴. Jo³ nca³ tsa³ve³xcon¹ je² xi³ ti¹jna³con³ nca³ntsja² ni⁴čhjin³. Tsa³c⁷e¹tsao³ corona-le⁴ nqui³xcon⁴ ya¹xi²le⁴-ve⁴, nca³ tso²: 11 Señor, va³quin²-li² nca³ ji³ ca²tji³tjo³je³ya³, c⁷oa⁴ nca³ xcon¹ ca²ta³ya³ta³con²-li², c⁷oa⁴ ca²ta³s⁷e³-li² nca³n⁷ion¹, nca³ ji³ qui³ni²ntai³ nca³yi³je³ tso³jmi², nca³ ji³ coan³me³ta³coin²³ nca³ qui³s⁷e³, c⁷oa⁴ c⁷oa⁴-s⁷in² coan³.

5

Je² xon⁴ xi³ s⁷e³xco¹ya³ c⁷oa⁴ je² Va³rre²

1 Tsa³ve³ ya⁴ ntsja³ nca³qui²xi⁴ je² xi³ ti¹jna³ne² je² ya¹xi²le⁴ jnco³ xon⁴ xi³ s⁷e³xco¹ya³ xi³ tji¹t⁷a³ ya⁴ya³-le⁴ c⁷oa⁴ nca³tsen³-le⁴, xi³ ña³to³ sello qui³s⁷e³n⁷ion¹-ni³. 2 Tsa³ve³jncoa³ a²ncje⁴ xi³ tjin¹-le⁴ nca³n⁷ion¹ xi³ n⁷ion¹ ti¹nchja⁴ya³: ⁷ya¹-ni³ xi³ va³quin²-le⁴ nca³ sco¹⁷ai² je² xon⁴, c⁷oa⁴ nca³ c⁷oa⁴sje³t⁷a³ sello-le⁴. 3 Ni⁴ya³-jin² xi³ coan³-le⁴ qui³sco³⁷ai² je² xon⁴, c⁷oa⁴ ni⁴ya³-jin² xi³ coan³

qui³sco²tsen³-le⁴, ni⁴ya⁴-jin² nc⁷a³jmi³, ni⁴?i⁴-jin²
 son³?nte³-vi⁴, ni⁴ya⁴-jin² nqui³ son³?nte³. 4 C⁷oa⁴
 an³ a³li² c⁷oa⁴cji³ qui³squi³?ntia¹³, nca³ tsi²?ya³ xi³
 coan³sjai³ xi³ va³quin²-le⁴ nca³ sco¹?ai²nqui³ je²
 xon⁴, ni⁴ xi³ c⁷oe⁴2xquia⁴, ni⁴ xi³ sco¹tsen³-le⁴. 5 Jnco³
 cho⁴ta⁴jchi¹nca³ c⁷oi⁴qui³tso²-na³: A³li² chi³?ntia¹-
 jin²³. Coe⁴-ni³ je² xa³-le⁴ cho⁴ta⁴ Judá, je² xi³ ntje⁴-
 le⁴ David, xi³ qui³njen²-le⁴ nca³ sco¹?ai²nqui³ je²
 xon⁴, c⁷oa⁴ nca³ c⁷oa⁴sje³t⁷a³ je² ña³to³ sello-
 le⁴. 6 Qui³sco²tsen³. Coe⁴-ni³ ya⁴ nca³va³sen³-le⁴
 ya¹xi²le⁴-ve⁴, c⁷oa⁴ je² xi³ ño³ ma³-ni³ xi³ tjio¹con³,
 c⁷oa⁴ nca³va³sen³-le⁴ je² cho⁴ta⁴jchi¹nca³, ti¹jna³
 jnco³ Va³rre² jo³-ni³ xi³ c⁷en³ cji³, xi³ ña³to³
 ncha⁴ tjin¹-le⁴, c⁷oa⁴ ña³to³ ma³ xcon⁴, xi³ je²
 ña³to³ espíritu xi³ ts⁷e⁴ Ni³na¹ xi³ qui³ni²ca³sen¹
 nca³qui³jnta² son³?nte³. 7 Je² Va³rre² ja³?ai³, c⁷oa⁴
 qui³scoe¹ je² xon⁴-ve⁴ ya⁴ya³ ntsja³ nca³qui²xi⁴ je²
 xi³ ti¹jna³ne² ya¹xi²le⁴-ve⁴. 8 C⁷ia⁴ nca³ je³qui³scoe¹
 je² xon⁴, je² xi³ ño³ ma³ xi³ tjio¹con³, c⁷oa⁴ je² nca³
 can³ño³ cho⁴ta⁴jchi¹nca³ tsa³cja³yo³nia² nqui³xcon⁴
 je² Va³rre². Jnco¹jnco¹ na³jni¹?arpa y⁷a³, c⁷oa⁴
 cho⁴tsin¹ taon⁴si³ne² tjio¹qui³tse³ xqui³ xi³ nta³
 njen⁴, xi³ coi³ cjoa⁴v⁷e²ts⁷oa³-le⁴ cho⁴ta⁴-le⁴ Cristo.
 9 C⁷oa⁴ qui³se³ jnco³ jnta³ cho⁴tse⁴, tso²: Va³quin²-
 li² nca³ chjoai¹³ je² xon⁴, c⁷oa⁴ nca³ ch⁷a⁴sje³t⁷ai³
 sello-le⁴. Nca⁴ ji³ qui³ni²c⁷en³-li², nca³ cao⁴ njin¹-
 li⁴ ji³ tsa³c⁷e²chji¹ntjai²n-a³jin⁴ xi³ t⁷a³ts⁷e⁴ Ni³na¹,
 nca³ ja²?ai⁴-ni³jin⁴ nca³yi³je³ ntje⁴, nca³yi³je³ en¹,
 nca³yi³je³ na⁴xi⁴na³nta¹, nca³yi³je³ ?nte³. 10 Ji³
 tsa³qui³ncha³-na³jin⁴ cho⁴ta⁴ti¹tjon² c⁷oa⁴ na⁴?mi³
 xi³ t⁷a³ts⁷e⁴ Ni³na¹. C⁷oa⁴-s⁷in² coa⁴te²xo³ma³² i⁴

son³⁷nte³-vi⁴. 11 C⁷oa⁴ qui³sco²t²sen³ qui³nch⁷oe³-le⁴ jta⁴-le⁴ xi³ ncjin² a²ncje⁴ ntai³-le⁴ je² ya¹xi²le⁴, cao⁴ xi³ ts⁷e⁴ je² xi³ tjio¹con³, cao⁴ xi³ ts⁷e⁴ je² cho⁴ta⁴jchi¹nca³. Nca³ts⁷i³ xi³ ya⁴ tjio¹ jo³ nca³ jmi³jmi³ coan³xco¹, 12 c⁷oa⁴ n⁷ion¹ qui³nchja⁴: Je² Va³rre² xi³ qui³ni²c⁷en³ va³quin²-le⁴ nca³ je² scoe¹ cjoa⁴te¹xo³ma³ cao⁴ cjoa⁴nchi⁴na¹ cao⁴ cjoa⁴i³sen³ta³con² cao⁴ nca³n⁷ion¹ cao⁴ cjoa⁴nc⁷a³, cao⁴ cjoa⁴je³ya³, cao⁴ cjoa⁴ni²chi³con³t⁷ain³. 13 An³ qui³nch⁷oe³-le⁴ nca³ts⁷i³ xi³ qui³s⁷e³nta³ xi³ tjio¹ ya⁴nc⁷a³jmi³ cao⁴ ya⁴ son³⁷nte³ cao⁴ ya⁴ nqui³⁷nte³, c⁷oa⁴ cao⁴ xi³ ya⁴ nta¹chi³con³ tjio¹j¹in³, cao⁴ nca³yi³je³ tso³jmi² xi³ ya⁴ tjio¹, nca³ tso²: Je² xi³ c⁷oa⁴-s⁷in² ti¹jna³ne² je² ya¹xi²le⁴, c⁷oa⁴ je² Va³rre² ca²ta³s⁷e³-le⁴ cjoa⁴ni²chi³con³t⁷ain³, cao⁴ cjoa⁴nc⁷a³, cao⁴ cjoa⁴je³ya³, cao⁴ cjoa⁴te¹xo³ma³ nca³ntsjai² ni⁴chjin³. 14 Je² xi³ ño³ ma³ xi³ tjio¹con³ qui³tso²: C⁷oa⁴ ca²ta³ma³. Je² can³ño³ cho⁴ta⁴jchi¹nca³ tsa³cja³yo³nia²-le⁴ ncjain¹, c⁷oa⁴ tsa³ve³xcon¹ je² xi³ ti¹jna³con³ nca³ntsjai² ni⁴chjin³.

6

Je² sello xi³ ña³to³ ma³-ni³

1 Qui³sco²t²sen³ c⁷ia⁴ nca³ je² Va³rre² tsa³c⁷a³sje³t⁷a³ xi³ ti¹tjon² sello, c⁷oa⁴ qui³nch⁷oe³jnc³-le⁴ xi³ ño³ ma³-ni³ xi³ tjio¹con³, xi³ tso² jo³-ni³ jta⁴-le⁴ ch⁷aon⁴: N⁷choai¹³, c⁷oa⁴ cho¹tsain³. 2 C⁷oa⁴ qui³sco²t²sen³. Coe⁴-ni³ jnc³ na⁴xin¹choa³. Je² xi³ ti¹jna³son²-le⁴ tj¹in¹-le⁴ jnc³ ya¹tsi³tin³. Qui³ts⁷ai²jnc³-le⁴ corona, c⁷oa⁴ je²

ji³tjo³ nca³ ti¹njen²-le⁴ jme¹-ni³ nca³ coi⁴njen⁴-
 si¹ni³le⁴. 3 C⁷ia⁴ nca³ je² tsa³c⁷a³sje³t⁷a³ je² xi³
 ma³jao²-ni³ sello, qui³nčh⁷oe³-le⁴ je² xi³ ma³jao²-ni³
 xi³ tjio¹con³, xi³ tso²: Nčhoai¹³, c⁷oa⁴ cho¹tsain⁴³.
 4 Ji³tjo³ nqui²jnc³ na⁴xin¹ xi³ ni² cji³. Je² xi³
 ti¹jna³son²-le⁴ qui³ts⁷ai²-le⁴ nte³ nca³ cjoa⁴a²xin²
 xi³ nch⁷an¹ chon³ xi³ ts⁷e⁴ son³⁷nte³, nca³ si⁴²c⁷en³-
 si¹ni³ xi¹ncjin¹. Qui³ts⁷ai²-le⁴ jnc³ qui⁴cha⁴spada
 xi³ n⁷ion¹ je³. 5 C⁷ia⁴ nca³ je² tsa³c⁷a³sje³t⁷a³ je² xi³
 ma³jan²-ni³ sello, qui³nčh⁷oe³-le⁴ je² xi³ ma³jan²-ni³
 xi³ tjio¹con³, xi³ tso²: Nčhoai¹³, c⁷oa⁴ cho¹tsain³.
 Qui³sco²tsen³, c⁷oa⁴ coe⁴-ni³ jnc³ na⁴xin¹jma².
 Je² xi³ ti¹jna³son²-le⁴ tjin¹-le⁴ jnc³ ya¹libra ya⁴³
 ntsja³. 6 Qui³nčh⁷oe³-le⁴ jnc³ jta⁴ ya⁴ nca³va³sen³-
 le⁴ xi³ ño³ ma³ xi³ tjio¹con³ xi³ tso²: Jao² libra
 trigo nca³ jnc³ vi²xo⁴, c⁷oa⁴ jaon³ libra libra cebada
 nca³ jnc³ vi²xo⁴. A³li² ni²qui³tson¹-jin²³ je² vino
 ni⁴je² si²ti⁴-ve⁴. 7 C⁷ia⁴ nca³ je² tsa³c⁷a³sje³t⁷a³ xi³
 ma³ño³-ni³ sello, qui³nčh⁷oe³-le⁴ jta⁴-le⁴ xi³ ma³ño³-
 ni³ xi³ tjio¹con³, xi³ tso²: Nčhoai¹³, c⁷oa⁴ cho¹tsain³.
 8 C⁷oa⁴ qui³sco²tsen³. Coe⁴-ni³ jnc³ na⁴xin¹ xi³
 bayo cji³. Je² xi³ ti¹jna³son²-le⁴ tjin¹-le⁴ jan³⁷ain¹
 Cjoa⁴vi³ya³, c⁷oa⁴ ya⁴ jña³ nca³ ti¹ti² qui³tjen⁴nqui³-
 le⁴. C⁷oa⁴ je² qui³ts⁷ai²-le⁴ nca³ coa⁴te²xo³ma³
 jnc³ ya² xi³ ma³-ni³ ño³ ya²-le⁴ son³⁷nte³, jme¹-
 ni³ nca³ si⁴²c⁷en³-si¹ni³ cao⁴ qui⁴cha⁴spada cao⁴
 cji³nčha¹ cao⁴ cjoa⁴vi³ya³ cao⁴ je² cho⁴tjña¹-le⁴
 son³⁷nte³. 9 C⁷ia⁴ nca³ je² tsa³c⁷a³sje³t⁷a³ je²
 xi³ ma³⁷aon²-ni³ sello, tsa³⁷ve³nqui³-le⁴ son²xta²
 ni⁴ma⁴-le⁴ je² xi³ qui³ni²c⁷en³ xi³ to⁴t⁷a³ts⁷e⁴ en¹-le⁴
 Ni³na¹, c⁷oa⁴ xi³ to⁴t⁷a³ts⁷e⁴ je² en¹-le⁴ xi³ qui³tsjao³.

10 Jo³ nca³ n⁷ion¹ qui³nchja⁴ tso²: Señor xi³ tsjai³ xi³ cjoa⁴qui²xi⁴, c⁷ia¹ sa³⁷nta³ nca³ c⁷oai⁴-lai⁴ cjoa⁴n⁷ain³ je² xi³ ya⁴ tjio¹con³ son³⁷nte³, c⁷oa⁴ nca³ si⁴jntai²³ njin¹-na⁴jjin⁴. 11 C⁷oa⁴ qui³ts⁷ai²-le⁴ na³jño³ xi³ čho³ cjoan³, c⁷oa⁴ tsa³c⁷in²-le⁴ nca³ ca²ta³si¹cja¹ya³ nqui³ jo³ tjin¹ ni⁴čhjin³, sa³⁷nta³ nca³ s⁷e⁴jnc³ cao⁴ je² xi³ qui³ni²xa¹cao⁴ c⁷oa⁴ cao⁴ nts⁷e⁴, xi³ c⁷oa⁴-ti⁴ si⁴c⁷en³ jo³-ni³ nca³ je². 12 Qui³sco²tsen³ c⁷ia⁴ nca³ tsa³c⁷a³sje³t⁷a³ je² xi³ ma³jaon³-ni³ sello. Coe⁴-ni³ c⁷oa⁴coan³ jnc³ chaon¹ xi³ n⁷ion¹. Je² ts⁷oi¹, jma² qui³s⁷e³ jo³-ni³ tsa² jnc³ na³jño³jma², c⁷oa⁴ je² sa¹ coan³ njin¹ nca³yi³je³. 13 C⁷oa⁴ je² ni³ño³-le⁴ nc⁷a³jmi³ qui³tsao³ t⁷a³na³nqui³ jo³-ni³ tsa² ya¹ higo xi³ tsao³nqui³ to³-le⁴ xi³ cje³ chji²-jin² c⁷ia⁴ nca³ jnc³ ntjao⁴ xi³ n⁷ion¹ fa³⁷a³. 14 C⁷oa⁴ je² nc⁷a³jmi³ qui³t⁷a³xin² jo³-ni³ tsa² jnc³ xon⁴ xi³ s⁷e³xco¹ya³. Nca³yi³je³ ni³nto³ cao⁴ je² n⁷nte³ xi³ tjio¹⁷ncho² nta¹chi³con³ qui³cha³⁷a²xin²-ni³ n⁷nte³-le⁴. 15 Je² cho⁴ta⁴ti¹tjon²-le⁴ son³⁷nte³ cao⁴ cho⁴ta⁴je³ya³, cao⁴ xi³ nchi⁴na¹ cao⁴ xi³ capitán, cao⁴ xi³ n⁷ion¹ tjin¹-le⁴ nca³n⁷ion¹, cao⁴ nca³ts⁷i³ cho⁴⁷nta³ cao⁴ xi³ ntai¹ tjio¹, qui³ ca³tio¹⁷ma³ nqui³nqui³jao³ c⁷oa⁴ nqui³na⁴xi⁴ xi³ tjio¹jjin³ jña¹jcha¹. 16 C⁷oa⁴qui³tso²-le⁴ je² jña¹jcha¹-ve⁴ cao⁴ je² na⁴xi⁴-ve⁴: Ca²ta³tsao³jjon²-na³jjin⁴, c⁷oa⁴ ti⁴ca³tio¹⁷ma³-na³jjin⁴ ncjain¹ je² xi³ ti¹jna³ne² je² ya¹xi²le⁴-ve⁴, c⁷oa⁴ cjoa⁴jti³-le⁴ je² Va³rre², 17 nca³ je³ja³⁷ai³ je² ni⁴čhjin³-le⁴ cjoa⁴jti³-le⁴. n⁷ya¹ xi³ coan⁴ jcho¹cjoa⁴cao⁴-le⁴.

Je² xi³ jnco³ ciento cao⁴-ni³ ña³chan²ño³ jmi³ ma³-ni³ xi³ qui³s⁷e³choa⁴

1 Coan³scan³-ni³ cjoa⁴ je²-vi⁴ tsa³⁷ve³ ño³ a²ncje⁴ xi³ ya⁴ tjio¹ nca³ ño³ xi⁴nqui⁴-le⁴ son³⁷nte³. Tjio¹v⁷e¹chjoa²-le⁴ je² ño³ ntjao⁴-le⁴ son³⁷nte³, jme¹-ni³ nca³ tsi² tsjen¹-si¹ni³ ntjao⁴ i⁴son² son³⁷nte³, ni⁴ya⁴son² nta¹chi³con³-jin², ni⁴cjoa⁴⁷a³ne²-le⁴ ni⁴jnco³-jin² ya¹. 2 Nqui²jnco³ a²ncje⁴ tsa³⁷ve³ xi³ qui³mi³-ni³ ya⁴ jña³ nca³ tjo³ ts⁷oi¹, xi³ tjin¹-le⁴ sello xi³ ts⁷e⁴ Ni³na¹ xi³ ti¹jna³con³. N⁷ion¹ qui³nchja⁴-le⁴ je² nca³ ño³ a²ncje⁴, jña³-le⁴ xi³ c⁷oa⁴-s⁷in² qui³ts⁷ai²-le⁴ nca³ si⁴²ñ⁷ain³-le⁴ son³⁷nte³ cao⁴ nta¹chi³con³. 3 Tso²: A³li² ni²ñ⁷ain³-jin²lao⁴³ son³⁷nte³, ni⁴je²-jin² nta¹chi³con³, ni⁴je²-jin² ya¹, sa³⁷nta³ nca³ c⁷oe¹choai⁴-jin⁴ tjen³ cho⁴⁷nta³-le⁴ Ni³na¹-na¹. 4 C⁷oa⁴ qui³nch⁷oe³ jo³ ncjin² xi³ qui³s⁷e³choa⁴. Jnco³ ciento cao⁴-ni³ ña³chan²ño³ jmi³ ma³-ni³ xi³ qui³s⁷e³choa⁴, ts⁷e⁴ nca³ts⁷i³ ntje⁴-le⁴ ja⁴xti³-le⁴ Israel. 5 Xi³ ts⁷e⁴ ntje⁴-le⁴ Judá, te³jao² jmi³ xi³ qui³s⁷e³choa⁴. Xi³ ts⁷e⁴ ntje⁴-le⁴ Rubén, te³jao² jmi³ xi³ qui³s⁷e³choa⁴. Xi³ ts⁷e⁴ ntje⁴-le⁴ Gad, te³jao² jmi³ xi³ qui³s⁷e³choa⁴. 6 Xi³ ts⁷e⁴ ntje⁴-le⁴ Aser, te³jao² jmi³ xi³ qui³s⁷e³choa⁴. Xi³ ts⁷e⁴ ntje⁴-le⁴ Neftalí, te³jao² jmi³ xi³ qui³s⁷e³choa⁴. Xi³ ts⁷e⁴ ntje⁴-le⁴ Manasés, te³jao² jmi³ xi³ qui³s⁷e³choa⁴. 7 Xi³ ts⁷e⁴ ntje⁴-le⁴ Simeón, te³jao² jmi³ xi³ qui³s⁷e³choa⁴. Xi³ ts⁷e⁴ ntje⁴-le⁴ Leví, te³jao² jmi³ xi³ qui³s⁷e³choa⁴. Xi³ ts⁷e⁴ ntje⁴-le⁴ Isacar, te³jao² jmi³ xi³ qui³s⁷e³choa⁴. 8 Xi³ ts⁷e⁴ ntje⁴-le⁴ Zabulón, te³jao² jmi³ xi³ qui³s⁷e³choa⁴. Xi³ ts⁷e⁴ ntje⁴-le⁴ José, te³jao² jmi³ xi³ qui³s⁷e³choa⁴. Xi³ ts⁷e⁴ ntje⁴-le⁴ Benjamín, te³jao²

jmi³ xi³ qui³s⁷e³choa⁴.

Je² cho⁴ta⁴ncjin² xi³ na³jño³çhoa³ y⁷a³cja¹

⁹ Coan³scan³-ni³ cjoa⁴ je²-vi⁴ qui³sco²t²sen³. Coe⁴-ni³ jo³ ncjin² ma³-ni³ cho⁴ta⁴, jña³-le⁴ xi³ tsi² ma³xqui⁴-le⁴, xi³ ts⁷e⁴ nca³ts⁷i³ ⁷nte³, cao⁴ ntje⁴, cao⁴ na⁴xi⁴na³nta¹, cao⁴ en¹. Tjio¹ nqui³xcon⁴ je² ya¹xi²le⁴-ve⁴, c⁷oa⁴ ya⁴ nqui³xcon⁴ je² Va³rre². Na³jño³çhoa³ y⁷a³cja¹, c⁷oa⁴ xca⁴jen¹ ncha³ya³ ntsja³. ¹⁰ N⁷ion¹ qui³squi³ntia¹cao⁴ tso²: Cjoa⁴vi³tjo³ntjai² tjin¹-le⁴ je² Ni³na¹-na¹, xi³ ya⁴ ti¹jna³ne² je² ya¹xi²le⁴-ve⁴, c⁷oa⁴ je² Va³rre². ¹¹ Nca³ts⁷i³ a²ncje⁴ ya⁴ tjio¹ ntai³-le⁴ je² ya¹xi²le⁴-ve⁴, c⁷oa⁴ je² cho⁴ta⁴jchi¹nca³, c⁷oa⁴ je² xi³ ño³ ma³ xi³ tjio¹con³. Tsa³cja³yo³nia²-le⁴ ncjain¹ nqui³xcon⁴ ya¹xi²le⁴-ve⁴, c⁷oa⁴ tsa³ve³xcon¹ Ni³na¹. ¹² Qui³tso²: C⁷oa⁴ ca²ta³ma³. Ni³na¹-na¹ ca²ta³s⁷e³-le⁴ cjoa⁴ni²chi³con³t⁷ain³, cao⁴ cjoa⁴je³ya³, cao⁴ cjoa⁴i³sen³ta³con², cao⁴ jña³-le⁴ cjoa⁴nta³ xi³ v⁷ai²-le⁴, cao⁴ cjoa⁴nc⁷a³, cao⁴ cjoa⁴te¹xo³ma³, cao⁴ nca³n⁷ion¹ nca³ntsjai² ni⁴çhjin³. C⁷oa⁴ ca²ta³ma³. ¹³ Qui³nchja⁴ jnco³ cho⁴ta⁴jchi¹nca³, qui³tso²-na³: Je² xi³ i⁴ tjio¹-vi⁴, xi³ y⁷a³cja¹ na³jño³çhoa³, ⁷ya¹-ni³ xo⁴cjoan³-ve⁴, jña¹-ni³ ca²nçhoa¹-ni³. ¹⁴ C⁷oa⁴ an³ qui³xin³-le⁴: Señor, ji³ ⁷yai³. C⁷oa⁴ je² qui³tso²-na³: Je²-vi⁴ xi³ n⁷ion¹ tse³ cjoa⁴ñ⁷ain³ tsa³cja³a¹, c⁷oa⁴ je³tsa³ca³ne¹jon³ na³jño³-le⁴, c⁷oa⁴ je² qui³si³çhoa³ cao⁴ je² njin¹-le⁴ je² Va³rre². ¹⁵ Coi³ nca³ i⁴ tjio¹-ni³ nqui³xcon⁴ je² ya¹xi²le⁴-le⁴ Ni³na¹. C⁷oa⁴-s⁷in² si¹xa¹-le⁴ nca³ ni⁴çhjin³ cao⁴ nca³ ni⁴tjen⁴ ya⁴ yo⁴nco⁴-le⁴. Je² xi³ ti¹jna³ne² je² ya¹xi²le⁴ c⁷oe¹jna³jjin³-le⁴ nca³ je².

16 Ni⁴c⁷ia³-jin² ti⁴coan⁴vao³-ni³le⁴, ni⁴coan⁴fa³ti²-jin²le⁴. C⁷oa⁴ je² ts⁷oi¹ li²coi³ ti⁴sca⁴ne²-ni³le⁴, c⁷oa⁴ ni⁴jme³-jin² xi³ ti⁴coan⁴sjo²-ni³le⁴. 17 Je² Va³rre² xi³ ya⁴ ti¹jna³ nca³va³sen³-le⁴ je² ya¹xi²le⁴-ve⁴, je² xi³ si⁴²cjen², je² xi³ sca⁴ni²ntia⁴²-le⁴ jña³ ti¹tjo³ na³nta¹ xi³ ti¹jna³con³. Ni³na¹ si⁴²tsje³jon² nca³yi³je³ nta¹xcon⁴ xi³ ts⁷e⁴ xcon⁴.

8

Xi³ ma³ ña³ to³-ni³ sello

1 C⁷ia⁴ nca³ tsa³c⁷a³sje³t⁷a³ je² xi³ ma³ ña³ to³-ni³ sello, ña³qui³ qui³s⁷e³jyo¹ ya⁴ nc⁷a³jmi³ va³sen³-la⁴ hora. 2 C⁷oa⁴ tsa³ve³ je² ña³to³ a²ncje⁴ xi³ ya⁴ tjio¹ nqui³xcon⁴ Ni³na¹, c⁷oa⁴ qui³ts⁷ai²-le⁴ ña³to³ čhjao³. 3 Ja³⁷ai³ xi³ nqui²jnc³ a²ncje⁴, tsa³ca³sen²jna³ nqui³xcon⁴ je² xta², tj¹in¹-le⁴ jnc³ čhoa⁴⁷i¹ xi³ taon⁴si³ne². A³li² c⁷oa⁴cji³ tse³ xo⁴nc¹sja³ qui³ts⁷ai²-le⁴, jme¹-ni³ nca³ c⁷oa⁴-s⁷in² c⁷oe⁴²son²-si¹ni³ je² cjoa^{4v}e²ts⁷oa³-le⁴ nca³ts⁷i³ cho⁴ta⁴-le⁴ Cristo, ya⁴son²-le⁴ je² xta² xi³ taon⁴si³ne² xi³ ti¹jna³ nqui³xcon⁴ je² ya¹xi²le⁴. 4 C⁷oa⁴ je² ni⁴⁷nti⁴-le⁴ je² xo⁴nc¹sja³ cao⁴ je² cjoa^{4v}e²ts⁷oa³-le⁴ je² cho⁴ta⁴-le⁴ Cristo qui³tsin³nc⁷a³-ni³ ntsja³ je² a²ncje⁴ nqui³xcon⁴ Ni³na¹. 5 Je² a²ncje⁴ qui³sco¹ je² čhoa⁴⁷i¹, c⁷oa⁴ tsa³c⁷e¹qui³tse³ čhoa⁴⁷i¹ cao⁴ l⁷i¹-le⁴ je² xta², c⁷oa⁴ tsa³c⁷e¹tsao³son² je² son³⁷nte³. A³li² c⁷oa⁴cji³ ch⁷aon⁴ ja³ne³, cao⁴ jta⁴, cao⁴ l⁷i¹ch⁷aon⁴, cao⁴ chaon¹.

Je² ña³ to³ čhjao³

6 C⁷oa⁴ je² ña³to³ a²ncje⁴ xi³ tj¹in¹-le⁴ je² ña³to³ čhjao³, tsa³ca³tio²nta³ nca³ qui³si³cja³ne³. 7 Je²

xi³ ti¹tjon² a²ncje⁴ qui³si³cja³ne³ čhjao³, c²oa⁴ ts²a³ jtsi¹lao⁴ cao⁴ l'i¹ xi³ ti¹ts²o¹jjin³ cao⁴ njin¹. Ya⁴ qui³tjo³jon² son³⁷nte³. Je² xi³ ma³-ni³ jan² ya³ jña¹jcha¹, jnco³ ya²-le⁴ qui³ti², c²oa⁴ qui³ti² nca³yi³je³ xca⁴xcoen¹. 8 Je² xi³ ma³jao²-ni³ a²ncje⁴ qui³si³cja³ne³ čhjao³. Jo³-ni³ tsa² jnco³ ni³nto³je³ xi³ ti¹ti² qui³ni²c²a³tjen⁴jjin³ ya⁴jjin³ nta¹chi³con³. Je² xi³ ma³-ni³ jan² ya³ nta¹chi³con³, jnco³ ya²-le⁴ jo³ njin¹ qui³s²e³. 9 C²oa⁴ jnco³ ya² xi³ ma³-ni³ jan² ya³ je² cho⁴ xi³ tjio¹jjin³ nta¹chi³con³, xi³ ya⁴ tsa³ca³tio²con³, c²en³. Jnco³ ya² xi³ ma³-ni³ jan² ya³ barco qui³xo³ya². 10 Je² xi³ ma³jan²-ni³ a²ncje⁴ qui³si³cja³ne³ čhjao³. Jnco³ ni³ño³ qui³sca³-ni³ nc²a³jmi³ xi³ n²ion¹ je³, xi³ ti¹ti² jo³-ni³ tsa² jnco³ l'i¹ni³cha³. Qui³sca³jjin³ jnco³ ya² xi³ ma³-ni³ jan² ya³ nta¹je⁴, c²oa⁴ ya⁴ jña³ nca³ tjio¹tjo³ na³nta¹. 11 C²oa⁴ je² ni³ño³ n²ion¹ sja³ 'mi² jan³⁷ain¹-le⁴. Je² xi³ jnco³ ya² xi³ ma³-ni³ jan² ya³ je² na³nta¹ ña³qui³ coan³sja³-ni¹. A³li² c²oa⁴cji³ cho⁴ta⁴ c²en³-ni³ je² na³nta¹, nca³ c²oa⁴-s²in² n²ion¹ coan³sja³. 12 Je² xi³ ma³ño³-ni³ a²ncje⁴ qui³si³cja³ne³ čhjao³. Qui³tsin²⁷aon³ jnco³ ya² xi³ ma³-ni³ jan² ya³ ts²oi¹, cao⁴ sa¹, cao⁴ ni³ño³. Coan³njon² jnco³ ya² xi³ ma³-ni³ jan² ya³ nca³ je². Li²coi³ coan³⁷i³sen³ jnco³ ya² xi³ ma³-ni³ jan² ya³ ni⁴čhjjin³, c²oa⁴ cao⁴ nca³ ni⁴tjen⁴. 13 Qui³sco²tsen³, qui³nčh²oe³-le⁴ jnco³ a²ncje⁴ xi³ qui³tjen⁴ ya⁴ nca³va³sen³-le⁴ nc²a³jmi³. N²ion¹ qui³nchja⁴: Ma⁴-xo¹ni³, ma⁴-xo¹ni³, ma⁴-xo¹ni³ je² xi³ tjio¹ ya⁴ son³⁷nte³, xi³ to⁴coi³ cjoa⁴-le⁴ xi³c²a³ jta⁴-le⁴ je² čhjao³ xi³ je² jan² a²ncje⁴ s²a⁴ si⁴²cja³ne³.

9

1 Je² xi³ ma³⁷aon²-ni³ a²ncje⁴ qui³si³cja³ne³ čhjao³. Tsa³⁷ve³jncoa³ ni³ño³ xi³ qui³sca³-ni³ nc⁷a³jmi³, qui³sca³t⁷a³ son³⁷nte³. C⁷oa⁴ qui³ts⁷ai²-le⁴ je² yo²vi⁴ xi³ ts⁷e⁴ nti⁴tjan⁴ jña³ nca³ ti⁴x⁷a⁴j³sen¹. 2 Qui³sco³⁷ai² je² nti⁴tjan⁴, c⁷oa⁴ ji³tjo³mi³ ni⁴⁷nti⁴ya⁴ nte³-ve⁴ jo³-ni³ tsa² ni⁴⁷nti⁴-le⁴ xi³ ts⁷e⁴ nca⁴ja¹ xi³ n⁷ion¹ y⁷ai³. Je² ni⁴⁷nti⁴-le⁴ nti⁴tjan⁴-ve⁴ qui³si³njion²j³in³ ts⁷oi¹ cao⁴ ntjao⁴. 3 C⁷oa⁴ je² ni⁴⁷nti⁴-ve⁴ ji³tjo³j³in³-ni³ chjo⁴va⁴ ya⁴son² son³⁷nte³. C⁷ia⁴ qui³ts⁷ai² nca³n⁷ion¹-le⁴ jo³-ni³ nca³ c⁷oa⁴-ti⁴ tjin¹-le⁴ nca³n⁷ion¹ cho⁴na³⁷ya¹-le⁴ son³⁷nte³. 4 C⁷oa⁴-s⁷in² qui³sa³te³xo³ma³-le⁴ nca³ tsi²coi³ si⁴²qui²⁷aon³ jña¹ xi³ ts⁷e⁴ son³⁷nte³, ni⁴jme³-j³in² tso³jmi² xi³ xcoen¹ cjoan³, ni⁴jnc³-j³in² ya¹, to⁴je² cho⁴ta⁴ xi³ tsi²coi³ tjio¹t⁷a³ ya⁴ tjen³ je² sello xi³ ts⁷e⁴ Ni³na¹. 5 Li²coi³ qui³ts⁷ai²-le⁴ nte³ nca³ si⁴²c⁷en³, to⁴si⁴²jti³-le⁴ xi³ to⁴⁷aon² sa¹. C⁷oa⁴-s⁷in² qui³si³qui²⁷aon³ jo³-s⁷in² si¹qui²⁷aon³ cho⁴na³⁷ya¹ c⁷ia⁴ nca³ ve¹-le⁴ cho⁴ta⁴. 6 C⁷ia⁴ je² ni⁴čhj³-ve⁴ coa⁴j³nqui³-le⁴ cjoa⁴vi³ya³ cho⁴ta⁴, c⁷oa⁴ li²coi³ coan⁴sja³-le⁴. Coan⁴me³con³ nca³ coi⁴ya², c⁷oa⁴ je² cjoa⁴vi³ya³ to⁴xin² coa⁴nca³-le⁴. 7 Je² chjo⁴va⁴ coan³tsen³ jo³-ni³ tsa² na⁴xin¹ xi³ tjio¹nta³-le⁴ cjoa⁴jchan¹, c⁷oa⁴ ya⁴son² jco⁴ tjin¹-le⁴ jo³-ni³ corona xi³ c⁷oa⁴cjoan³ taon⁴si³ne² cjoan³, c⁷oa⁴ je² ncjain¹ jo³ cho⁴ta⁴ cjoan³. 8 Tjin¹-le⁴ ntsja⁴jco³ jo³ ya¹nchjin¹ cjoan³, c⁷oa⁴ je² ni⁴⁷ño⁴ jo³-ni³ ni⁴⁷ño⁴ xa³ cjoan³. 9 Cjio³son² nta³ni⁴sin⁴-le⁴ qui⁴cha⁴ta²ja³. Je² jnca³-le⁴ jo³ nca³ n⁷ion¹ fa³ne³, jo³-ni³ carro xi³ ncjin² na⁴xin¹ cjen³⁷nto¹jve³, jo³ ma³ c⁷ia⁴ nca³ ma³

cjoa⁴jchan¹. 10 Tjin¹-le⁴ nti³ts⁷in³ xi³ c⁷oa⁴cjoan³ ts⁷e⁴ cho⁴na³⁷ya¹ cjoan³, c⁷oa⁴ tjin¹-le⁴ nti³ts⁷in³ na³⁷ya¹. Tjin¹-le⁴ nca³n⁷ion¹ cao⁴ nti³ts⁷in³ nca³ aon² sa¹ c⁷oe⁴²-le⁴ cho⁴ta⁴. 11 Je² a²ncje⁴ xi³ ts⁷e⁴ nti⁴tjan⁴ xi³ ti⁴x⁷a⁴j³in³sen¹, je² xi³ cho⁴ta⁴ti¹tjon²-le⁴ coan³. Je² jan³⁷ain¹-le⁴ nca³ en¹ hebreo c⁷oa⁴⁷mi² Abadón, c⁷oa⁴ nca³ en¹ griego, Apolión ⁷mi². 12 Je² xi³ ti¹tjon² cjoa⁴ñ⁷ain³ je³ja³⁷a³to³. Coe⁴-ni³ n⁷choa¹ nqui²jao²-sa³ cjoa⁴ñ⁷ain³ xi³ coan⁴scan³-ni³ je² cjoa⁴-vi⁴. 13 Je² xi³ ma³jaon³-ni³ a²ncje⁴ qui³si³cja³ne³ čh³jao³. C⁷oa⁴ qui³n⁷ch⁷oe³jta²³ xi³ n⁷choa¹-ni³ je² ño³ n⁷cha⁴-le⁴ je² son²xta² xi³ taon⁴si³ne², xi³ ti¹jna³ ya⁴ nqui³xcon⁴ Ni³na¹. 14 Qui³tso²-le⁴ je² xi³ ma³jaon³-ni³ a²ncje⁴ xi³ tjin¹-le⁴ čh³jao³: Cho¹jntai¹³ je² ño³ a²ncje⁴ xi³ tjio¹t⁷a³n⁷ion¹ ya⁴ je² xo⁴nca¹je³ Eufrates. 15 C⁷oa⁴ qui³tjo³jnta¹ je² ño³ a²ncje⁴ xi³ tjio¹nta³ xi³ t⁷a³ts⁷e⁴ je² hora, cao⁴ ni⁴čh³j³, cao⁴ sa¹, cao⁴ no¹, jme¹-ni³ nca³ si⁴²c⁷en³-si¹ni³ jnco³ ya² xi³ ma³-ni³ jan² ya³ cho⁴ta⁴. 16 Je² cho⁴ta⁴cjoa⁴jchan¹ xi³ tjio¹son² na⁴xin¹ jao² ciento millón ma³-ni³. Qui³n⁷ch⁷oe³ jo³ tjin¹ ma³-ni³. 17 C⁷oa⁴-s⁷in² tsa³⁷ve³ na⁴xin¹ nca³ ja³⁷ai³ya³ xcoan³, cao⁴ je² xi³ tjio¹son²-le⁴, jña³-le⁴ xi³ cjo³son² nta³ni⁴sin⁴-le⁴ qui⁴cha⁴ta²ja³, xi³ ni² jo³ l⁷i¹ cji³, xi³ jo³ zafiro cji³, xi³ jo³ azufre cji³. Je² jco⁴ na⁴xin¹ c⁷oa⁴cjoan³ jco⁴ xa³ cjoan³. Je² ts⁷oa³ ya⁴ ji³tjo³-ni³ l⁷i¹ cao⁴ ni⁴nti⁴ cao⁴ azufre. 18 Je² xi³ jan² ma³-ni³ cjoa⁴ñ⁷ain³-ve⁴ c⁷en³ jnco³ ya² xi³ ma³-ni³ jan² ya³ cho⁴ta⁴. C⁷en³-ni³ l⁷i¹ cao⁴ ni⁴nti⁴ cao⁴ azufre xi³ ji³tjo³-ni³ ts⁷oa³ na⁴xin¹. 19 Je² nca³n⁷ion¹-le⁴ ti¹jna³⁷a³ ts⁷oa³ cao⁴ tjon³ nti³ts⁷in³. Je² nti³ts⁷in³ c⁷oa⁴cjoan³ ye⁴ cjoan³,

c²oa⁴ tjin¹-le⁴ jco⁴. Cao⁴ je² si¹qui²aon³. 20 Je² xi³c²a³ cho⁴ta⁴ xi³ tsi²coi³ c²en³-ni³ cjoa⁴ñ²ain³-vi⁴, to⁴jo³ cje³ si¹c²a³ntjai²ya³-jin² cjoa⁴fa³ai³tsjen³-le⁴ xi³ t²a³ts²e⁴ xa¹ xi³ qui³s²in³-ni³ ntsja³, jme¹-ni³ nca³ tsi²coi³ scoe⁴xcon¹-si¹ni³ nai⁴ xi³ nta³j³in³ cao⁴ je² xco¹son² xi³ taon⁴si³ne², xi³ taon⁴čhoa³, xi³ qui⁴cha⁴, xi³ la⁴jao⁴, xi³ ya¹, jña³-le⁴ xi³ li²coi³ ma³ ve³, ni⁴nč²oe¹-jin², ni⁴ma³-jin² fi². 21 C²oa⁴ li²coi³ qui³si³c²a³ntjai²ya³ cjoa⁴fa³ai³tsjen³-le⁴ xi³ t²a³ts²e⁴ c²en³ xi³ cjo³tjen⁴-le⁴, ni⁴ xi³ t²a³ts²e⁴ cjoa⁴tji³e³-le⁴, ni⁴ xi³ t²a³ts²e⁴ cjoa⁴cha³j³nqui³-le⁴, ni⁴ xi³ t²a³ts²e⁴ cjoa⁴che¹-le⁴.

10

Je² a²ncje⁴ xi³ cja³ntsja³ xon⁴nti¹

1 Tsa³ve³ nqui²j³ncoa³ a²ncje⁴ xi³ tjin¹-le⁴ nca³n²ion¹ xi³ ji³tjo³jen³-ni³ nc²a³jmi³, xi³ qui³ts²o¹tji³j³in³ yo³jvi³, c²oa⁴ je² ya⁴ xi³ ts²e⁴ nc²a³jmi³ ya⁴son² jco⁴. Je² ncjain¹ c²oa⁴cji³ jo³ cji³ ts²oi¹, c²oa⁴ je² ntso⁴co⁴ jo³-ni³ ni⁴jen⁴l¹i¹ cji³. 2 Cja³ ntsja³ jnco³ xon⁴nti¹ xi³ ti⁴x²a⁴nqui³. Je² ntso⁴co⁴ nca³qui²xi⁴ ya⁴ tsa³ca³sen¹j³in³ nta¹chi³con³, c²oa⁴ je² ntso⁴co⁴ nca³scon¹ tsa³ca³sen¹son² na³nqui³. 3 Jo³ nca³ n²ion¹ qui³nchja⁴ jo³ tso² xa³ nca³ cji³ntia¹. C²ia⁴ nca³ je³qui³nchja⁴ ja³ne³ nca³ ña³to³ ch²aon⁴. 4 C²ia⁴ nca³ je³ja³ne³ je² ch²aon⁴ xi³ ña³to³, squi³-nia¹³ tsa²cai³, to⁴nca³ qui³nč²oe³jta²j³ncoa³ xi³ ji³nčhoa³-ni³ nc²a³jmi³ xi³ qui³ts²o²-na³: T²e²chjoa¹nqui³ je² cjoa⁴ xi³ ca²nchja⁴ je² ch²aon⁴ xi³ ña³to³. A³li² chji³t²a³-jin²³. 5 C²oa⁴ a²ncje⁴ xi³ tsa³ve³ nca³ ya⁴ ti¹jna³son² nta¹chi³con³, c²oa⁴ ya⁴son²

son³⁷nte³, qui³sco²mi³nc²a³ ntsja³ nca³qui²xi⁴,
 6 c²oa⁴ qui³tsjoa³ en¹-le⁴ xi³ t²a³ts²e⁴ xi³ ti¹jna³con³
 nca³ntsja² ni⁴čhjin³, xi³ qui³si³nta³ nc²a³jmi³ cao⁴
 tso³jmi² xi³ ya⁴ tjio¹, cao⁴ son³⁷nte³ cao⁴ tso³jmi² xi³
 ya⁴ tjio¹, cao⁴ nta¹chi³con³ cao⁴ tso³jmi² xi³ ya⁴ tjio¹.
 Qui³tsjoa³ en¹-le⁴ nca³ je³ji³cho² ni⁴čhjin³, li²coi³
 tse³-sa³ s²e³jna³. 7 To⁴nca³ je² ni⁴čhjin³-le⁴ c²ia⁴
 nca³ je² a²ncje⁴ xi³ ma³ña³to³-ni³ c²oe⁴²ts²ia⁴cao⁴
 nca³ si⁴²cja³ne³ čhjao³, je² cjoa⁴⁷ma³-le⁴ Ni³na¹
 coi⁴tjo³son² jo³-s²in² nca³ je² qui³nchja⁴ya³j³in³-le⁴
 je² cho⁴⁷nta³-le⁴ xi³ qui³nchja⁴ya³ t²a³ts²e⁴. 8 Je²
 jta⁴ xi³ qui³nčh²oe³-nia³ nc²a³jmi³ tsa³cja¹cao⁴
 nqui²jnc³c²a²-na³, c²oa⁴qui³tso²: T²in³, c²oa⁴
 chjoai¹³ je² xon⁴⁷nti¹ xi³ ti⁴x²a⁴nqui³, xi³ ya⁴ cja³
 ntsja³ je² a²ncje⁴ xi³ ya⁴ ti¹jna³son² nta¹chi³con³,
 c²oa⁴ ya⁴son² son³⁷nte³. 9 Qui³con³-le⁴ a²ncje⁴,
 qui³xin³-le⁴: T²ai²nai¹³ je² xon⁴⁷nti¹. C²oa⁴ je²
 qui³tso²-na³: Chjoai¹³, c²oa⁴ chjo¹jain³. Je² xon⁴
 xi³ si⁴²sja³ ya⁴³ nts²oai³, to⁴nca³ je² ntso⁴⁷vai³ coan⁴
 xi³ jo³-ni³ tsa² ntsjen¹. 10 Qui³scoe²³ je² xon⁴⁷nti¹
 xi³ ya⁴ cja³ ntsja³ je² a²ncje⁴, c²oa⁴ qui³sco²jen⁴. Jo³
 nca³ xi³⁷a³ coan³ ntso⁴⁷va³ jo³-ni³ tsa² ntsjen¹. C²ia⁴
 nca³ je³qui³squi²ne⁴ coan³sja³ ya⁴³ nts²oa³. 11 C²oa⁴
 je² qui³tso²-na³: Tjin¹ne²-li² nca³ nqui²jnc³c²a²
 coi⁴no²cjoa⁴yai³ t²a³ts²e⁴ ncjin² na⁴xi⁴na³nta¹ cao⁴
 cho⁴ta⁴ cao⁴ en¹ cao⁴ cho⁴ta⁴ti¹tjon².

11

Je² jao² testigo

1 Qui³ts²ai²-na³ jnc³ ya¹na³nca³ xi³ c²oa⁴cji³
 ya¹bastón cji³, c²oa⁴ tsa³c²in²-na³: Ti²so⁴tjain⁴,

t⁷e²cho⁴yai³ je² yo⁴nco⁴-le⁴ Ni³na¹, cao⁴ je² son²xta², cao⁴ je² xi³ ve³xcon¹ nca³ je². ² To⁴xin² ti⁴tja¹-lai⁴ je² nti³tsin³ xi³ ya⁴ ti¹jna³ntai³-le⁴ je² yo⁴nco⁴, a³li² v⁷e²cho⁴ya³-jin², nca³ je² qui³ts⁷ai²-le⁴ je² cho⁴ta⁴ xi³ li² judío-jin². Ña³chan²jao² sa¹ si⁴²qui³xo¹ya³ je² na⁴xi⁴na³nta¹ xi³ tsje³. ³ Tsjoa³⁷n³te³-le⁴ je² jao² testigo-na⁴ nca³ coi⁴nchja⁴ya³ xi³ jnco³ jmi³ cao⁴-ni³ jao² ciento cao⁴ jan²can³ ni⁴čjin³, nca³ c⁷oa⁴cja¹ na³jño³jma². ⁴ Je²-vi⁴ xi³ jao² ya¹⁷oliva, c⁷oa⁴ je² xi³ jao² xi³ si³ncha²ya³ se²ra⁴ xi³ ya⁴ tjio¹ nqui³xcon⁴ je² Nai³-na¹ xi³ ts⁷e⁴ son³⁷n³te³. ⁵ Tsa² jnco³ xi³ me³-le⁴ nca³ si⁴²qui²⁷aon³ nca³ je², l⁷i¹ vi³tjo³-ni³ ts⁷oa³, c⁷oa⁴ si⁴²c⁷en³ co²ntran⁴-le⁴. Tsa² jnco³ xi³ me³-le⁴ nca³ si⁴²qui²⁷aon³ nca³ je², tjin¹ne²-le⁴ nca³ ti⁴c⁷oa⁴-s⁷in² coi⁴ya²-ni³. ⁶ Je²-vi⁴ tjin¹-le⁴ nca³n⁷ion¹ nca³ c⁷oe⁴²chjoa² je² nc⁷a³jmi³, jme¹-ni³ nca³ tsi² c⁷oa⁴-si¹ni³ jtsi¹ c⁷ia⁴ ni⁴čjin³-le⁴ nca³ coi⁴nchja⁴ya³. Tjin¹-le⁴ nca³n⁷ion¹ t⁷a³ts⁷e⁴ na³nta¹ nca³ njin¹ s⁷in⁴², c⁷oa⁴ nca³ si⁴²ñ⁷ain³-le⁴ son³⁷n³te³ cao⁴ nca³yi³je³ cjoa⁴ñ⁷ain³, to⁴jo³ tjin¹ c⁷a³ nca³ me³-le⁴. ⁷ C⁷ia⁴ nca³ je² jao² testigo cjoe⁴ tsjoa¹ en¹-le⁴, je² cho⁴ xi³ vi³tjo³mi³-ni³ nti⁴tjan⁴ jña³ nca³ ti⁴x⁷a⁴jjin³sen¹, cjoa⁴jchan¹ s⁷in⁴² co²ntran⁴-le⁴ nca³ je². Si⁴²qui³njen³-le⁴, c⁷oa⁴ si⁴²c⁷en³. ⁸ Je² yao³-le⁴ ya⁴ s⁷e⁴tsao³jjin³ ya⁴ nti⁴tsin⁴ xi³ ts⁷e⁴ je² na⁴xi⁴na³nta¹je³, xi³ c⁷oa⁴⁷mi² jo³-ni³ tsa² jan³⁷ain¹-le⁴ Sodoma cao⁴ Egipto, jña³ nca³ c⁷oa⁴-ti⁴ je² Nai³-na¹ qui³s⁷e³t⁷a³ cro². ⁹ Tjin¹ c⁷a³ xi³ ts⁷e⁴ nca³ts⁷i³ na⁴xi⁴na³nta¹, c⁷oa⁴ xi³ ts⁷e⁴ jnco¹jnco¹ ntje⁴, c⁷oa⁴ xi³ ts⁷e⁴ nca³yi³je³ en¹, c⁷oa⁴ xi³ ts⁷e⁴ cho⁴ta⁴ xi³ li² judío-jin², xi³ scoe⁴ je² yao³-le⁴ nca³

jan² ni⁴čhjin³ va³sen³. Li²coi³ tsjoa¹nte³ nca³ je² yao³-le⁴ s⁷e⁴ñai³. 10 Je² xi³ tjio¹ son³nte³ jo³ nca³ coan⁴tsjoa³t⁷ain³-le⁴, c⁷oa⁴ jo³ tsjoa³ coa⁴tio⁴con³. Jo³ nca³ tsjoa¹-le⁴ cjoa⁴tjao² xi¹ncjin¹, nca⁴ je² jao² xi³ qui³nchja⁴ya³ c⁷oa⁴-s⁷in² qui³si³ñ⁷ain³-le⁴ je² xi³ tjio¹ son³nte³. 11 Xi³ cjoe⁴coan⁴ xi³ jan² ni⁴čhjin³ va³sen³, je² espíritu xi³ tsjoa¹ cjoa⁴vi³jna³chon³ xi³ Ni³na¹ qui³si³ca³sen¹, ja³a³s⁷en³jjin³-le⁴ nca³ je², c⁷oa⁴ tsa³qui³ncha³nto³. Jo³ qui³tsa³cjon¹ je² xi³ tsa³ve³. 12 Qui³nčh⁷oe¹-le⁴ jnco³ jta⁴ n⁷ion¹ xi³ nčhoa¹-ni³ nc⁷a³jmi³, xi³ qui³tso²-le⁴: Nčhoa¹mio³ i⁴-vi⁴. C⁷oa⁴ qui³mi³jjin³ yo³jvi³ ya⁴ nc⁷a³jmi³. Je² co²ntran⁴-le⁴ tsa³ve³. 13 C⁷ia⁴ coi³ hora-ve⁴ jnco³ chaon¹ ja³a³ xi³ n⁷ion¹. Je² xi³ jnco³ ya² nca³ ma³-ni³ te³ ya² na⁴xi⁴na³nta¹je³ chi³xo²ya³, c⁷oa⁴ c⁷en³ ña³to³ jmi³ cho⁴ta⁴ cao⁴ je² chaon¹ xi³ ja³a³. Je² xi³c⁷a³ jo³ nca³ qui³si³ncha³xcon¹, c⁷oa⁴ jo³ nca³ ts⁷a³sje³je³ya³ je² Ni³na¹ xi³ ts⁷e⁴ nc⁷a³jmi³. 14 Je² xi³ ma³jao²-ni³ cjoa⁴ñ⁷ain³ je³ja³a³to³. Coe⁴-ni³, je² cjoa⁴ñ⁷ain³ xi³ ma³jan²-ni³ nčhoa¹nti⁴ton⁴.

Je² čhjao³ xi³ ma³ña³to³-ni³

15 Je² xi³ ma³ña³to³-ni³ a²ncje⁴ qui³si³cja³ne³ čhjao³. Jo³ nca³ ncjin² jta⁴ xi³ n⁷ion¹ qui³nchja⁴ ya⁴ nc⁷a³jmi³, xi³ qui³tso²: Je² cjoa⁴te¹xo³ma³-le⁴ son³nte³ je³c⁷oa⁴-s⁷in² coan³ ts⁷e⁴ Nai³-na¹, c⁷oa⁴ ts⁷e⁴ Cristo-le⁴. Je² coa⁴te²xo³ma³ nca³ntsjai² ni⁴čhjin³. 16 Je² xi³ can³ño³ cho⁴ta⁴jchi¹nca³ xi³ tjio¹ne² ya¹xi²le⁴-le⁴ nqui³xcon⁴ Ni³na¹ tsa³cja³yo³nia²-le⁴ ncjain¹, c⁷oa⁴ tsa³ve³xcon¹ Ni³na¹. 17 Qui³tso²: Ti³v⁷ai²-lai²jin⁴ cjoa⁴nta³, Señor Ni³na¹

xi³ va³te²xo³mai³ nca³yi³je³, nca³ ji³ xi³ ti³jnai³, c²oa⁴ xi³ tsa³qui³jnai³, c²oa⁴ xi³ cjoa²ai⁴-ni³, nca³ je³qui³chjoai¹³ je² cjoa⁴te¹xo³ma³-li⁴ xi³ n²ion¹ nc²a³, c²oa⁴ je³tsa³ca³te²xo³mai³. 18 Coan³jti³-le⁴ na⁴xi⁴na³nta¹, c²oa⁴ je² cjoa⁴jti³-li⁴ je³ja³ai³, c²oa⁴ je² ni⁴čhjin³-le⁴ c²ia⁴ nca³ c²oai⁴-le⁴ cjoa⁴ñ²ain³ je² xi³ c²en³, c²oa⁴ je² ni⁴čhjin³ nca³ c²oe¹chji¹-lai⁴ je² cho⁴nta³-li⁴ je² xi³ qui³nchja⁴ya³, cao⁴ cho⁴ta⁴-le⁴ Cristo, cao⁴ xi³ ve³xcon¹ jan³ain¹-li⁴, n²ti¹xti³ cao⁴ xi³jchi¹nca³, c²oa⁴ je² ni⁴čhjin³ nca³ si⁴qui³tsoin¹³ je² xi³ si⁴qui³tson¹ son³n²te³. 19 Je² yo⁴nco⁴-le⁴ Ni³na¹ qui³s²e³ti⁴x²a⁴ ya⁴ nc²a³jmi³, c²oa⁴ je² ca²xa⁴ ñ³na³ nca³ qui³jna³ya³ en¹-le⁴ coan³tsen³ ya⁴³ yo⁴nco⁴-le⁴. Jo³ nca³ coan³fa³te³ l²i¹ch²aon⁴ cao⁴ jta⁴ cao⁴ ch²aon⁴ cao⁴ chaon¹ cao⁴ jtsi¹lao⁴tsian³.

12

Je² chjon⁴² c²oa⁴ je² cho⁴toan¹

¹ Jnco³ choa⁴ xi³ tse³, coan³tsen³ ya⁴ nc²a³jmi³. Jnco³ chjon⁴² xi³ y²a³cja¹-ni³ ts²oi¹, c²oa⁴ je² sa¹ ya⁴nqui³ ntso⁴co⁴, c²oa⁴ jnco³ corona tji¹son² jco⁴ xi³ te³jao² ni³ño³ tjio¹t²a³. ² Y²a³ n²ti¹ chjon⁴²-ve⁴, jo³ nca³ n²ion¹ qui³squi³ntia¹ nca³ coan³chan⁴²-le⁴. A³li² to⁴c²oa⁴cji³ cjoa⁴ñ²ain³ tsa³cja³a¹ nca³ tsa³c²e¹ n²ti¹. ³ Coan³tsen³ nqui²jnco³ choa⁴ ya⁴ nc²a³jmi³. Coe⁴-ni³ jnco³ cho⁴toan¹ xi³ n²ion¹ je³, xi³ ni² cji³, xi³ tjin¹-le⁴ ñ³a³to³ jco⁴ cao⁴ te³ n²cha⁴, c²oa⁴ ya⁴ jco⁴ ñ³a³to³ corona tjio¹son². ⁴ Je² nti³ts²in³ qui³squi³nto¹jve³ jnco³ ya² xi³ ma³-ni³ jan² ya³ ni³ño³ xi³ tjio¹ nc²a³jmi³, c²oa⁴

tsa³c⁷e¹tsao³ t⁷a³na³nqui³. C⁷oa⁴ je² cho⁴toan¹-ve⁴ tsa³ca³sen²jna³nta³ je² chjon⁴² xi³ me³ v⁷e¹nti¹, jme¹-ni³ nca³ squi⁴ne⁴-si¹ni³ nti¹-le⁴ c⁷ia⁴nca³ jtsin¹. 5 C⁷oa⁴ je² tsa³c⁷e¹ jnco³ nti¹x⁷in⁴, jña³-le⁴ xi³ coa⁴te²xo³ma³-le⁴ nca³ts⁷i³ cho⁴ta⁴cao⁴ ya¹jti³ xi³ qui⁴cha⁴. C⁷oa⁴ qui³chjoe¹mi³nti¹-le⁴ nqui³xcon⁴ Ni³na¹ jña³ ti¹jna³ ya¹xi²le⁴-le⁴. 6 Je² chjon⁴²-ve⁴ tsa³nca³ jña³ t⁷a³xin²t⁷a³, jña³ nte³ xi³ Ni³na¹ tsa³ca¹nta³-le⁴, jme¹-ni³ nca³ya⁴ coa⁴jnqui³a³-si¹ni³ jnco³ jmi³ cao⁴-ni³ jao²ciento cao⁴ jan²can³ ni⁴čjin³. 7 C⁷oa⁴ coan³jnco³ cjoa⁴jchan¹ xi³ n⁷ion¹ coan³ ya⁴ nc⁷a³jmi³. Miguel cao⁴ a²ncje⁴-le⁴ qui³scan³cao⁴ je² cho⁴toan¹. C⁷oa⁴ qui³scan³ cho⁴toan¹-vi⁴ cao⁴ a²ncje⁴-le⁴. 8 Li²coi³ qui³njen³-le⁴, ni⁴nte³-le⁴j⁴in² ti⁴coan³sjai³-ni³le⁴ ya⁴ nc⁷a³jmi³. 9 Qui³cha³ni²t⁷a³xin² je² cho⁴toan¹-ve⁴, je² ye⁴ jchi¹nca³ xi³ c⁷oa⁴tsa³c⁷in² je² nai⁴² cao⁴ Satanás, jña³-le⁴ xi³ v⁷a³na⁴cha⁴nca³ts⁷i³. Qui³ni²c⁷a³tjen⁴nqui³ ya⁴ son³nte³, c⁷oa⁴a²ncje⁴-le⁴ qui³tsao³cao⁴. 10 Qui³nč⁷oe³jnco³ jta⁴n⁷ion¹ ya⁴ nc⁷a³jmi³, xi³ qui³tso²: Nt⁷ai⁴-vi⁴ntai⁴ je³ja³ai³ cjoa⁴vi³tjo³ntjai², cao⁴ nca³n⁷ion¹, cao⁴ cjoa⁴te¹xo³ma³-le⁴ Ni³na¹-na¹, cao⁴ cjoa⁴te¹xo³ma³-le⁴ Cristo-le⁴, nca³ je² nai⁴² xi³ tsa³ca¹nqui³ nts⁷e³² je³qui³ni²c⁷a³tjen⁴nqui³, jña³-le⁴ xi³ tsa³ca¹nqui³ nts⁷e³² nqui³xcon⁴ Ni³na¹-na¹ ni⁴čjin³ cao⁴ ni⁴tjen⁴. 11 C⁷oa⁴ je² nts⁷e³² qui³si³qui³njen³-le⁴ xi³ to⁴t⁷a³ts⁷e⁴ je² njin¹-le⁴ je² Va³rre², c⁷oa⁴ xi³ to⁴t⁷a³ts⁷e⁴ je² en¹-le⁴ xi³ qui³tsjoa³. Li²coi³ coan³tsjoa³que³ cjoa⁴vi³jna³chon³-le⁴ nta³ tsa² qui³ni²c⁷en³. 12 Xi³ to⁴coi³-vi⁴, ca²ta³ma³tsjoa³-no³ nc⁷a³jmi³ cao⁴ xi³

ya⁴ ti³yo³. Ma⁴-xo¹ni³ xi³ tjio¹ son³?nte³ cao⁴ ya⁴ nta¹chi³con³, nca³ je² nai⁴² je³c⁷oa⁴-s⁷in² ji³tjo³jen³jin³-no³ nca³ jon². A³li² to⁴c⁷oa⁴cji³ jti³ ma³-le⁴, nca³ ve³ nca³ to⁴choa³ ni⁴čjin³ tjin¹-le⁴. 13 C⁷ia⁴ nca³ tsa³ve³ je² cho⁴toan¹-ve⁴ nca³ je³c⁷oa⁴-s⁷in² qui³ni²c⁷a³tjen⁴nqui³ son³?nte³, tsa³nca³tjen⁴nqui³-le⁴ je² chjon⁴² xi³ tsa³c⁷e¹ jnco³ ?nti¹x⁷in⁴. 14 C⁷oa⁴ je² chjon⁴²-ve⁴ qui³ts⁷ai²-le⁴ jao² jnca³-le⁴ ja⁴tse³, jme¹-ni³ nca³ coai⁴tjen⁴ t²a³xin²-si¹ni³le⁴ je² ye⁴-ve⁴. Qui³tjen⁴ ya⁴ ?nte³ t²a³xin²t⁷a³, ya⁴ ?nte³ jña³ nca³ vi³jnchi³?a² xi³ jnco³ ni⁴čjin³, xi³ jao² ni⁴čjin³, cao⁴ xi³ to⁴va³sen³ ni⁴čjin³. 15 C⁷oa⁴ je² ye⁴-ve⁴ na³nta¹ tsa³c⁷a³sje³-ni³ ts⁷oa³ jo³-ni³ nta¹je⁴ jton⁴ ya¹ts⁷in³ chjon⁴²-ve⁴, jme¹-ni³ nca³ coai⁴cao⁴-si¹ni³ nta¹je⁴. 16 C⁷oa⁴ je² na³nqui³ tsa³ca³sen¹cao⁴ je² chjon⁴²-ve⁴, je² na³nqui³ qui³tjo³?ai², ya⁴ qui³s⁷en³ nta¹je⁴ xi³ tsa³c⁷a³sje³-ni³ ts⁷oa³ je² cho⁴toan¹. 17 C⁷ia⁴ je² cho⁴toan¹-ve⁴ a³li² c⁷oa⁴cji³ coan³jti³que³ chjon⁴²-ve⁴. Qui³ s⁷in¹ cjoa⁴jchan¹, co²ntran⁴ qui³-le⁴ je² xi³c⁷a³ ntje⁴-le⁴ chjon⁴²-ve⁴, jña³-le⁴ xi³ si¹tjo³son²je² cjoa⁴te¹xo³ma³-le⁴ Ni³na¹, c⁷oa⁴ tsjoa¹ en¹ t⁷a³ts⁷e⁴ Jesucristo.

13

Je² jao² cho⁴

1 An³ tsa³ca²sen⁴jna³jian³ ya⁴son² tso⁴mi¹ xi³ ts⁷e⁴ nta¹chi³con³. C⁷oa⁴ tsa³ve³jncoa³ cho⁴ xi³ ji³tjo³mi³jin³ nta¹chi³con³, xi³ tjin¹-le⁴ ña³to³ jco⁴ cao⁴ te³ nčha⁴, c⁷oa⁴ ya⁴son² nčha⁴-le⁴ te³ corona, c⁷oa⁴ ya⁴jon³ jco⁴ tji¹t⁷a³ jan³?ain¹ xi³ nchja⁴?aon³. 2 Je² cho⁴ xi³ tsa³ve³ c⁷oa⁴cji³ xa³?i³nto³ cji³, c⁷oa⁴

je² ntso⁴co⁴ jo³-ni³ ts⁷e⁴ oso, c⁷oa⁴ je² ts⁷oa³ jo³-
 ni³ ts⁷oa³ xa³. Je² cho⁴toan¹-ve⁴ qui³tsjoa³-le⁴
 cho⁴-ve⁴ je² nca³n⁷ion¹-le⁴, cao⁴ je² ya¹xi²le⁴-le⁴,
 cao⁴ tse³ cjoa⁴te¹xo³ma³. ³ Tsa³ve³jncoa³ jco⁴
 jo³-s⁷in² nca³ qui³tsin²aon³ sa³nta³ nca³ c⁷en³,
 c⁷oa⁴ ya⁴ jña³ qui³tsin²aon³ coan³nta³-ni³. Jo³
 nca³ to⁴coan³xcon¹-le⁴ nca³ts⁷i³ son³nte³ xi³
 t⁷a³ts⁷e⁴ cho⁴-ve⁴. ⁴ C⁷oa⁴ nca³ts⁷i³ tsa³ve³xcon¹
 je² cho⁴toan¹-ve⁴ xi³ c⁷oa⁴-s⁷in² qui³tsjoa³-
 le⁴ cjoa⁴te¹xo³ma³-le⁴ je² cho⁴ xi³jnc³. C⁷oa⁴
 tsa³ve³xcon¹ je² cho⁴, qui³tso²: ⁷ya¹ xi³ ti⁴c⁷oa⁴cji³-
 ni³le⁴ cho⁴-vi⁴, c⁷oa⁴ ⁷ya¹ xi³ coan⁴ scan³cao⁴.
⁵ Qui³tjo³ai²nte³-le⁴ ts⁷oa³ nca³ coi⁴nchja⁴ en¹nc⁷a³
 xi³ qui³nchja⁴aon³. Qui³ts⁷ai²-le⁴ cjoa⁴te¹xo³ma³
 nca³ si⁴xa¹ ña³chan²jao² sa¹. ⁶ Qui³sco³ai² ts⁷oa³
 qui³nchja⁴aon³-le⁴ Ni³na¹. Qui³nchja⁴aon³-le⁴
 jan³ain¹-le⁴ cao⁴ nt⁷ia³na³jño³-le⁴, cao⁴ xi³ tjio¹ ya⁴
 nc⁷a³jmi³. ⁷ Qui³ts⁷ai²nte³-le⁴ nca³ qui³si³toan¹cao⁴
 cho⁴ta⁴-le⁴ Cristo, c⁷oa⁴ nca³ qui³si³qui³njen³-le⁴.
 C⁷oa⁴-ti⁴ qui³ts⁷ai²-le⁴ cjoa⁴te¹xo³ma³ xi³ t⁷a³ts⁷e⁴
 nca³yi³je³ ntje⁴, cao⁴ nca³yi³je³ na⁴xi⁴na³nta¹, cao⁴
 nca³yi³je³ en¹, cao⁴ nca³yi³je³ ⁷nte³. ⁸ Nca³ts⁷i³
 xi³ tjio¹ son³nte³ tsa³ve³xcon¹, jña³-le⁴ jan³ain¹
 xi³ li²coi³ tjio¹t⁷a³ xon⁴-le⁴ cjoa⁴vi³jna³chon³ xi³
 ts⁷e⁴ je² Va³rre², xi³ c⁷oa⁴-s⁷in² c⁷en³ sa³nta³ nca³
 to²ts⁷in³-le⁴ cjoa⁴. ⁹ Tsa² ⁷ya³-ni³ve⁴ xi³ tjin¹ xo⁴ño³,
 ca²ti³ncha²ño³. ¹⁰ Je² xi³ c⁷oa⁴-s⁷in² ca³ni¹j³
 cjoa⁴ñ⁷ain³, c⁷oa⁴-ti⁴s⁷in² fi²j³in³ cjoa⁴ñ⁷ain³. Je²
 xi³ qui⁴cha⁴ si¹c⁷en³-ni³, tj¹in¹ne²-le⁴ nca³ ti⁴c⁷oa⁴-
 s⁷in² coi⁴ya²-ni³. To⁴coi³ cjoa⁴-vi⁴ nca³ ma³chjen¹-le⁴
 cho⁴ta⁴-le⁴ Cristo cjoa⁴tse³jta³ cao⁴ xi³ ma³cjain¹-

le⁴. 11 Coan³scan³-ni³ tsa³⁷ve³ nqui²jnc³ cho⁴ xi³ ji³tjo³mi³jin³-ni³ na³nqui³. Tjin¹-le⁴ jao² ncha⁴ xi³ c⁷oa⁴cjoan³ ts⁷e⁴ va³rre² cjoan³, to⁴nca³ qui³nchja⁴ jo³-ni³ cho⁴toan¹. 12 C⁷oa⁴-s⁷in² va³te¹xo³ma³ jo³-s⁷in² tsa³ca³te¹xo³ma³ ti¹tjon² cho⁴ ya⁴ nqui³xcon⁴ nca³ je². C⁷oa⁴-s⁷in² v⁷e¹ne²-le⁴ je² son³⁷nte³ cao⁴ je² xi³ tjio¹ son³⁷nte³ nca³ scoe⁴xcon¹ je² cho⁴ xi³ ti¹tjon², jña³-le⁴ xi³ c⁷oa⁴-s⁷in² coan³nta³-ni³ jña³ nca³ qui³tsin²⁷aon³. 13 Tse³ cjoa⁴xcon¹ xi³ s⁷in¹, sa³⁷nta³ l'i¹ ca³ni¹jen³-ni³ nc⁷a³jmi³ son³⁷nte³ nqui³xcon⁴ cho⁴ta⁴. 14 V⁷a³na⁴cha⁴-le⁴ je² xi³ tjio¹ son³⁷nte³ cao⁴ je² cjoa⁴xcon¹ xi³ qui³ts⁷ai²⁷nte³-le⁴ nca³ qui³s⁷in³ nqui³xcon⁴ cho⁴-ve⁴. V⁷e¹ne² je² xi³ tjio¹ son³⁷nte³ nca³ ca²ta³si¹nta³ xco¹son² xi³ c⁷oa⁴cji³-ni³le⁴ cho⁴ xi³ qui³tsin²⁷aon³-ni³ qui⁴cha⁴, to⁴nca³ tsa³c⁷e²jna³con³. 15 C⁷oa⁴ qui³ts⁷ai²⁷nte³-le⁴ nca³ si⁴²c⁷e¹jna³con³ je² xco¹son² xi³ ts⁷e⁴ cho⁴-ve⁴, jme¹-ni³ nca³ je² xco¹son²-le⁴ cho⁴-ve⁴ coi⁴nchja⁴-si¹ni³. Tsa² jnc³ xi³ tsi² scoe⁴xcon¹ je² xco¹son² xi³ ts⁷e⁴ cho⁴-ve⁴, ni²c⁷en³-ni³. 16 Tsa³c⁷e¹ne² nca³ qui³s⁷e³yo³t⁷a³-le⁴ choa⁴ nca³ts⁷i³ ntsja³ nca³qui²xi⁴ cao⁴ tjen³, je² xi³ xti³ cao⁴ xi³ jchi¹nca³, je² xi³ nchi⁴na¹ cao⁴ xi³ yo⁴ma⁴, je² xi³ tjio¹ntai¹ cao⁴ xi³ cho⁴⁷nta³. 17 Ni⁴⁷ya³-jin² xi³ coan⁴ coa³tse³, ni⁴coan⁴-jin² coa⁴te²na³, tsa² tsi² tjio¹choa⁴ cao⁴ je² jan³⁷ain¹-le⁴ cho⁴-ve⁴ a³xo⁴ je² número-le⁴ jan³⁷ain¹-le⁴. 18 Je²-vi⁴ xi³ cjoa⁴⁷i³sen³ta³con². Je² xi³ tjin¹-le⁴ cjoa⁴fa³⁷ai³tsjen³, ca²ta³v⁷e¹xqui⁴ je² número-le⁴ cho⁴-ve⁴, nca³ número-le⁴ cho⁴ta⁴ ni¹. Coi³ número-le⁴ cho⁴-ve⁴ jaon³ ciento cao⁴ jan²can³ cao⁴-ni³ jaon³.

14

*Jo³-s²in² nca³ se³ je² xi³ jnco³ ciento cao⁴-ni³
ña³chan²ño³jmi³ma³-ni³*

1 Qui³sco²tse³, coe⁴-ni³ je² Va³re² ya⁴ ti¹jna³son²
ni³nto³ xi³ Sión² mi², c⁷oa⁴ tjio¹cao⁴ nca³ je² jnco³
ciento cao⁴ ña³chan²ño³ jmi³ xi³ tjin¹-le⁴ jan³⁷ain¹-
le⁴ Va³re² cao⁴ jan³⁷ain¹-le⁴ N⁷ai³-le⁴. Tjio¹t⁷a³
ya⁴ tje³. 2 Qui³nch⁷oe³jncoa³ jta⁴ xi³ ji³nchoa³-
ni³ nc⁷a³jmi³, jo³ na³nta¹ xi³ n⁷ion¹ ti¹fa³ne³, c⁷oa⁴
jo³-s²in² fa³ne³ya³ ch⁷aon⁴ xi³ n⁷ion¹ tsin³. Je² xi³
qui³nch⁷oe³ jo³-ni³ xi³ si¹cja³ne³ arpa ma³. 3 Qui³se³
jnco³ jnta³ cho⁴tse⁴ nqui³xcon⁴ je² ya¹xi²le⁴, c⁷oa⁴
nqui³xcon⁴ je² xi³ ño³ ma³ xi³ tjio¹con³, cao⁴ je²
cho⁴ta⁴jchi¹nca³. Ni⁴⁷ya³-jin² xi³ coan³-le⁴ jnta³-
ve⁴, to⁴je² xi³ jnco³ ciento cao⁴-ni³ ña³chan²ño³
jmi³ ma³-ni³, jña³-le⁴ xi³ c⁷oa⁴-s²in² coan³chji¹ntjai²
ya⁴jin³ cho⁴ta⁴son³⁷nte³. 4 Je²-vi⁴ xi³ tsi² tsa²
ya¹nchjin¹ coan³cha³jnqui³cao⁴ nca³ tsje³ ni¹. Je²-
vi⁴ xi³ fi²tjen⁴nqui³-le⁴ je² Va³re² to⁴jña³-ni³ve⁴ nca³
coai⁴. Je²-vi⁴ xi³ coan³chji¹ntjai² ya⁴jin³-le⁴ cho⁴ta⁴,
nca³ n⁷ti¹tjon² coan³ xi³ ts⁷e⁴ Ni³na¹ cao⁴ je² Va³re².
5 C⁷oa⁴ ts⁷oa³ ni⁴jme³-jin² cjoa⁴nti³so³ qui³nchja⁴,
nca³ je² xi³ tsi²jme³ je¹ tjin¹-le⁴ nqui³xcon⁴ je²
ya¹xi²le⁴-le⁴ Ni³na¹.

*Je² cjoa⁴qui²xi⁴ xi³ qui³tsjoa³ xi³ jan² ma³-ni³
a²ncje⁴*

6 Tsa³⁷ve³ nqui²jncoa³ a²ncje⁴ xi³
qui³tjen⁴jin³va³sen³-le⁴ nc⁷a³jmi³, xi³ tjin¹-le⁴ je²
en¹nta³ xi³ tjin¹ nca³ntsjai², nca³ coi⁴nchja⁴ya³jin³-
le⁴ je² xi³ tjio¹ son³⁷nte³, cao⁴ nca³yi³je³ na³nqui³,

cao⁴ nca³yi³je³ ntje⁴, cao⁴ nca³yi³je³ en¹, cao⁴
 nca³yi³je³ na⁴xi⁴na³nta¹. 7 N⁷ion¹ qui³nchja⁴:
 Jcha⁴xcon¹³ Ni³na¹, ch⁷a⁴sje³je³yao³, nca³ je²
 hora-le⁴ n⁷choa¹chian³ nca³ tsjoa¹ cjoa⁴ñ⁷ain³.
 Jcha⁴xcon¹³ je² xi³ qui³si³nta³ nc⁷a³jmi³, cao⁴
 son³⁷n⁷te³, cao⁴ nta¹chi³con³, cao⁴ nca⁴jao⁴
 jña³ vi³tjo³ na³nta¹. 8 C⁷oa⁴ nqui²jnco³ a²ncje⁴
 qui³tjen⁴nqui³-le⁴ qui³tso²: Je³ca²vi³xo¹jen³,
 je³ca²vi³xo¹jen³ Babilonia, je² na⁴xi⁴na³nta¹
 xi³ c⁷oa⁴-s⁷in² to⁴je³, nca³ je² xi³ qui³si³c⁷i³
 nca³qui³jnta² n⁷te³ je² vino xi³ ts⁷e⁴ cjoa⁴cha³jnqui³-
 le⁴ xi³ s⁷e⁴-le⁴ cjoa⁴jti³-le⁴ Ni³na¹. 9 Je² xi³ ma³jan²-ni³
 a²ncje⁴ qui³tjen⁴nqui³-le⁴, n⁷ion¹ qui³nchja⁴: Tsa²
⁷ya³-ni³ve⁴ xi³ ve³xcon¹ je² cho⁴-ve⁴ cao⁴ xco¹son²-
 le⁴, c⁷oa⁴ tsa² cjoe¹ choa⁴-le⁴ to²tjen³ cao⁴ ya⁴ ntsja³,
 10 c⁷oa⁴-ti⁴ je²-vi⁴ sc⁷oi¹ je² vino xi³ ts⁷e⁴ cjoa⁴jti³-
 le⁴ Ni³na¹, jña³-le⁴ xi³ qui³s⁷e³ya³ je² tasa-ve⁴ xi³
 ña³qui³ coi³ cjoa⁴jti³-le⁴ Ni³na¹. S⁷e⁴-le⁴ cjoa⁴ñ⁷ain³,
 cao⁴ l⁷i¹, cao⁴ azufre nqui³xcon⁴ je² a²ncje⁴ xi³
 tsje³, c⁷oa⁴ nqui³xcon⁴ je² Va³rre². 11 Je² ni⁴nti⁴-le⁴
 cjoa⁴ñ⁷ain³-le⁴ coai⁴mi³ nca³ntsjai² ni⁴chjin³. Je²
 xi³ ve³xcon¹ je² cho⁴-ve⁴ cao⁴ xco¹son²-le⁴ li²coi³
 si¹cja¹ya³ ni⁴chjin³ cao⁴ ni⁴tjen⁴, c⁷oa⁴ to⁴⁷ya³-
 ni³ve⁴ xi³ cjoe¹ choa⁴-le⁴ je² jan³⁷ain¹-le⁴ li²coi³
 si¹cja¹ya³. 12 Xi³ to⁴coi³ cjoa⁴-vi⁴ nca³ cjoa⁴tse³jta³
 xi³ ma³chjen¹-le⁴ cho⁴ta⁴-le⁴ Cristo. Ma³chjen¹-le⁴
 nca³ si¹tjo³son² cjoa⁴te¹xo³ma³-le⁴ Ni³na¹, c⁷oa⁴ nca³
 ma³cjain¹-le⁴ t⁷a³ts⁷e⁴ Jesús. 13 Qui³nch⁷oe³jncoa³
 jta⁴ xi³ ji³n⁷choa³-ni³ nc⁷a³jmi³, xi³ qui³tso²-na³:
 Chji¹t⁷ai³: Jo¹ to⁴nta³-le⁴ je² xi³ c⁷en³ je² ni⁴chjin³ xi³
 fi²-sa³ni³, xi³ vi³ya³ nca³ ma³cjain¹-le⁴ t⁷a³ts⁷e⁴ Nai³-

na¹. Jaon³, tso² je² Espíritu Santo, nca³ si²cja¹ya³
xi³ t²a³ts²e⁴ xa¹-le⁴. Je² xa¹-le⁴ fi²tjen⁴nqui³-le⁴.

Ni⁴čjin³ c²ia⁴ nca³ coan³jcha¹ ntje⁴-le⁴ son³⁷nte³

14 Qui³sco²tsen³. Coe⁴-ni³ jnco³ yo³jvi³ čhoa³.
C²oa⁴ ya⁴son² je² yo³jvi³-vi⁴ ti¹jna³ jnco³ xi³ c²oa⁴cji³
nti¹-le⁴ cho⁴ta⁴ cji³. Tji¹son² jco⁴ jnco³ corona xi³
taon⁴si³ne², c²oa⁴ cja³ ntsja³ jnco³ qui⁴cha⁴⁷va⁴ xi³
yao³. 15 Nqui²jnc³ a²ncje⁴ ji³tjo³-ni³ ya⁴ yo⁴nc⁴,
n⁷ion¹ qui³nchja⁴-le⁴ je² xi³ ti¹jna³son² yo³jvi³-ve⁴:
Cha⁴ni²s²en³j³in³ qui⁴cha⁴⁷va⁴-li⁴, c²oa⁴ t²e²xcoi¹³,
nca³ je³ji³cho²-li² ni⁴čjin³-le⁴ nca³ s²e³xco¹, nca³
je³coan³jcha¹ je² ntje⁴-le⁴ son³⁷nte³. 16 Je² xi³
ti¹jna³son² yo³jvi³ qui³sca³ni¹j³in³ qui⁴cha⁴⁷va⁴-
le⁴ nca³qui³jnta², c²oa⁴ nca³qui³jnta² son³⁷nte³
qui³s²e³xco¹. 17 Nqui²jnc³ a²ncje⁴ ji³tjo³-ni³ ya⁴
yo⁴nc⁴ xi³ ti¹jna³ ya⁴ nc²a³jmi³, c²oa⁴-ti⁴ tj³in¹-le⁴
jnco³ qui⁴cha⁴⁷va⁴ xi³ yao³. 18 Nqui²jnc³ a²ncje⁴
ji³tjo³-ni³ ya⁴ son²xta², xi³ tj³in¹-le⁴ nca³n⁷ion¹
xi³ t²a³ts²e⁴ je² l⁷i¹. N⁷ion¹ qui³nchja⁴-le⁴ je²
xi³ tj³in¹-le⁴ qui⁴cha⁴⁷va⁴ xi³ yao³, qui³tso²:
Cha⁴ni²s²en³j³in³ qui⁴cha⁴⁷va⁴-li⁴ xi³ yao³, c²oa⁴
ti⁴cha¹t⁷ai³ en¹-le⁴ to³-le⁴ ya¹ uva xi³ ts²e⁴ son³⁷nte³-
ve⁴, nca³ je³qui³chji² to³tse⁴². 19 Je² a²ncje⁴-ve⁴
qui³sca³ni¹s²en³j³in³ qui⁴cha⁴⁷va⁴-le⁴ xi³ yao³ ya⁴
son³⁷nte³, c²oa⁴ tsa³ca³te³t⁷a³ to³-le⁴ ya¹ uva xi³
ts²e⁴ son³⁷nte³. Je² to³tse⁴² qui³si³c²a³tsao³j³in³ je²
ya¹ts²ion³ xi³ ts²e⁴ cjoa⁴jt³-le⁴ Ni³na¹. 20 C²oa⁴
je² ya¹ts²ion³ ti¹jna³ntai³-le⁴ na⁴xi⁴na³nta¹, ya⁴
qui³si³ts²ion³nta¹. C²oa⁴ ya¹ts²ion³-ve⁴ nj³in¹ ji³tjo³-
ni³, sa³⁷nta³ je² freno-le⁴ je² na⁴xin¹. Ja⁴me³ jan²

ciento jmi³ metro ji³tjo³-ni³.

15

Je² ña³to³ a²ncje⁴ xi³ tjin¹-le⁴ ña³to³ cjoa⁴ñ⁷ain³ xi³ cjoe⁴t⁷a³-ni³

¹ Tsa³ve³ nqui²jncoa³ cjoa⁴xcon¹, xi³ n⁷ion¹ tse³, xi³ n⁷ion¹ xcon¹, ya⁴ nc⁷a³jmi³. Ña³to³ ma³-ni³ a²ncje⁴ xi³ tjin¹-le⁴ ña³to³ cjoa⁴ñ⁷ain³ xi³ cjoe⁴t⁷a³-ni³. Coi³ xi³ cjoe⁴t⁷a³-ni³ cjoa⁴jti³-le⁴ Ni³na¹. ² C⁷oa⁴ tsa³ve³jncoa³ nta¹chi³con³ xi³ cho⁴tsin¹ cji³, tji¹ts⁷o¹jjin³ cao⁴ l⁷i¹. Je² xi³ qui³si³qui³njen³-le⁴ je² cho⁴-ve⁴, cao⁴ xco¹son²-le⁴, cao⁴ choa⁴-le⁴, cao⁴ je² número-le⁴ jan³ain¹-le⁴, ya⁴ tsa³ca³tio²jjin³ nta¹chi³con³ xi³ cho⁴tsin¹. Tjin¹-le⁴ arpa xi³ ts⁷e⁴ Ni³na¹. ³ C⁷oa⁴ se³ je² jnta³-le⁴ Moisés, cho⁴nta³-le⁴ Ni³na¹, cao⁴ je² jnta³-le⁴ je² Va³re², tjio¹tso²: N⁷ion¹ tse³ xcon¹ je² xa¹-li⁴, Señor Ni³na¹ xi³ va³te²xo³mai³ nca³yi³je³. Je² ntia⁴2-li⁴ ña³qui³ c⁷oa⁴tjin¹, ña³qui³ cjoa⁴qui²xi⁴. Ji³ xi³ nca³jco⁴-le⁴ cho⁴ta⁴-le⁴ Cristo. ⁴ ⁷ya¹ xi³ tsi² tsa³cjon¹-li², Señor, ⁷ya¹ xi³ tsi² c⁷oa⁴sje³je³ya³ jan³ain¹-li⁴. To⁴jnc³ ji³ xi³ tsjai³. To⁴coi³ nca³yi³je³ ⁷nte³ cjoa⁴ai¹-ni³, scoe⁴xcon¹-li². Je² cjoa⁴qui²xi⁴-li⁴ je³cji³ma³tsen³. ⁵ Coan³scan³-ni³ je² cjoa⁴-vi⁴ qui³sco²tsen³. Coe⁴-ni³ je² yo⁴nco⁴ jña³ tjio¹ je² en¹-le⁴ Ni³na¹ qui³tjo³ai² ya⁴ nc⁷a³jmi³. ⁶ Ji³tjo³-ni³ yo⁴nco⁴-le⁴ Ni³na¹ je² ña³to³ a²ncje⁴ xi³ tjin¹-le⁴ je² ña³to³ cjoa⁴ñ⁷ain³. Y⁷a³cja¹ na³jño³ lino xi³ tsje³ xi³ čho³, c⁷oa⁴ tjio¹cja¹son²-le⁴ nta³ni⁴sin⁴-le⁴ n⁷o¹pa²ño⁴ xi³ taon⁴si³ne². ⁷ Jnco³ xi³ ño³ ma³ xi³ tjio¹con³ qui³tsjoa³-le⁴ je² ña³to³ a²ncje⁴

ña³to³ cho⁴tsin¹ xi³ taon⁴si³ne², xi³ tjio¹qui³tse³-ni³ cjoa⁴jti³-le⁴ Ni³na¹ xi³ ti¹jna³con³ nca³ntsjai² ni⁴čhjin³. ⁸ Xi³ to⁴t⁷a³ts⁷e⁴ je² cjoa⁴je³ya³-le⁴ Ni³na¹ c⁷oa⁴ xi³ to⁴t⁷a³ts⁷e⁴ nca³n⁷ion¹-le⁴, yo⁴nco⁴-ve⁴ ña³qui³ qui³tse³-ni³ ni⁴nti⁴. Ni⁴ya³-jin² xi³ coan³ qui³s⁷en³ ya⁴ yo⁴nco⁴, sa³nta³ nca³ je³coan³jnc³ je² ña³to³ cjoa⁴ñ⁷ain³ xi³ ts⁷e⁴ ña³to³ a²ncje⁴.

16

Je² ña³to³ cho⁴tsin¹ xi³ ts⁷e⁴ cjoa⁴jti³-le⁴ Ni³na¹

¹ Qui³nch⁷oe³jnco³ jta⁴ ya⁴ yo⁴nco⁴-le⁴ Ni³na¹ xi³ qui³tso²-le⁴ je² ña³to³ a²ncje⁴: Ta³nquion¹³, t⁷e²jten⁴ntjao²³ je² ña³to³ cho⁴tsin¹ xi³ ts⁷e⁴ cjoa⁴jti³-le⁴ Ni³na¹ ya⁴son² son³nte³. ² Qui³ je² a²ncje⁴ xi³ ti¹tjon², tsa³c⁷e¹jten⁴ntjai² je² cho⁴tsin¹-le⁴ ya⁴son² son³nte³. Ja³ai³ jnc³ cjoa⁴ñ⁷ain³ xi³ n⁷ion¹ tse³, c⁷oa⁴ xi³ qui³si³qui²aon³ je² cho⁴ta⁴ xi³ tjin¹-le⁴ je² choa⁴-le⁴ je² cho⁴, xi³ tsa³ve³xcon¹ xco¹son²-le⁴. ³ Je² xi³ ma³jao²-ni³ a²ncje⁴ tsa³c⁷e¹jten⁴ntjai² cho⁴tsin¹-le⁴ ja⁴j³in³ nta¹chi³con³. Coan³ njin¹ jo³-ni³ tsa² ts⁷e⁴ jnc³ c⁷en³. Nca³ts⁷i³ xi³ tjio¹con³ ya⁴j³in³ nta¹chi³con³ c⁷en³. ⁴ Je² xi³ ma³jan²-ni³ a²ncje⁴ tsa³c⁷e¹jten⁴ntjai² cho⁴tsin¹-le⁴ ja⁴j³in³ nta¹je⁴, cao⁴ ya⁴ jña³ tjio¹tjo³ na³nta¹. Coan³ njin¹. ⁵ Qui³nch⁷oe³-le⁴ je² a²ncje⁴ xi³ ts⁷e⁴ na³nta¹, qui³tso²: Cjai¹nca³ tj³in¹-li² cjoa⁴qui²xi⁴ Señor, ji³ xi³ ti³jnai³, xi³ tsa³qui³jnai³, ji³ xi³ tsjai³, nca³ c⁷oa⁴-s⁷in² qui³ts⁷ai²-lai⁴ cjoa⁴ñ⁷ain³ t⁷a³ts⁷e⁴ je² cjoa⁴-vi⁴. ⁶ Nca⁴ je² xi³ tsa³c⁷e¹jten⁴ njin¹-le⁴ cho⁴ta⁴-le⁴ Cristo cao⁴ je² xi³ qui³nchja⁴ya³, c⁷oa⁴-ti⁴ ji³ qui³ts⁷ai²-lai⁴ nca³ qui³ts⁷i³ njin¹. C⁷oa⁴-s⁷in²

va³quin²-le⁴. 7 C⁷oa⁴ qui³nch⁷oe³ nqui²jnc³-nia³
 ya⁴ son²xta² xi³ qui³tso²: Ña³qui³ c⁷oa⁴tjin¹ Señor
 Ni³na¹ xi³ va³te²xo³mai³ nca³yi³je³, je² cjoa⁴ñ⁷ain³
 xi³ v⁷ai²²³ ña³qui³ cjoa⁴qui²xi⁴-ni¹, ña³qui³ c⁷oa⁴tjin¹.
 8 Je² xi³ ma³ño³-ni³ a²ncje⁴ tsa³c⁷e¹jten⁴ntjai²
 cho⁴tsin¹-le⁴ ya⁴ son²nc⁷a³-le⁴ ts⁷oi¹. C⁷oa⁴-
 s⁷in² qui³ts⁷ai²-le⁴ nca³ tsa³ca³ca¹ cho⁴ta⁴ cao⁴
 l⁷i¹. 9 Cho⁴ta⁴ qui³ti²-ni³ cao⁴ ntoa¹n⁷ion¹, c⁷oa⁴
 qui³nchja⁴⁷aon³-le⁴ jan³⁷ain¹-le⁴ Ni³na¹ xi³ tjin¹-
 le⁴ nca³n⁷ion¹ xi³ t⁷a³ts⁷e⁴ je² cjoa⁴ñ⁷ain³. Li²coi³
 qui³si³c⁷a³ntjai²ya³ cjoa⁴fa³⁷ai³tsjen³-le⁴ nca³
 tsa³c⁷a³sje³je³ya³ Ni³na¹ tsa²cai³. 10 C⁷oa⁴ je² xi³
 ma³⁷aon²-ni³ a²ncje⁴ tsa³c⁷e¹jten⁴ntjai² cho⁴tsin¹-
 le⁴ ya⁴son² ya¹xi²le⁴-le⁴ cho⁴-ve⁴. Je² nte³-le⁴
 coan³njon²-ni¹. Cho⁴ta⁴ qui³squi³ne³tjon² ni⁴jen⁴
 nca³ c⁷oa⁴-s⁷in² aon³ coan³-le⁴. 11 Qui³nchja⁴⁷aon³-
 le⁴ Ni³na¹ xi³ ts⁷e⁴ nc⁷a³jmi³ nca³ c⁷oa⁴-s⁷in² aon³
 coan³-le⁴, nca³ tse³ cjoa⁴ñ⁷ain³ xi³ tsa³cja³⁷a¹.
 Li²coi³ qui³si³c⁷a³ntjai²ya³ cjoa⁴fa³⁷ai³tsjen³-le⁴ xi³
 t⁷a³ts⁷e⁴ cjoa⁴ xi³ qui³s⁷in³. 12 Je² xi³ ma³jaon³-
 ni³ a²ncje⁴ tsa³c⁷e¹jten⁴ntjai² cho⁴tsin¹-le⁴ ya⁴j³in³
 je² nta¹je⁴ Eufrates. Je² na³nta¹-le⁴ qui³xi²ya³,
 jme¹-ni³ nca³ c⁷oa⁴-s⁷in² s⁷e⁴nta³-si¹ni³ ntia⁴²-
 le⁴ cho⁴ta⁴ti¹tjon² xi³ nchoa¹-ni³ jña³ nca³ tjo³-
 ni³ ts⁷oi¹. 13 Tsa³⁷ve³ nca³ ji³tjo³-ni³ ts⁷oa³ je²
 cho⁴toan¹, cao⁴ ts⁷oa³ cho⁴ xi³jnc³, cao⁴ ts⁷oa³
 je² xi³ to⁴⁷en¹nti³so³ qui³nchja⁴ya³, ji³tjo³-ni³ jan²
 ntjao⁴ xi³ nta³j³in³ xi³ c⁷oa⁴cjoan³ xque⁴ cjoan³.
 14 Coi³ ntjao⁴ xi³ ts⁷e⁴ nai⁴² xi³ nta³j³in³, xi³ s⁷in¹
 cjoa⁴xcon¹, nca³ fi² c⁷e¹xco¹ya³ cho⁴ta⁴ti¹tjon² xi³
 ts⁷e⁴ nca³qui³jnta² son³⁷nte³ xi³ t⁷a³ts⁷e⁴ cjoa⁴jchan¹

c'ia⁴ ni⁴chjin³je³ xi³ ts⁷e⁴ Ni³na¹ xi³ va³te¹xo³ma³
nca³yi³je³. 15 Coe⁴-ni³ an³ nchoa¹³ jo³-ni³ tsa²
che¹. Jo¹ to⁴nta³-le⁴ je² xi³ ti¹jna³con³⁷nta³, xi³
si¹coi²nta⁴ na³jño³-le⁴, jme¹-ni³ nca³ tsi² cjoa¹jti²-
si¹ni³, c'oa⁴ scoe⁴-si¹ni³ cjoa⁴soa³-le⁴. 16 Tsa³c⁷e¹xco¹
ya⁴nte³xi³ c'oa⁴mi² Armagedón nca³ en¹ hebreo.
17 Je² xi³ ma³ña³to³-ni³ a²ncje⁴ tsa³c⁷e¹jten⁴ntjai²
cho⁴tsin¹-le⁴ ya⁴ jin³sen¹. Jnco³ jta⁴ n'ion¹ ji³tjo³-ni³
yo⁴nco⁴ xi³ ts⁷e⁴ nc⁷a³jmi³, ya⁴ ya¹xi²le⁴-le⁴, qui³tso²:
Je³coan³. 18 C'ia⁴ coan³fa³te³ l'i¹ch⁷aon⁴, cao⁴ jta⁴,
cao⁴ ch⁷aon⁴, c'oa⁴ ja³⁷ai³ jnco³ chaon¹ n'ion¹
xi³ tsi² c'ia³ c'oa⁴coan³ sa³⁷nta³ nca³ tsa³ca³tio²
cho⁴ta⁴ son³⁷nte³-vi⁴. 19 Je² na⁴xi⁴na³nta¹ xi³ n'ion¹
je³ coan³xcoa⁴ jan² ya³ coan³, c'oa⁴ nca³yi³je³
na⁴xi⁴na³nta¹ xi³ ts⁷e⁴ xi³c⁷a³ nte³ qui³tsao³. C'oa⁴
Ni³na¹ ja³⁷ai³tsjen³jin³-le⁴ je² Babilonia xi³ n'ion¹
je³ nca³ c'oa⁴-s'in² qui³tsjoa³-le⁴ cho⁴tsin¹-le⁴ xi³
ts⁷e⁴ vino xi³ ts⁷e⁴ cjoa⁴jti³-le⁴. 20 Nca³yi³je³ nte³
xi³ tjio¹jin³ nta¹chi³con³ qui³cha³, c'oa⁴ je² ni³nto³
li²coi³ ti⁴coan³tsen³-ni³. 21 C'oa⁴ ja⁴jon³ cho⁴ta⁴
qui³tsao³-ni³ nc⁷a³jmi³ jtsi¹lao⁴ n'ion¹, jo³-ni³ aon²-
la⁴ kilo 'ai¹. C'oa⁴ cho⁴ta⁴ qui³nchja⁴⁷aon³-le⁴ Ni³na¹
xi³ to⁴⁷a³ts⁷e⁴ je² cjoa⁴ñ'ain³ je² jtsi¹lao⁴, nca³ je²
cjoa⁴ñ'ain³-le⁴ n'ion¹ tse³ coan³.

17

S⁷e³-le⁴ cjoa⁴ñ'ain³ je² chjon⁴²cha³jnqui³

1 Ja³⁷ai³ jnco³ xi³ ña³to³ ma³-ni³ a²ncje⁴ xi³ y²a³
ña³to³ cho⁴tsin¹, qui³nchja⁴cao⁴-na³: Nchoai¹³
i⁴-vi⁴, c'oa⁴ coa³co³-le²³ je² cjoa⁴ñ'ain³-le⁴ je²
chjon⁴²cha³jnqui³ xi³ n'ion¹ sca¹-le⁴, xi³ ti¹jna³son²

xi³ n⁷ion¹ ncjin² c⁷a³ na³nta¹. 2 Je² chjon^{42-ve4} xi³ cho⁴ta⁴ti¹tjon² son³⁷nte³ qui³si³cha³jnqui³cao⁴, c⁷oa⁴ je² xi³ tjio¹ son³⁷nte³ cji³ma³ch⁷i⁴-ni³ cao⁴ je² vino xi³ ts⁷e⁴ cjoa⁴cha³jnqui³-le⁴. 3 C⁷oa⁴ qui³cao⁴-na³ ya⁴ ⁷nte³ t⁷a³xin²t⁷a³ nca³ ti¹jna³cao⁴-na³ je² Espíritu Santo. Tsa³⁷ve³jncoa³ chjon⁴² xi³ ti¹jna³son² jnco³ cho⁴ xi³ ni² cji³, xi³ qui³tse³jon³ jan³⁷ain¹ xi³ nchja⁴⁷aon³, c⁷oa⁴ ña³to³ ma³ jco⁴, c⁷oa⁴ te³ ncha⁴ tjin¹-le⁴. 4 Je² chjon^{42-ve4} y⁷a³cja¹ ña³jño³ xi³ jco³ cji³ cao⁴ xi³ ni² cji³. Coan³nta³jon³-ni³ cao⁴ taon⁴si³ne², cao⁴ la⁴jao⁴ xi³ na⁴sca¹ cjoan³ cao⁴ to³fa³nqui³ xi³ čho³ cjoan³. Cja³ ntsja³ jnco³ cho⁴tsin¹ xi³ taon⁴si³ne², tji¹qui³tse³-ni³ cjoa⁴nai⁴², cao⁴ cjoa⁴jnti¹ xi³ ts⁷e⁴ cjoa⁴cha³jnqui³-le⁴. 5 Ya⁴ tjen³ tji¹t⁷a³ jnco³ jan³⁷ain¹, jnco³ cjoa⁴⁷ma³: Babilonia xi³ n⁷ion¹ je³, xi³ na⁴-le⁴ cho⁴ta⁴cha³jnqui³ cao⁴ cjoa⁴nai⁴² xi³ ts⁷e⁴ son³⁷nte³. 6 Tsa³⁷ve³ chjon^{42-ve4} nca³ ch⁷i⁴ cao⁴ njin¹-le⁴ cho⁴ta⁴-le⁴ Cristo, cao⁴ njin¹-le⁴ je² xi³ c⁷en³ xi³ t⁷a³ts⁷e Jesús. C⁷ia⁴ nca³ tsa³⁷ve³ jo³ to⁴coan³xcon¹-na³. 7 C⁷oa⁴ je² a²ncje⁴ qui³tso²-na³: A¹-ni³ nca³ ma³xcon¹-si¹ni³li². An³ c⁷oa⁴xin¹-le²³ je² cjoa⁴⁷ma³ xi³ t⁷a³ts⁷e⁴ chjon^{42-vi4}, c⁷oa⁴ xi³ t⁷a³ts⁷e⁴ cho⁴ xi³ ti¹jna³son², xi³ ña³to³ ma³ jco⁴ c⁷oa⁴ te³ ncha⁴ tjin¹-le⁴. 8 Je² cho⁴ xi³ ca²⁷yai³ tsa³c⁷e²jna³, c⁷oa⁴ li²coi³ ti⁴ti¹jna³-ni³. Ya⁴ cjo⁴inčho³mi³-ni³ nti⁴tjan⁴ jña³ nca³ ti⁴x⁷a⁴j³sen¹, c⁷oa⁴ coai⁴ cha⁴. Je² xi³ tjio¹ son³⁷nte³ xi³ jan³⁷ain¹-le⁴ li²coi³ tjio¹t⁷a³ ya⁴ xon⁴ xi³ ts⁷e⁴ cjoa⁴vi³jna³chon³ sa³⁷nta³ nca³ qui³s⁷e³nta³ son³⁷nte³, coan⁴xcon¹-le⁴ c⁷ia⁴ nca scoe⁴ cho⁴-ve⁴ xi³ tsa³c⁷e²jna³, c⁷oa⁴ li²coi³ ti⁴ti¹jna³-ni³, c⁷oa⁴ cjoa⁴⁷ai¹-nca¹ni³. 9 C⁷oa⁴-s⁷in² ma³chjen¹

cjoa⁴fa³⁷ai³tsjen³ xi³ tjin¹-le⁴ cjoa⁴⁷i³sen³ta³con².
 Je² xi³ ña³to³ ma³ jco⁴, coi³ xi³ ña³to³ ni³nto³, xi³
 chjon⁴²-ve⁴ ti¹jna³ne². 10 C⁷oa⁴-ti⁴ ña³to³ ma³-ni³
 cho⁴ta⁴ti¹tjon². Aon² ma³-ni³ xi³ qui³tsao³nqui³.
 Jnco³ ti¹jna³, je² xi³ nqui²jnco³ cje³ fa³⁷ai³-jin². C⁷ia⁴
 nca³ cjoa⁴⁷ai¹, tjin¹ne²-le⁴ nca³ to⁴choa³ ni⁴čhjin³
 c⁷oe¹jna³. 11 C⁷oa⁴ je² cho⁴ xi³ tsa³c⁷e²jna³, c⁷oa⁴
 li²coi³ ti⁴ti¹jna³-ni³, je² xi³ ma³jjin³-ni³. C⁷oa⁴-
 ti⁴ ts⁷e⁴ xi³ ña³to³ ma³-ni³, c⁷oa⁴-ti⁴ coai⁴ cha⁴.
 12 C⁷oa⁴ je² xi³ te³ ma³ nčha⁴ xi³ ca²⁷yai³, je² xi³ te³
 cho⁴ta⁴ti¹tjon² xi³ cje³ tjin¹-jin²le⁴ cjoa⁴te¹xo³ma³,
 to⁴nca³ s⁷e⁴-le⁴ cjoa⁴te¹xo³ma³ xi³ to⁴jnco³ hora
 jo³-ni³ cho⁴ta⁴ti¹tjon², cao⁴ je² cho⁴. 13 Je²-vi⁴ xi³
 to⁴jnco³ cjoa⁴fa³⁷ai³tsjen³ tjin¹-le⁴, c⁷oa⁴ tsjoa¹-le⁴
 cho⁴-ve⁴ je² nca³n⁷ion¹-le⁴ cao⁴ cjoa⁴te¹xo³ma³-le⁴.
 14 Je² xi³ c⁷oa⁴-s⁷in² scan³cao⁴ je² Va³rre², c⁷oa⁴ je²
 Va³rre² si⁴²qui³njen³. Je² ni¹ je² Nai³ti¹tjon²-le⁴ xi³
 nai³ ma³, c⁷oa⁴ nca³jco⁴-le⁴ je² xi³ cho⁴ta⁴ti¹tjon².
 Je² xi³ tjio¹cao⁴ c⁷oa⁴-s⁷in² qui³no²cjoa⁴-le⁴, c⁷oa⁴-
 s⁷in² qui³tjo³jjin³, c⁷oa⁴ n⁷ion¹t⁷a³con³. 15 Je²
 qui³tso²-na³: Je² na³nta¹ xi³ ca²⁷yai³-vi⁴, jña³ nca³
 chjon⁴²cha³jnqui³-ve⁴ ti¹jna³son², coi³ na⁴xi⁴na³nta¹,
 c⁷oa⁴ cho⁴ta⁴ncjin², c⁷oa⁴ nte³, c⁷oa⁴ en¹. 16 Je²
 nčha⁴ xi³ te³ ma³-ni³ xi³ ca²⁷yai³ cao⁴ cho⁴-ve⁴, je²-
 vi⁴ xi³ ma³jti³que³ chjon⁴²cha³jnqui³-ve⁴. Cjoa⁴⁷a³-
 le⁴ nca³yi³je³, c⁷oa⁴ si⁴²ca¹jna³jti², c⁷oa⁴ squi⁴ne⁴
 je² yao³-le⁴, c⁷oa⁴ coa⁴ca²jjin³ l⁷i¹. 17 Ni³na¹ c⁷oa⁴-
 s⁷in² qui³tsjoa³-le⁴ cho⁴ta⁴-ve⁴ ni⁴ma⁴ xi³ c⁷oa⁴-s⁷in²
 si⁴²tjo³son²-le⁴ jo³-s⁷in² me³-le⁴ Ni³na¹, nca³ c⁷oa⁴-
 s⁷in² tjio¹jnco³con³ nca³ tsjoa¹-le⁴ cjoa⁴te¹xo³ma³-
 le⁴ je² cho⁴-ve⁴ jo³ sa³⁷nta³ coi⁴tjo³son² je² en¹-le⁴

Ni³na¹. 18 Je² chjon⁴² xi³ ca²⁷yai³ je² na⁴xi⁴na³nta¹je³
xi³ va³te¹xo³ma³ cho⁴ta⁴ti¹tjon² xi³ tjio¹ son³⁷n³te³.

18

Je² na⁴xi⁴na³nta¹ Babilonia vi³xo¹jen³

¹ Coan³scan³-ni³ je² cjoa⁴-vi⁴ tsa³⁷ve³ nqui²jncoa³
a²ncje⁴ xi³ ji³tjo³jen³-ni³ nc⁷a³jmi³, xi³ n⁷ion¹ tse³
nca³n⁷ion¹ tj¹in¹-le⁴. C⁷oa⁴ je² son³⁷n³te³ coan³⁷i³sen³-
ni³ cjoa⁴je³ya³-le⁴. ² N⁷ion¹ qui³nchja⁴: Chi³xo¹jen³,
chi³xo¹jen³ je² Babilonia xi³ je³. ⁷n³te³-le⁴ nai⁴²
xi³ nta³j³in³ coan³, c⁷oa⁴ ya⁴ tjio¹n⁷ion¹ ntjao⁴ xi³
nta³j³in³, c⁷oa⁴ tjio¹n⁷ion¹ nca³yi³je³ ni⁴se³ xi³ ch⁷ao³
cjoan³, xi³ ch⁷ao³ ⁷ya³-le⁴. ³ Nca³ts⁷i³ cho⁴ta⁴ c⁷oa⁴-
s⁷in² qui³ts⁷i³ je² vino xi³ ts⁷e⁴ cjoa⁴cha³j³nqui³-le⁴ xi³
s⁷e⁴-le⁴ cjoa⁴jt³i³-le⁴ Ni³na¹. Je² cho⁴ta⁴ti¹tjon² xi³ ts⁷e⁴
son³⁷n³te³ qui³si³cha³j³nqui³cao⁴ je², c⁷oa⁴ je² xi³ s⁷in¹
cjoa⁴ma⁴ c⁷oa⁴-s⁷in² coan³ nchi⁴na¹ xi³ to⁴t⁷a³ts⁷e⁴
nca³n⁷ion¹-le⁴ cjoa⁴tsj³oa³-le⁴. ⁴ Qui³nch⁷oe³
nqui²jncoa³ jta⁴ xi³ nchoa¹-ni³ nc⁷a³jmi³, xi³ qui³tso²:
Ti²tjo⁴j³in³-lao⁴³, na⁴xi⁴na³nta¹-na⁴, jme¹-ni³ nca³
tsi² s⁷ian⁴-si¹nio³ cjoa⁴ts⁷en⁴-le⁴, c⁷oa⁴ nca³ tsi²
c⁷oa⁴cao⁴-si¹ni³no³ cjoa⁴n⁷ain³-le⁴. ⁵ Je² cjoa⁴ts⁷en⁴-
le⁴ c⁷oa⁴-s⁷in² ji³cho² sa³⁷nta³ nc⁷a³jmi³, c⁷oa⁴ Ni³na¹
ja³⁷ai³tsj³en³-le⁴ cjoa⁴nai⁴²-le⁴. ⁶ C⁷oa⁴-ti⁴ ti⁴cao⁴³
jo³-s⁷in² qui³si³cao⁴-no³. Jao² ya³ c⁷oa⁴tj¹in¹ t⁷ai²-
lao⁴³ cjoa⁴n⁷ain³ jo³ tj¹in¹ xa¹-le⁴. Je² cho⁴tsin¹ xi³
qui³si³c⁷i³ya³-no³, jao² ya³ ti⁴c⁷i³ya³nqui²ntiao⁴³.
⁷ Jo³-s⁷in² tsa³c⁷a³sje³je³ya³ yao³-le⁴ sa³⁷nta³
cao⁴ cjoa⁴tsj³oa³-le⁴, nqui² c⁷oa⁴tj¹in¹ t⁷ai²-lao⁴³
cjoa⁴n⁷ain³, ca²ta³cji³⁷ntia¹. Nca³ ni⁴ma⁴-le⁴
xo⁴tso²: An³ reina ti²jna⁴, a³li² chjon⁴²c⁷an³-jian²³,

c⁷oa⁴ ni⁴c⁷ia³-jin² squi³ntia¹³. 8 Coi³ cjoa⁴ nca³ to⁴jnc³ ni⁴čhjin³ cjoa⁴ai¹-ni³ je² cjoa⁴ñ⁷ain³-le⁴, cjoa⁴vi³ya³-le⁴, c⁷oa⁴ squi¹ntia¹, cao⁴ cji³nča¹. Coi⁴ti⁴jin³ l¹i¹, nca³ je² Nai³-na¹ Ni³na¹ xi³ tj¹in¹-le⁴ nca³n⁷ion¹ nca³ tsjoa¹-le⁴ cjoa⁴ñ⁷ain³. 9 Je² cho⁴ta⁴ti¹tjon²-le⁴ son³nte³ xi³ qui³si³cha³jnqui³cao⁴ xi³ to⁴cjoa⁴tsjoa³-le⁴ tsa³ca³tio²cao⁴ squi¹nta¹t⁷ain³ chjon⁴²-ve⁴ c⁷ia⁴ nca³ scoe⁴ ni⁴nti⁴-le⁴ nca³ coi⁴ti⁴jin³ l¹i¹. 10 Cjin³ coa⁴tio⁴ tsa³cjon¹-le⁴ cjoa⁴ñ⁷ain³-le⁴, tso²: Ma⁴-xo¹ni³, ma⁴-xo¹ni³ ji³ na⁴xi⁴na³nta¹ Babilonia xi³ n⁷ion¹ jai³, xi³ n⁷ion¹ ti³jnai³, nca³ to⁴jnc³ tjo² ja³ai³-ni³ cjoa⁴ñ⁷ain³-li⁴. 11 Je² xi³ s⁷in¹ cjoa⁴ma⁴ ja⁴son³nte³ cji³nta¹t⁷ain³ nca³ je², nca³ tsi² ti⁴ya³ xi³ coa⁴tse³-ni³le⁴ tso³jmi² xi³ va³te¹na³, 12 tso³jmi² xi³ taon⁴si³ne², cao⁴ xi³ taon⁴čhoa³, cao⁴ la⁴jao⁴ xi³ na⁴sca¹ cjoan³, cao⁴ to³fa³nqui³ xi³ čhoa³, cao⁴ na³jño³ lino xi³ n⁷ion¹ chji¹, cao⁴ na³jño³ xi³ jco³ cjoan³, cao⁴ xi³ seda, cao⁴ xi³ ni² cjoan³, cao⁴ nca³yi³je³ jco⁴ya³ ya¹ xi³ na⁴sca¹ njen⁴, cao⁴ nca³yi³je³ jco⁴ya³ tso³jmi² xi³ ni³nta³ čhoa³ cjoan³, cao⁴ nca³yi³je³ jco⁴ya³ tso³jmi² xi³ ya¹ xi³ n⁷ion¹ chji¹ cjoan³, cao⁴ qui⁴cha⁴si³ne², cao⁴ qui⁴cha⁴ta²ja³, cao⁴ lao⁴chi³con³, 13 cao⁴ canela, cao⁴ xi³ s⁷e³jin³ tso³jmi², cao⁴ xo⁴nco¹sja³, cao⁴ xqui³xi¹ne¹, cao⁴ si²ti⁴ xi³ ti² yo⁴nco⁴, cao⁴ vino, cao⁴ si²ti⁴, cao⁴ scoan⁴nio⁴xti²la⁴, cao⁴ trigo, cao⁴ cho⁴, cao⁴ va³rre², cao⁴ na⁴xin¹, cao⁴ ya¹carro, cao⁴ cho⁴nta³, cao⁴ ni⁴ma⁴-le⁴ cho⁴ta⁴. 14 Je² cjoa⁴ xi³ coan³me³ta³con² ni⁴ma⁴-li⁴, qui³t⁷a³xin²-li², c⁷oa⁴ nca³yi³je³ tso³jmi²chji¹-li⁴, cao⁴ cjoa⁴je³ya³-li⁴ qui³cha³-li². Ni⁴c⁷ia³-jin² ti⁴sa³co²-ni³li². 15 Je²

cho⁴ta⁴cjoa⁴ma⁴ xi³ va³te¹na³ je² tso³jmi²-vi⁴, xi³ coan³nchi⁴na¹-ni³, cjin³ coai⁴t⁷a³xin²-le⁴, nca³ tsa³cjon¹-le⁴ cjoa⁴ñ⁷ain³-le⁴, c⁷oa⁴ squi¹nta¹.
 16 C⁷oa⁴coi⁴tso⁴: Ma⁴-xo¹ni³, ma⁴-xo¹ni³, je² na⁴xi⁴na³nta¹ xi³ je³, xi³ tsa³c⁷a³cja¹ na³jño³ lino xi³ chji¹, cao⁴ na³jño³ xi³ jco³ cjoan³, cao⁴ xi³ ni² cjoan³, cao⁴ xi³ taon⁴si³ne² coan³n⁷ion¹jon³-ni³, cao⁴ la⁴jao⁴ xi³ na⁴sca¹ cjoan³, cao⁴ to³fa³nqui³ xi³ čhoa³. 17 Nca³ to⁴jnc³ tjo² c⁷oa⁴-s⁷in² qui³cha³ tse³ cjoa⁴nchi⁴na¹. Nca³ts⁷i³ nai³-le⁴ chi³tso³, cao⁴ nca³ts⁷i³ xi³ nta¹chi³con³ v⁷e¹ma³jin³, cao⁴ xi³ si¹ma³cao⁴ chi³tso³, cao⁴ nca³ts⁷i³ xi³ si¹xa¹jin³ nta¹chi³con³, cjin³ tsa³ca³tio². 18 Tsa³ve³ ni⁴nti⁴-le⁴ nca³ qui³ti²jin³ l⁷i¹, qui³squi³ntia¹xa¹, qui³tso²: Jme¹ na⁴xi⁴na³nta¹ xi³ c⁷oa⁴cji³ tse³ jo³ cji³ je²-vi⁴. 19 C⁷oa⁴ chao³ tsa³c⁷e¹tsao³jon³ jco⁴, c⁷oa⁴ qui³squi³ntia¹xa¹, qui³squi³nta¹, qui³tso²: Ma⁴-xo¹ni³, ma⁴-xo¹ni³ je² na⁴xi⁴na³nta¹ xi³ je³, jña³ nca³ nca³ts⁷i³ xi³ tjin¹-le⁴ chi³tso³ ya⁴jin³ nta¹chi³con³ c⁷oa⁴-s⁷in² coan³nchi⁴na¹-ni³ cjoa⁴nchi⁴na¹-le⁴. To⁴jnc³ tjo² qui³cha³-ni³ na⁴xi⁴na³nta¹ je²-ve⁴. 20 Ti⁴tsjoa³ya³-lao⁴³ ta³con²³ xi³ t⁷a³ts⁷e⁴ na⁴xi⁴na³nta¹-ve⁴, ji³ nc⁷a³jmi³, c⁷oa⁴ jon² xi³ cho⁴ta⁴-le⁴ Cristo, c⁷oa⁴ jon² xi³ pa²stro⁴, c⁷oa⁴ jon² xi³ no²cjoa⁴yao³ t⁷a³ts⁷e⁴ Ni³na¹, nca³ Ni³na¹ c⁷oa⁴-s⁷in² qui³si³jnta³-le⁴ je² na⁴xi⁴na³nta¹ xi³ to⁴t⁷a³tsaon⁴³. 21 Jnc³ a²ncje⁴ xi³ tjin¹-le⁴ nca³n⁷ion¹ qui³scoe¹ jnc³ la⁴jao⁴ xi³ n⁷ion¹ je³ jo³-ni³ la⁴jao⁴ na⁴tsi¹, qui³si³c⁷a³tjen⁴-jin³ nta¹chi³con³, qui³tso²: Je² na⁴xi⁴na³nta¹ Babilonia xi³ je³ xi³ c⁷oa⁴-s⁷in² cao⁴ ti⁴coi³-ni³ nca³n⁷ion¹ coi⁴xo⁴jen³ni³. Ni⁴c⁷ia³-jin² ti⁴coan⁴sjai³-ni³.

22 C⁷oa⁴ jta⁴-le⁴ je² xi³ si¹cja³ne³ arpa, cao⁴ čhjao³, cao⁴ xi³ si¹cja³ne³ xo³vi¹ cao⁴ trompeta li²coi³ ti⁴coi⁴no¹⁷ya²-ni³lai⁴ nca³ ji³. C⁷oa⁴ nca³ts⁷i³ cho⁴ta⁴ xi³ si¹xa¹ xi³ to⁴jme³ xa¹-ni³, li²coi³ ti⁴s⁷e⁴-ni³li² nca³ ji³. C⁷oa⁴ xi³ v⁷ao³ya³ li²coi³ ti⁴coi⁴no¹⁷ya²-ni³lai⁴, ji³. 23 C⁷oa⁴ l⁷i¹ni³cha³ li²coi³ ti⁴coan⁴⁷i³sen³-ni³li² nca³ ji³. Jta⁴-le⁴ x⁷in⁴ cao⁴ chjon⁴²-le⁴ li²coi³ ti⁴coi⁴no¹⁷ya²-ni³lai⁴. Nca⁴ je² cho⁴ta⁴cjoa⁴ma⁴-li⁴ xi³ cho⁴ta⁴ti¹tjon² coan³ i⁴ son³⁷nte³-vi⁴. Nca⁴ je² cjoa⁴v⁷e²nta³-li⁴ tsa³c⁷a³na⁴cha⁴-le⁴ nca³ts⁷i³ na⁴xi⁴na³nta¹. 24 C⁷oa⁴ ya⁴ na⁴xi⁴na³nta¹-ve⁴ coan³sjai³ je² njin¹-le⁴ cho⁴ta⁴ xi³ qui³nchja⁴ya³ t⁷a³ts⁷e⁴ Ni³na¹ cao⁴ xi³ ts⁷e⁴ cho⁴ta⁴-le⁴ Cristo, cao⁴ xi³ ts⁷e⁴ nca³ts⁷i³ xi³ c⁷oa⁴-s⁷in² je³c⁷en³ i⁴ son³⁷nte³-vi⁴.

19

Xi³ ncjin² ma³-ni³ v⁷a³sje³je³ya³ Ni³na¹ ya⁴ nc⁷a³jmi³

1 Coan³scan³-ni³ cjoa⁴je²-vi⁴ qui³nčh⁷oe³jncoa³ jta⁴ xi³ n⁷ion¹, xi³ ts⁷e⁴ xi³ ncjin² ma³-ni³ ya⁴ nc⁷a³jmi³, xi³ qui³tso²: To⁴ma¹-ni³. Je² xi³ cjoa⁴vi³tjo³ntjai², cao⁴ xi³ cjoa⁴je³ya³, cao⁴ xi³ cjoa⁴nc⁷a³, cao⁴ cjoa⁴te¹xo³ma³ ts⁷e⁴ Nai³-na¹ Ni³na¹. 2 Je² cjoa⁴ñ⁷ain³ xi³ tsjoa¹ ña³qui³ cjoa⁴qui²xi⁴-ni¹, c⁷oa⁴ c⁷oa⁴²tjin¹. C⁷oa⁴-s⁷in² qui³tsjoa³-le⁴ cjoa⁴ñ⁷ain³ je² chjon⁴²cha³jnqui³ xi³ qui³si³qui³tson¹j³son³⁷nte³ cao⁴ je² cjoa⁴cha³jnqui³-le⁴. Ni³na¹ qui³si³c⁷e¹chji¹-ni³ ntsja³ chjon⁴²-ve⁴ njin¹-le⁴ cho⁴⁷nta³-le⁴. 3 Nqui²jnc³c⁷a² qui³tso²: To⁴ma¹-ni³. Je² ni⁴⁷nti⁴-le⁴ chjon⁴²-ve⁴ qui³mi³ nca³ntsjai²

ni⁴chjin³. 4 Xi³ can³ño³ cho⁴ta⁴jchi¹nca³ cao⁴ je² xi³ tjio¹con³ xi³ ño³ ma³-ni³ tsa³cja³yo³nia²t⁷a³-le⁴ Ni³na¹ tsa³ve³xcon¹ Ni³na¹ xi³ ti¹jna³son² ya¹xi²le⁴-le⁴, qui³tso²: C⁷oa⁴ ca²ta³ma³. To⁴ma¹-ni³. 5 Ya⁴ ya¹xi²le⁴ ji³tjo³ jnco³ jta⁴ xi³ qui³tso²: Ti⁴jnta¹t⁷aon³ Ni³na¹-na¹, nca³ts⁷io³ xi³ cho⁴nta³ mao³, c⁷oa⁴ jon² xi³ jcon³chao³ Ni³na¹, c⁷oa⁴-s⁷in² xi³ xti³ cao⁴ xi³ jchi¹nca³. 6 Qui³nch⁷oe³jnco³ jta⁴ xi³ jo³-ni³ tsa² ts⁷e⁴ xi³ ncjin² ma³-ni³, jo³-ni³ jta⁴-le⁴ na³nta¹ xi³ n⁷ion¹ fa³ne³, jo³-ni³ ch⁷aon⁴ xi³ n⁷ion¹ fa³ne³, xi³ qui³tso²: To⁴ma¹-ni³. Tsa³ca³te¹xo³ma³ Nai³-na¹ Ni³na¹ xi³ va³te¹xo³ma³ nca³yi³je³. 7 Ca²ta³ma³tsjoa³-na¹, cjoa¹ya³tsjoa³ ta³coan³², c⁷oa⁴ ch⁷a⁴sje³je³ya³², nca³ je³ja³ai³ cjoa⁴vi³xan³-le⁴ je² Va³rre², c⁷oa⁴ je² chjon⁴²-le⁴ je³ti¹jna³nta³. 8 C⁷oa⁴ qui³ts⁷ai²-le⁴ nca³ c⁷oa⁴cja¹ na³jño³ lino xi³ n⁷ion¹ chji¹, xi³ tsje³, c⁷oa⁴ xi³ fa³te³. Je² na³jño³ lino xi³ n⁷ion¹ chji¹ jnco³ ya³-le⁴ je² cjoa⁴qui²xi⁴-le⁴ cho⁴ta⁴-le⁴ Cristo.

Xi³ t⁷a³ts⁷e⁴ cjoa⁴vi³xan³-le⁴ je² Va³rre² xi³ ti⁴je²-ni³ Cristo

9 C⁷oa⁴ qui³tso²-na³: Chji¹³: Jo¹ to⁴nta³-le⁴ je² xi³ c⁷oa⁴-s⁷in² qui³no²cjoa⁴-le⁴ cjoa⁴vi³xan³-le⁴ nca³ coa⁴cjen⁴cao⁴je²Va³rre². C⁷oa⁴ qui³tso²-na³: Je²en¹-le⁴ Ni³na¹ xo⁴tso²-vi⁴ ña³qui³ cjoa⁴qui²xi⁴-ni¹. 10 An³ qui³sca³nquia³ ntso⁴co⁴ nca³ tsa³ve³xcoan¹³. C⁷oa⁴ je² qui³tso²-na³: A³li² c⁷oa⁴-jin² n⁷iain²³. C⁷oa⁴-ti⁴ an³ cho⁴nta³ nia¹³ jo³-ni³ ji³, cao⁴ je² nts⁷ai³ xi³ tjin¹-le⁴ je² en¹ xi³ t⁷a³ts⁷e⁴ Jesús. Jcha⁴xcoin¹³ Ni³na¹, nca³ je² en¹ xi³ t⁷a³ts⁷e⁴ Jesús coi³ cjoa⁴ xi³ no²cjoa⁴ya³-ni³.

Je² xi³ ti¹jna³son² na⁴xin¹ xi³ čhoa³ cji³

11 Ts³⁷ve³ nc⁷a³jmi³ nca³ qui³s⁷e³ti⁴x⁷a⁴. Coe⁴-ni³ jnco³ na⁴xin¹ xi³ čhoa³ cji³. Je² xi³ ti¹jna³son²-le⁴ c⁷oa⁴ tsa³c⁷in²: N⁷ion¹t⁷a³con³ cao⁴ cjoa⁴qui²xi⁴. Tsjoa¹ cjoa⁴ñ⁷ain³ xi³ tjin¹qui²xi⁴, c⁷oa⁴ cao⁴ cjoa⁴qui²xi⁴ cjan¹cao⁴. 12 Xcon⁴ c⁷oa⁴cjoan³ ni⁴jen⁴i¹ cjoan³. Ya⁴son² jco⁴ ncjin² corona tjio¹son². C⁷oa⁴ jnco³ jan³⁷ain¹ tji¹t⁷a³ xi³ ni⁴⁷ya³-jin² xi³ ma³cho⁴ya³-le⁴, to⁴je² xi³ ve³. 13 Y⁷a³cja¹ na³jño³ xi³ njin¹ qui³ts⁷i³jin³. Je² jan³⁷ain¹-le⁴ c⁷oa⁴⁷mi²: En¹-le⁴ Ni³na¹. 14 Je² so³nta²do⁴ xi³ tjio¹ ya⁴ nc⁷a³jmi³ qui³tjen⁴nqui³-le⁴ tjio¹son² na⁴xin¹ xi³ čhoa³. Y⁷a³cja¹ na³jño³ lino xi³ n⁷ion¹ nta³ cjoan³, xi³ čhoa³, xi³ tsje³. 15 Ya⁴ ts⁷oa³ vi³tjo³-ni³ jnco³ qui⁴cha⁴nto³ xi³ yao³ xcon¹. Cao⁴ je² si¹qui²⁷aon³-ni³ cho⁴ta⁴na⁴xi⁴na³nta¹. Je² coa⁴te²xo³ma³ cao⁴ ya¹ni³se³-le⁴ xi³ qui⁴cha⁴. Je² coa⁴sen⁴ne² ya¹ts⁷ion³ xi³ ts⁷e⁴ vino-le⁴ cjoa⁴toan¹ cao⁴ cjoa⁴jti³-le⁴ Ni³na¹ xi³ va³te¹xo³ma³ nca³yi³je³. 16 Tji¹t⁷a³ na³jño³-le⁴ c⁷oa⁴ nca³so³-le⁴ je² jan³⁷ain¹-vi⁴: Nai³ti¹tjon²-le⁴ xi³ nai³ ma³, c⁷oa⁴ nca³jco⁴-le⁴ je² xi³ cho⁴ta⁴ti¹tjon². 17 Ts³⁷ve³jncoa³ a²ncje⁴ xi³ ti¹jna³jin³ ts⁷oi¹, c⁷oa⁴ n⁷ion¹ qui³nchja⁴-le⁴ nca³ts⁷i³ ni⁴se³ xi³ qui³tjen⁴ jin³sen¹: Nčhao¹³, ca²ta³ma³xco¹t⁷ao³ xi³ coi⁴cho³njon²³ xi³ ts⁷e⁴ je² Ni³na¹ xi³ n⁷ion¹ je³ya³, 18 jme¹-ni³ nca³ chi⁴ne⁴-si¹nio³ yao³-le⁴ cho⁴ta⁴ti¹tjon² cao⁴ yao³-le⁴ capitanes, cao⁴ yao³-le⁴ cho⁴ta⁴ta²ja³, cao⁴ yao³-le⁴ na⁴xin¹, cao⁴ yao³-le⁴ je² xi³ tjio¹son², cao⁴ yao³-le⁴ nca³ts⁷i³, xi³ tjio¹ntai¹ cao⁴ xi³ cho⁴⁷nta³, xi³ xti³ cao⁴ xi³ jchi¹nca³. 19 Ts³⁷ve³ je² cho⁴, cao⁴

cho⁴ta⁴ti¹tjon² xi³ ts²e⁴ son³n³te³ cao⁴ so³nta²do⁴-le⁴,
xi³ to⁴jnc³o³ tjio¹ nca³ c²oa⁴-s²in² s²in⁴² cjoa⁴jchan¹.
Co²ntran⁴ coai⁴-le⁴ je² xi³ ti¹jna³son² na⁴xin¹,
c²oa⁴ co²ntran⁴ coai⁴-le⁴ je² so³nta²do⁴-le⁴. 20 Je²
cho⁴-ve⁴ tsa³c²e²jna³n²ion¹, cao⁴ je² xi³ en¹nti³so³
qui³nchja⁴ya³, xi³ cjoa⁴xcon¹ qui³s²in³ nqui³xcon⁴
cho⁴-ve⁴. C²oa⁴-s²in² tsa³c²a³na⁴cha⁴-le⁴ je² xi³
qui³scoe¹ choa⁴-le⁴ cho⁴-ve⁴, xi³ tsa³ve³xcon¹
xco¹son²-le⁴. Qui³ni²c²a³tsao³j³in³ nca³ tjio¹con³
nca³ jao² ya⁴ jnc³o³ jn³cho¹l²i¹ xi³ ti¹ti² cao⁴ azufre.
21 C²oa⁴ je² xi³c²a³ qui³ni²c²en³-ni³ qui⁴cha⁴nto³ xi³
ji³tjo³-ni³ ts²oa³ je² xi³ ti¹jna³son² na⁴xin¹. Nca³ts²i³
ni⁴se³ coan³squi³-ni³ yao³-le⁴.

20

Satanás s²e³t²a³n²ion¹ jnc³o³ jmi³ no¹

1 Tsa³ve³jnc³oa³ a²ncje⁴ xi³ n³choa¹-ni³ nc²a³jmi³
xi³ tj³in¹-le⁴ yo²vi⁴-le⁴ nti⁴tjan⁴ xi³ ti⁴x²a⁴j³in³sen¹,
cao⁴ jnc³o³ n²o¹qui⁴cha⁴ cadena xi³ cja³ ntsja³.
2 Tsa³c²e¹t²a³n²ion¹ je² cho⁴toan¹-ve⁴, je² ye⁴jcha¹-
ve⁴, xi³ ti⁴coi³-ni³ nai⁴² xi³ Satanás. Jnc³o³ jmi³
no¹ qui³s²e³t²a³n²ion¹. 3 Qui³si³c²a³tjen⁴s²en³
nti⁴tjan⁴ xi³ ti⁴x²a⁴j³in³sen¹, c²oa⁴ tsa³c²e¹chjoa²j³cho³.
Tsa³ca³sen¹j³on³ sello, jme¹-ni³ nca³ tsi²
ti⁴c²oa⁴na⁴cha⁴-si¹ni³le⁴ na⁴xi⁴na³nta¹ sa³⁷nta³ nca³
jnc³o³ jmi³ no¹ coan⁴jnc³o³. Xi³ coan⁴scan³-ni³ je²-
vi⁴ tj³in¹ne²-le⁴ nca³ c²oa¹mjen³ntai¹ xi³ to⁴choa³
ni⁴chj³in³. 4 Tsa³ve³ ya¹xi²le⁴, c²oa⁴ tsa³ca³tio²son²
je² xi³ qui³ts²ai²-le⁴ nca³ tsjoa¹ cjoa⁴ñ²ain³. Tsa³ve³
ni⁴ma⁴-le⁴ je² xi³ qui³ti³sin³ xi³ to⁴t²a³ts²e⁴ je² en¹-
le⁴ Jesús, c²oa⁴ xi³ to⁴t²a³ts²e⁴ en¹-le⁴ Ni³na¹, xi³ tsi²

tsa³ve³xcon¹ je² cho⁴-ve⁴, ni⁴je²-jin² xco¹son²-le⁴jin², xi³ tsi² tsa² qui³s²e³choa⁴ tjen³, ni⁴ya⁴ ntsja³-jin². Tsa³c²e¹yo³con², jnco³ jmi³ no¹ tsa³ca³te¹xo³ma³cao⁴ Cristo. ⁵Je²xi³c²a³xi³c²en³li²coi³ti⁴tsa³c²e¹yo³con²-ni³ sa³⁷nta³ nca³ coan⁴ jnco³ jmi³ no¹. Je²-vi⁴ xi³ ti¹tjon² ja³⁷a²ya³-le⁴. ⁶Jo¹ to⁴nta³-le⁴, jo¹ to⁴tsje³, je² xi³ c²oa⁴cao⁴t⁷a³-le⁴ nca³ cjoa⁴a¹ya³ti¹tjon²-le⁴. Je² cjoa⁴vi³ya³ xi³ ma³jao²-ni³ li²coi³ tjn¹-le⁴ nca³n⁷ion¹ xi³ t⁷a³ts⁷e⁴ nca³ je². To⁴sa³ na⁴⁷mi³-le⁴ Ni³na¹cao⁴xi³ts⁷e⁴ Cristo coan⁴. Coa⁴te²xo³ma³cao⁴ jnco³ jmi³ no¹. ⁷C²ia⁴ nca³ coan⁴jnco³ je² xi³ jnco³ jmi³ no¹, je² nai⁴² tjo¹jnta³⁷ñ¹ cjoa⁴ñ⁷ain³-le⁴. ⁸Coit⁴tjo³ nca³ c²oa⁴na⁴cha⁴-le⁴ na⁴xi⁴na³nta¹ xi³ tjio¹ nca³ ño³ xi⁴nqui⁴-le⁴ son³⁷nte³, ya⁴ Gog c²oa⁴ ya⁴ Magog, jme¹-ni³ nca³ c²oa⁴-s⁷in² c²oe⁴²xco¹-si¹ni³ xi³ t⁷a³ts⁷e⁴ cjoa⁴jchan¹. Je² xi³ c²oa⁴tjin¹ ma³-ni³ jo³-ni³ tsa² tso⁴mi¹-le⁴ nta¹chi³con³. ⁹Tsa³c²e¹ma³son² nca³qui³jnta² son³⁷nte³, c²oa⁴ tsa³c²o¹tji³ntai³ nte³-le⁴ cho⁴ta⁴-le⁴ Cristo, c²oa⁴ je² na⁴xi⁴na³nta¹ xi³ tsjoa³cha³². Ni³na¹ qui³sca³ni¹jen³-ni³ l⁷i¹ nc²a³jmi³, c²oa⁴ qui³ti² nca³ts⁷i³. ¹⁰Je² nai⁴² xi³ tsa³c²a³na⁴cha⁴-le⁴, ya⁴ qui³ni²c²a³tjen⁴jin³ ya⁴ jn³cho¹l⁷i¹cao⁴ azufre, jña³ nca³ tjio¹ je² cho⁴-ve⁴cao⁴ je² xi³ en¹nti³so³ qui³nchja⁴ya³. Ya⁴ cjoa⁴ñ⁷ain³ ni⁴čhjin³cao⁴ ni⁴tjen⁴ nca³ntsjai² nca³ntsjai².

S²e³-le⁴ cjoa⁴ñ⁷ain³ nca³ jnco¹jnco¹ jo³-s⁷in² xa¹-le⁴

¹¹Tsa³⁷ve³jncoa³ ya¹xi²le⁴ xi³ čhoa³ cji³cao⁴ je² xi³ ti¹jna³son². Nqui³xcon⁴ nca³ je² tsa³nca³t⁷a³xin²-le⁴ son³⁷nte³cao⁴ nc²a³jmi³. Li²coi³ti⁴coan³sjai³-ni³le⁴ nte³-le⁴ nca³ je². ¹²Tsa³⁷ve³ je² xi³ c²en³, xi³

jchi¹nca³ cao⁴ xi³ xti³, xi³ tjio¹ nqui³xcon⁴ Ni³na¹. Je² xon⁴ qui³tjo³⁷ai². C⁷oa⁴ je² xi³ nqui²jnc³ xon⁴ qui³tjo³⁷ai², xi³ ts⁷e⁴ cjoa⁴vi³jna³chon³. C⁷oa⁴-s⁷in² je² xi³ c⁷en³ qui³ts⁷ai²-le⁴ cjoa⁴ñ⁷ain³ t⁷a³ts⁷e⁴ je² cjoa⁴ xi³ tjio¹t⁷a³ ya⁴ xon⁴, jo³-s⁷in² xa¹-le⁴. 13 Je² nta¹chi³con³ qui³tsjoa³ je² xi³ c⁷en³ xi³ ya⁴ tjio¹jⁱⁿ³. C⁷oa⁴ je² cjoa⁴vi³ya³ cao⁴ ya⁴ ?nte³ jña³ nca³ tjio¹ xi³ c⁷en³ qui³tsjoa³ je² xi³ ya⁴ tjio¹jⁱⁿ³. C⁷oa⁴-s⁷in² qui³ts⁷ai²-le⁴ cjoa⁴ñ⁷ain³ nca³ jnc¹jnc¹ jo³-s⁷in² xa¹-le⁴. 14 Je² ?nte³ jña³ nca³ tjio¹ xi³ c⁷en³ cao⁴ cjoa⁴vi³ya³ qui³ni²c⁷a³tsao³jⁱⁿ³ ya⁴ jñcho¹l⁷i¹. Je²-vi⁴ cjoa⁴vi³ya³ xi³ ma³jao²-ni³. 15 Je² xi³ tsi² coan³sjai³t⁷a³ ya⁴ xon⁴ xi³ ts⁷e⁴ cjoa⁴vi³jna³chon³, c⁷oa⁴-s⁷in² qui³ni²c⁷a³tjen⁴jⁱⁿ³ ya⁴ jñcho¹l⁷i¹-ve⁴.

21

Nc⁷a³jmi³ cho⁴tse⁴ cao⁴ son³⁷nte³ cho⁴tse⁴

1 Tsa³⁷ve³jⁱⁿcoa³ nc⁷a³jmi³ cho⁴tse⁴ cao⁴ jnc³ son³⁷nte³ cho⁴tse⁴. Je² nc⁷a³jmi³ ti¹tjon² cao⁴ son³⁷nte³ ti¹tjon² qui³-ni³, c⁷oa⁴ nta¹chi³con³ li²coi³ ti⁴tjin¹-ni³. 2 An³ xi³ Juan ?mi²-na³ tsa³⁷ve³ je² na⁴xi⁴na³nta¹ xi³ tsje³, Jerusalén cho⁴tse⁴, xi³ ji³tjo³j^{en}³-ni³ nc⁷a³jmi³ ts⁷e⁴ Ni³na¹. Ti¹jna³nta³ jo³-ni³ tsa² jnc³ chjon⁴² xi³ ti¹jna³nta³ xi³ t⁷a³ts⁷e⁴ x⁷in⁴-le⁴. 3 Qui³nch⁷oe³jⁱⁿcoa³ jta⁴ n⁷ion¹ ya⁴ nc⁷a³jmi³, xi³ qui³tso²: Coe⁴-ni³ je² ni³⁷ya³-le⁴ Ni³na¹ qui³jna³jⁱⁿ³-le⁴ cho⁴ta⁴, c⁷oa⁴ Ni³na¹ c⁷oe¹jna³cao⁴. Cho⁴ta⁴ na⁴xi⁴na³nta¹-le⁴ coan⁴. Ti⁴je²-ni³ Ni³na¹ Ni³na¹-le⁴ coan⁴. 4 Ni³na¹ c⁷oe⁴²jon³ nca³yi³je³ nta¹xcon⁴ xi³ ts⁷e⁴ xcon⁴. Li²coi³ ti⁴s⁷e⁴-ni³ cjoa⁴vi³ya³. Li²coi³ ti⁴s⁷e⁴-ni³ cjoa⁴va³, ni⁴je²-jⁱⁿ² xi³ cji³⁷ntia¹,

ni⁴je²-jin² xi³ aon³ ma³-le⁴, nca³ je² cjoa⁴ xi³ ti¹tjon² je³ja³a³to³. 5 Je² xi³ ti¹jna³son² ya¹xi²le⁴, qui³tso²: Coe⁴-ni³ an³ si³cho⁴tse⁴ nca³yi³je³. C⁷oa⁴ qui³tso²-na³: Chji¹³, nca³ je² en¹-vi⁴ nta³-ni¹, c⁷oa⁴ cjoa⁴qui²xi⁴-ni¹. 6 C⁷oa⁴ je² qui³tso²-na³: Je³c⁷oa⁴qui³s⁷e³. An³ nia¹³ je² Alfa c⁷oa⁴ je² Omega, xi³ ti¹tjon² c⁷oa⁴ xi³ fe³t⁷a³. Tsa² jnco³ xi³ fa³ti²-le⁴, an³ tsjoa³-le⁴ na³nta¹ xi³ tsjoa¹ cjoa⁴vi³jna³chon³, xi³ to⁴cjoa⁴tjao². 7 Je² xi³ si⁴2qui³njen³ scoe¹cjoa⁴tjao² nca³yi³je³ tso³jmi². An³ coan⁴ Ni³na¹-le⁴, c⁷oa⁴ je² coan⁴ ⁷nti¹-na⁴. 8 To⁴nca³ je² xi³ tsa³cjon¹, je² xi³ tsi² ma³cjain¹-le⁴, c⁷oa⁴ je² xi³ ch⁷ao³ cjoan³, je² xi³ si¹c⁷en³, cao⁴ xi³ si¹cha³jnqui³, cao⁴ xi³ v⁷e¹nta³, cao⁴ xi³ xco¹son² ve³xcon¹, cao⁴ nca³ts⁷i³ xi³ nti³so³, ya⁴ ⁷nte³-le⁴ coan⁴ ya⁴ jn⁷cho¹l⁷i¹ xi³ ti¹ti² cao⁴ azufre, je² cjoa⁴vi³ya³ xi³ ma³jao²-ni³.

Je² Jerusalén cho⁴tse⁴

9 Ji³n⁷choa³jnco³-na³ je² xi³ ma³ñ³to³-ni³ a²ncje⁴, xi³ tj¹in¹-le⁴ ñ³a³to³ cho⁴tsin¹ xi³ tjio¹qui³tse³-ni³ ñ³a³to³ cjoa⁴ñ⁷ain³ xi³ fe³t⁷a³. Tsa³cja¹cao⁴-na³, qui³tso²: N⁷choai¹³ i⁴-vi⁴, an³ coa³co³-le²³ je² xi³ chjon⁴²-le⁴ coan⁴ Va³rre². 10 C⁷oa⁴ qui³cao⁴-na³ jñ³ nca³ jnco³ ni³nto³ xi³ n⁷ion¹ nc⁷a³ nca³ ti¹jna³cao⁴-na³ je² Espíritu Santo. Tsa³ca³co¹-na³ je² na⁴xi⁴na³nta¹ xi³ je³ xi³ tsje³, je² Jerusalén, xi³ ji³tjo³jen³-ni³ nc⁷a³jmi³ ts⁷e⁴ Ni³na¹. 11 Tjin¹-le⁴ cjoa⁴i³sen³-le⁴ Ni³na¹. Je² l⁷i¹-le⁴ c⁷oa⁴cji³ jnco³ la⁴jao⁴ xi³ n⁷ion¹ na⁴sca¹ cji³, jo³-ni³ la⁴jao⁴ xi³ jaspe ⁷mi², xi³ fa³te³ jo³-ni³ tsa² cho⁴tsin¹. 12 Tjin¹-le⁴ čhjao¹lao⁴ xi³ n⁷ion¹ je³, c⁷oa⁴ xi³ nc⁷a³, cao⁴

te³jao² xo⁴ntjao⁴. Tjio¹jcho³ xo⁴ntjao⁴-le⁴ te³jao² a²ncje⁴. Tjio¹t⁷a³ xo⁴ntjao⁴-ve⁴ jan³⁷ain¹-le⁴, xi³ coi³ te³jao² ntje⁴ xi³ ts⁷e⁴ xti³-le⁴ Israel. 13 Ya⁴ jña³ nca³ vi³tjo³-ni³ ts⁷oi¹, jan² xo⁴ntjao⁴. C⁷oa⁴ nca³scon¹-le⁴ jan² xo⁴ntjao⁴. C⁷oa⁴ nca³qui²xi⁴-le⁴ jan² xo⁴ntjao⁴. C⁷oa⁴ nca³ ca³ntjai²-ni³ ts⁷oi¹ jan² xo⁴ntjao⁴. 14 C⁷oa⁴ čhjao¹lao⁴-le⁴ na⁴xi⁴na³nta¹-ve⁴ tjin¹-le⁴ te³jao² čhjao¹ja⁴ma⁴. Ya⁴ tjio¹t⁷a³ te³jao² jan³⁷ain¹-le⁴ je² xi³ te³jao² pa²stro⁴ xi³ ts⁷e⁴ Va³rre². 15 Je² xi³ tsa³cja¹cao⁴-na³ tjin¹-le⁴ jnco³ ya¹na³nca³ xi³ taon⁴si³ne² xi³ v⁷e¹cho⁴ya³-ni³ na⁴xi⁴na³nta¹ cao⁴ xo⁴ntjao⁴-le⁴ cao⁴ čhjao¹lao⁴-le⁴. 16 Je² na⁴xi⁴na³nta¹ c⁷oa⁴-s⁷in² qui³jna³ nca³ ño³ xi⁴nqui⁴-le⁴, ti⁴c⁷oa⁴cji³ nto³-ni³ jo³ cji³ te³ya³. Tsa³c⁷e¹cho⁴ya³ na⁴xi⁴na³nta¹-ve⁴ cao⁴ je² ya¹na³nca³ xi³ jao² millón metro ma³-ni³. Jo³ cji³ nto³, jo³ cji³ nc⁷a³, jo³ cji³ te³ya³ to⁴nc¹son² cjoan³. 17 Tsa³c⁷e¹cho⁴ya³ čhjao¹lao⁴-le⁴, jnco³ ciento cao⁴ ña³chan²ño³ nta³ ma³-ni³, xi³ choa⁴-le⁴ x⁷in⁴, xi³ ts⁷e⁴ a²ncje⁴. 18 Je² xi³ tji¹nta³-ni³ je² čhjao¹lao⁴-ve⁴ coi³ xi³ jaspe ⁷mi². To⁴nca³ je² na⁴xi⁴na³nta¹ ña³qui³ taon⁴si³ne² ni¹, c⁷oa⁴cji³ cho⁴tsin¹ xi³ fa³te³ cji³. 19 Je² čhjao¹ja⁴ma⁴-le⁴ je² čhjao¹lao⁴-ve⁴ xi³ ts⁷e⁴ na⁴xi⁴na³nta¹-ve⁴, tjin¹yi³je³-le⁴ la⁴jao⁴ xi³ na⁴sca¹ cjoan³. Je² xi³ ti¹tjon² čhjao¹ja⁴ma⁴, coi³ xi³ jaspe; xi³ ma³jao²-ni³, zafiro; xi³ ma³jan²-ni³, ágata; xi³ ma³ño³-ni³, esmeralda; 20 xi³ ma³⁷aon²-ni³, ónice; xi³ ma³jaon³-ni³, cornalina; xi³ ma³ña³to³-ni³, crisólito; xi³ ma³jin³-ni³, berilo; xi³ ma³ña³jan³-ni³, topacio; xi³ ma³te³-ni³, crisopraso; xi³ ma³te³jnco³-ni³, jacinto; xi³ ma³te³jao²-ni³, amatista. 21 Je² te³jao² xo⁴ntjao⁴ te³jao² to³fa³nqui³ xi³ choa³

cjoan³. Jnco¹jnco¹ xo⁴ntjoa⁴ jnco³ to³fa³nqui³. Je² nti³tsin³-le⁴ je² na⁴xi⁴na³nta¹ ña³qui³ taon⁴si³ne² ni¹, jo³-ni³ cho⁴tsin¹ xi³ ma³tsen³ya². 22 Ni⁴jnco³-jin² yo⁴nco⁴ tsa³⁷ve³ ya⁴-ve⁴, nca³ je² Nai³-na¹ Ni³na¹ xi³ va³te¹xo³ma³ nca³yi³je³, cao⁴ je² Va³rre² ti⁴je²-ni³ xi³ yo⁴nco⁴-le⁴. 23 Je² na⁴xi⁴na³nta¹-ve⁴ li²coi³ ma³chjen¹-le⁴ ts⁷oi¹ ni⁴sa¹-jin², jme¹-ni³ nca³ si⁴²⁷i³sen³-si¹ni³le⁴, nca³ je² cjoa⁴⁷i³sen³-le⁴ Ni³na¹ xi³ si¹⁷i³sen³-le⁴, c⁷oa⁴ je² Va³rre² je² l⁷i¹-le⁴. 24 Je² na⁴xi⁴na³nta¹ xi³ ji³tjo³ntjai² c⁷oe¹ma³jin³ l⁷i¹-le⁴. Je² cho⁴ta⁴ti¹tjon² xi³ ts⁷e⁴ son³⁷nte³ cjoa⁴⁷ai¹ tsjoa¹-le⁴ cjoa⁴je³ya³-le⁴, cao⁴ cjoa⁴nc⁷a³-le⁴. 25 Je² xo⁴ntjoa⁴-le⁴ ni⁴c⁷ia³-jin² s⁷e⁴chjoa² nca³ ni⁴čjin³, nca³ ya⁴ li²coi³ coan⁴njon². 26 Nca³ts⁷i³ cho⁴ta⁴ cjoa⁴⁷ai¹ tsjoa¹-le⁴ cjoa⁴je³ya³-le⁴ cao⁴ cjoa⁴nc⁷a³-le⁴. 27 Ya⁴ li²coi³ cjoa⁴⁷a³s⁷en³ ni⁴to⁴jme³-jin² xi³ jnti¹ cjoan³, xi³ ch⁷ao³ s⁷in¹, xi³ nti³so³, to⁴ña³qui³ to⁴je²-ni¹ xi³ tjio¹t⁷a³ ya⁴ xon⁴ xi³ ts⁷e⁴ cjoa⁴vi³jna³chon³, xon⁴-le⁴ je² Va³rre².

22

1 Coan³scan³-ni³ tsa³ca³co¹-na³ jnco³ nta¹je⁴ xi³ tsje³ xi³ ts⁷e⁴ cjoa⁴vi³jna³chon³, xi³ fa³te³jin³ jo³-ni³ cho⁴tsin¹, xi³ ji³tjo³-ni³ ya¹xi²le⁴-le⁴ Ni³na¹ cao⁴ Va³rre². 2 Ya⁴ nca³va³sen³-le⁴ ntia⁴²-le⁴, ya⁴ nca³ jao² ncoa³-le⁴ nta¹je⁴ ncha³ ya¹-le⁴ cjoa⁴vi³jna³chon³ xi³ te³jao² jco⁴ya³ to³ tsjoa¹. Jnco¹jnco¹ sa¹ tsjoa¹ to³-le⁴. Xca⁴-le⁴ ya¹-ve⁴ ma³xqui³-ni³le⁴ nca³ts⁷i³ na⁴xi⁴na³nta¹. 3 Li²coi³ ti⁴s⁷e³-ni³ cjoa⁴⁷aon³ta³con². To⁴je² ya¹xi²le⁴-le⁴ Ni³na¹ cao⁴ je² Va³rre² se¹jna³, c⁷oa⁴ cho⁴⁷nta³-le⁴ scoe⁴xcon¹. 4 Scoe⁴ ncjain¹. Je²

jan³ain¹-le⁴ s⁷e³jna³t⁷a³ tjen³. ⁵ C⁷oa⁴ ya⁴-ve⁴ li²coi³ ti⁴coan⁴njon²-ni³. Li²coi³ ma³chjen¹-le⁴ l'i¹ni³cha³, ni⁴ts⁷oi¹-jin². Nca⁴ je² Nai³-na¹ Ni³na¹ xi³ si⁴2⁷i³sen³-le⁴. C⁷oa⁴ cho⁴7nta³-le⁴ coa⁴te²xo³ma³ nca³ntsjai² nca³ntsjai².

Ma³čhian³-le⁴ nca³ cjoa⁴7ai¹ Cristo

⁶ C⁷oa⁴ je² qui³tso²-na³: Je² en¹-vi⁴ ña³qui³ nta³-ni¹ c⁷oa⁴ cjoa⁴qui²xi⁴-ni¹. Je² Nai³-na¹ Ni³na¹ xi³ ts⁷e⁴ ni⁴ma⁴-le⁴ je² xi³ qui³nchja⁴ya³ t⁷a³ts⁷e⁴ c⁷oa⁴-s⁷in² qui³si³ca³sen¹ je² a²ncje⁴-le⁴, jme¹-ni³ nca³ coa⁴co²-si¹ni³le⁴ je² cho⁴7nta³-le⁴ je² cjoa⁴ xi³ ma³chjen¹-ni¹ nca³ c⁷oa⁴coan⁴ nti⁴ton⁴. ⁷ Coe⁴-ni³ an³ cjoe²7e⁴ nti⁴toan⁴. Jo¹ to⁴nta³-le⁴ je² xi³ si¹tjo³son² je² en¹ xi³ qui³no²cjoa⁴ya³j³in³-ni³ xon⁴-vi⁴. ⁸ An³ xi³ Juan ⁷mi²-na³ qui³nč⁷oe³ c⁷oa⁴ tsa³7ve³ je² cjoa⁴-vi⁴. Coan³scan³-ni³ nca³ je³qui³nč⁷oe³ c⁷oa⁴ nca³ tsa³7ve³, qui³sca³nquia³ ntso⁴co⁴ a²ncje⁴ xi³ tsa³ca³co¹-na³ je² cjoa⁴-vi⁴ nca³ tsa³7ve³xcoan¹³. ⁹ Je² qui³tso²-na³: Coe⁴-ni³, a³li² c⁷oa⁴-jin² n⁷iain²³. C⁷oa⁴-ti⁴ an³ cho⁴7nta³ nia¹³ jo³-ni³ ji³, cao⁴ je² nts⁷ai³ xi³ nchja⁴ya³ t⁷a³ts⁷e⁴ Ni³na¹, cao⁴ je² xi³ si¹tjo³son² je² en¹ xi³ ts⁷e⁴ xon⁴-vi⁴. Jcha⁴xcoin¹³ Ni³na¹. ¹⁰ C⁷oa⁴ je² qui³tso²-na³: A³li² v⁷e²chjoa²nqui³-jin²³ je² en¹ xi³ nchja⁴ya³-ni³ je² xon⁴-vi⁴, nca³ je² ni⁴čhjin³-le⁴ nčhoa¹čhian³. ¹¹ Je² xi³ tsin²-le⁴ cjoa⁴qui²xi⁴-jin², to⁴jo³ li²coi³ cjoa⁴qui²xi⁴ coan⁴. Je² xi³ jnti¹, ca²ta³si¹jnti¹-sa³ yao³-le⁴. Je² xi³ tj¹in¹-le⁴ cjoa⁴qui²xi⁴, to⁴jo³ cjoa⁴qui²xi⁴ ca²ta³s⁷in¹. Je² xi³ tsje³, ca²ta³ma³tsje³ya²-sa³. ¹² Coe⁴-ni³ an³ cjoe²7e⁴ nti⁴toan⁴, c⁷oa⁴ cao⁴ je² xi³ c⁷oe³chji¹³-le⁴, nca³

c⁷oa⁴-s⁷in² tsjoa³-le⁴ nca³ jnco¹jnco¹ jo³-s⁷in² nca³ qui³si³xa¹. 13 An³ nia¹³ je² Alfa c⁷oa⁴ je² Omega, xi³ ti¹tjon² c⁷oa⁴ xi³ fe³t⁷a³, je² xi³ to²ts⁷in³-le⁴ c⁷oa⁴ je² xi³ ⁷nta³tjon²-le⁴. 14 Jo¹ to⁴nta³-le⁴ je² xi³ va³ne¹ na³jño³-le⁴, jme¹-ni³ nca³ tj¹in¹-si¹ni³le⁴ ⁷nte³ cao⁴ ya¹-le⁴ cjoa⁴vi³jna³chon³, c⁷oa⁴ cjoa⁴a³s⁷en³-si¹ni³ ya⁴ xo⁴ntjoa⁴-le⁴ na⁴xi⁴na³nta¹. 15 To⁴nca³ ya⁴ nti³tsin³-le⁴ coa⁴tio⁴ nia¹, cao⁴ xi³ v⁷e¹nta³, cao⁴ xi³ si¹cha³jnqui³, cao⁴ xi³ si¹c⁷en³, cao⁴ xi³ ve³xcon¹ xco¹son², cao⁴ to⁴ya³-ni³ xi³ tsjoa³que³ cjoa⁴nti³so³. 16 An³ Jesús qui³si³ca³sen¹³ a²ncje⁴-na⁴ nca³ tsjoa¹-no³ en¹ xi³ t⁷a³ts⁷e⁴ je² cjoa⁴-vi⁴ ya⁴j¹in³-le⁴ na⁴xi⁴na³nta¹-na⁴. An³ nia¹³ xi²nquia⁴ c⁷oa⁴ ntje⁴-le⁴ David, je² ni³ño³tse³ xi³ ta⁴njion²ya³ tjo³. 17 Je² Espíritu Santo c⁷oa⁴ je² chjon⁴²-le⁴ Va³rre² tso²: N⁷choai¹³. C⁷oa⁴ je² xi³ n⁷ch⁷oe¹, ca²ta³tso²: N⁷choai¹³. C⁷oa⁴ je² xi³ fa³ti²-le⁴, ca²ta³n⁷choa¹. C⁷oa⁴ je² xi³ me³-le⁴, ca²ta³vi³ na³nta¹ xi³ tsjoa¹ cjoa⁴vi³jna³chon³, xi³ to⁴cjoa⁴tjao². 18 An³ tsjoa³-le⁴ en¹-na⁴ nca³ts⁷i³ xi³ n⁷ch⁷oe¹ je² en¹ xi³ nchja⁴ya³-ni³ je² xon⁴-vi⁴: Tsa² jnco³ xi³ c⁷oe⁴²son²-sa³le⁴ je² cjoa⁴-vi⁴, Ni³na¹ c⁷oa⁴-s⁷in² tsjoa¹son²-le⁴ cjoa⁴n⁷ain³ xi³ tjio¹t⁷a³ je² xon⁴-vi⁴. 19 C⁷oa⁴ tsa² jnco³ xi³ cjoa⁴a²xin² je² en¹ xi³ nchja⁴ya³-ni³ xon⁴-vi⁴, Ni³na¹ cjoa⁴a²xin²-le⁴ ⁷nte³-le⁴ ya⁴ ya¹ xi³ ts⁷e⁴ cjoa⁴vi³jna³chon³, c⁷oa⁴ cao⁴ ⁷nte³-le⁴ ya⁴ na⁴xi⁴na³nta¹ tsje³, c⁷oa⁴ cao⁴ ⁷nte³-le⁴ xi³ ts⁷e⁴ cjoa⁴ xi³ tjio¹t⁷a³ je² xon⁴-vi⁴. 20 Je² xi³ tsjoa¹ en¹-le⁴ xi³ t⁷a³ts⁷e⁴ je² cjoa⁴-vi⁴, tso²: Ña³qui³ cjoa⁴qui²xi⁴ an³ cjoe²⁷e⁴ nti⁴toan⁴. C⁷oa⁴ ca²ta³ma³, c⁷oa⁴ ca²ta³s⁷e³. N⁷choai¹³, Señor Jesús. 21 Je² cjoa⁴nta³-le⁴ Nai³-na¹ Jesucristo c⁷oa⁴-s⁷in²

ca²ta³s²e³-no³ nca³ts²io³. C²oa⁴ ca²ta³ma³.

Xon⁴-le⁴ ni³na¹ xi³ tʔa³tsʔe⁴ Jesucristo
New Testament in Mazatec, Huautla
(MX:mau:Mazatec, Huautla)

copyright © 1960 Wycliffe Bible Translators, Inc.

Language: Mazatec, Huautla

Translation by: Wycliffe Bible Translators, Inc.

Mazateco, Huautla [mau], Mexico

Copyright Information

© 1960, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, Huautla

© 1960, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

69c7ee6e-d3c3-563f-a672-6ad58122d8ed